


آچا گۆزوندن گل سین

حافظ خیاوی



Alça gözündən gəlsin

Hafiz Xiyavi



آچا گؤز وندن گلسین

حافظ خیای

آچا گۆزوندن گلسين

حافظ خياوى

اڻديت: منصور مظلومى، مرتضى سلمانى

جلد ديزاينى: بابڪ شيرين صفت

صفحه دوزهنى: مرتضى سلمانى

بو ڪيتاب ۱۳۹۸- جى ايلده اينترنت اوزره ياييلميش دير.



اوزون ساچلاری قولاق لارینین اوستونو آلمیش آریق اوغلاندان «کیمین توینا گئدینس بالا؟!» سوروشور؛ اوزون ساچلی دا «مهدی نصیری نین» دئنده، خیوانین چالا-چوخورونا یاواش دوشسون دئییه ترمز توتوب، دنده اسگیلدیب، سوروشور: «هانسی نصیری بالام؟» اوزون ساچلی، «حاجی صمدین نوه سی!» دئجه یین اونا باخیر، الینی اونا ساری اؤلچهرک «آده! حاجی صمد یوخئی، قیرمیزی صمد!» دئییب گوله-گوله شاپبیلیتیلای الینی آتلی دیزینه وورور، بؤیروندن آیری بیر چالایا گۆره بونون کیمی سرعتینی آلیب، یاواشییب «تاغی عمی، ماشاللا کئفون سازدی ها!» دئییب، بیراز توزو قارایا چالان آغ ماشینلییا

گوله-گوله «كئفدى دايئا!» دئير، اونو سوووشاندا دا دال بادال ايكي دؤنه سيگنال چالير.

اوزون ساچلى «نئچه تقديم ائليه جييم؟»، سوروجو ده «قوى قالسین، قوناغ اول منه!» دئيب ماشینی بیر کوچه نین آغزینا قالمیش خیاوانین قیراغیندا ساخلاياندا، کوچه دن چیخیب خیاوانین بونلار گلیدی طرفه گتمکده اولان ماشین لارین ترمز جیغیلتی لاری، سیگنال چالمالاری، ایچینده کی آدام لارین چیغیر-باغیر سالمالارینا، گولوب قاققیداما لارینا زادینا گۆره اوجادان «چوخ ساغول! ال لرون آغریماسین!» دئیب پولونو وئریر، بیر آیاغی یئرده، بیر آیاغی دا ماشینین ایچینده اولاندا، ماشین لارین بیریندن بیر باشی یئکه اوغلان اوجا سسله «آراز! ایندی گلین، گۆت وئرن؟» دئیب اوجادان گولور. اوزون ساچلی، ماشینین قاپیسینی اؤرته رک ال قاوازیب گوله-گوله «عمی اوغلی؟» دئییه جواب وئریر، چانتاسینی چینینه آتیب، پيادا یولونا کئچیر.

ماشین لارین بیر آیرسی نین پنجره سیندن باشینی ائشیه چیخاردان بیر جاوان اوغلان «آراز! های آراز!» سسله جه بین آراز ال قاوازیب گولومسه یرک اوجادان دئیر: «ممد!» ممد ماشین خیاوانین او اینده ساخلایب «تئز اول گه! گئدیروی خینیا» دئیر، ماشینین آرخاسیندا، ایکی اوتورانین دؤنوب دالیبا باخانی دا آرازی الیه

چاگیریر. آراز بیر-ایکی آددیم ماشینا ساری ایره‌لیله‌یب اوجادان
دئیر: «یوخ! گئدون سیز.»

آراز کوچه‌یه کئچیر، خینایا گئدن ماشین لارین دئیسه سن لاپ آخیرا
قالمیشینی، سیگنال چالا-چالا چیراق لارینی قابقدان گلن لارین
گؤزلرینه سالاراق سرعتله کوچه‌نین آغزینا ساری گلمه‌سینی
گؤرجه‌یین، اؤزونو تئز دووارین دیبینده ساخلانیلان ماشین لارین
آراسینا سالیر، کوچه‌نین قارانلیغیندا اوزو یاخجی گؤرونمه‌ین، آما
سیسی جاوان سسینه بنزه‌ین بیرسی، باشینی ماشینین
پنجره‌سیندن ائشییه چیخاردیب چیغیراراق دئیر: «جانو یئم!»
ماشین سوووشوب ایچینده‌کی لارین گولوشمه سس‌لریله
اوزاقلاندا، آراز ماشینا دالدان باخیر، باشیندان اوزبه‌اوزونده‌کی
دووارا چکیلن سیم‌لردن رنگ‌به‌رنگ چیراق لار آسیلان قاپییا ساری
یولا دوشمه‌میشدن توی ائویندن گلن «آی ساللانیب گلن یار»
ماهنیسینی ائشیدرکن بلکه ده اوره‌یینده ماشینداکی لارا یامان-
یوووز زاد دئیر. آنجاق دانیشماغا آغزینی آچمامیش گولومسه‌ین،
اووودلارینا ایکی خیرداجا چالا دوشموش، زیل قارا گؤزلرینین اوج
قولاغی دا بالاجا ییغیشیب آلتینا گؤرونوب-گؤرونمز جیز دوشن
آرازا یامان دئمک یاراشمیر!

دووارین اوستونده‌کی یئکه چیراغین ایشیغیندا، آرازین اؤزو
گئیدی قهوه‌رنگلی کوت‌شالواریندان بیراز آچیق گؤرسه‌نن

كوت شالوارلى، آرازى گۆرجه يىن قاپىننن قباغىنداكى اوچ-دۇرد
جاوان-جوواننن يانيندان گولە-گولە آراز سارى گلير، گلە-گلە دە
دئير: «آراز، سنە يامان بى ائشيمەلى جريان ديهه جيم!»
آراز گولومسە يرك دئير:

«جفرنن حاجى سونانن جريانن؟»

«هە! ائشيديسن؟»

آراز گولەرك دئير: «هە! ائشيميشم.» قاپىننن يانينداكى اۋزلىرى
ياشدا اولان جاوانلار آرازىن دئيدىنىنى ائشيدىب گولورلر،
قەوهرنگلى كوت شالوارلى دا توتولان كىمى اولور، آراز قارا قيرمىزىيا
چالان كراواتىندان ياپىشىب دئير:

«نە قشيدى!»

«ساغول!»

آراز چىينىندن آسلانان چانتانى ايلە قارا-قيرمىزى كراواتلىيا
گۆرسە دىب، الينى اونون بئلىنە قوياراق «بىيازدان گلرسن
ايچەروى!»، قاپىننن يانينداكى جاوانلارا دا باخىب گولومسە يرك
«ائلە سىز دە!» دئىب، اوخويان ماهىننى «كۆنلىمى قان ائىلە مە
گل سئوگىلى جانان» آيئتيرندە ائوين قاپىسىنا سارى گئدير.

پىللەلردن ائنير، آغاچلارنىنن آلتىندا، قول-بوداقلارنىندان
رنگبەرنگ بالا لامپلار آسلانان آغاچلارنىنن، هم دە ساغ-
سولداكى دووارلارنىنن دىبيندەكى موزايىكلنمىش ايكى يولا،

بعضیسی بوش، بعضی سینین اوستونده آدام اوتورموش پلاستیک صندل لر دؤشمنمیش حیطه کئچیر. نئچه آددیم ایره لی گئدیر، ایکی الده ده سیرا-سیرا دوزولن صندل لرین آراسینداکی دار کئچه جه یین آغزیندا دایانیر. اوخویوب اوینایان لارا گؤره سوپورولوب تمیزلنمیش گئیشلییین اورتالاریندا آیاق اوسته دوروب میکروفون الینده قیرمیزی کوتلو اوخویانا، اوندان دؤرد-بئش آددیم دالدا دا، ائوین ساغداکی پنجره لرینین بیرسی نین آلتیندا موزاییک لنمیش یئرده صندل لرده اوتوران لارا، قارمانلا قوال چالان لارا باخیر. سونرا سول الدهه کی سارماشیق سووواشمیش دووارین آخیرلاریندا، صندل لرین دالینداکی کُردی ایله سارماشیقلی دووارین بیر آدام کئچه بیله جک قدر آراسیندا کُردیدن قالخان گول کولونون آرخاسیندان گؤرسنمه یین بیر شئین اوستونده ایکی اوتوران لارا، ال لرینده کی استکان لاری باش لارینا چکن لره، یئردن گؤتوردوک لری خیار-پامادوری دوزلاییب دیشله یین لره باخیر.

سونرا دؤنور بو تایا، ایکی-اوچ سیرا قاباقدا، گؤزونون قاباغینی توتان یئکه، یوغون توت آغاجینی سوووشاندا، توتون دووارا ساریکی بوداق لارینین آلتیندا اوتوران اوغلانین، دؤنوب دالینداکی گولوب دانیشان اوزو آریق گؤرسه نن اوغلانین بیردن گؤزو بونا دوشجه یین ال قاوازییب سسله ییب «آراز!» دئیهنه ال قاوازیاراق سلام وئریب

«ئىجەسن سجاد؟» دئىير. سجادلا دئىيب-گولن گون باشلى دا
 دؤنوب «بىي، آراز!» دئىير، آراز اونا دا ال قاوزايىب گولومسەيرك
 «سلام» وئير، يئرلى-دىبلى گلەين، بئوختا قالىب هلە گلىب
 چىخمايان، يا دا دوروب خىنايا گئدن قوناق لارين بوش قالان
 سىندل لرينين آرخاسىندان دووارة سارى گئدندە، سجاد دووارة
 سارىكى بۇيروندە بوش سىندلى گۆرسەدەرك دئىير: «گە بىرا باخ!
 گە اوتى بىردا.» گون باش تئز دووارة گۆرسەدىب گولەرك دئىير:
 «ادە! خاخ جانين چؤلدن زاتدان تاپىئىيب كى گلە اوتىرا بى چاتداغ
 دووارين دىبىندە.» سونرا آراز باخىب گئنە دووارة گۆرسەدەرك
 دئىير: «يالان دئىير، گلە! ابلفضلى ايكى رىشتر زلزىيە بتدى باخ!»
 آراز گولەرك ال قاوزايير، سجاد الينى آلتدان آپارىب آچىقلا
 گون باشين بۇيروندن چىمدىك گۆتورەرك ياواشجاسىنا دئىير:
 «آللاە سنون كىمى مردوم آزارين ائوين يىخسىن!»

آراز چاتلاق دووارة سارى يئرىير، كرپىچلرى آلا قارانلىقدا توتقون
 قىرمىزىيا چالان ائوين لاپ سول اليندە، اوردان آغووش^۱ گۆرونن
 كوتون چىينىنە آتان آدامىن زئرمى اولاجاق بىر يئرین
 گىرەجە يىندن كئچىب ائنمەسىنە، گۆزدن اىتمەسىنە باخاندا، بىرى
 چاغىرير:

«آراز!»

^۱ آغووش (ağuş): آغ رنگدە، آغشىن.

آراز سسه ساری دؤنور، قولاغی نین اوستونو آلان ساچینا بیر-ایکی یول الینی چکه رک پیلله لرین حیطه چاتا جاغیندا، بیراز قاباق اؤزو دوردوغو دار کئچه جه یین آغزیندا دوروب گولومسه یرک بونا ساری باخان قارا کوت شالوارلی، خوش رنگلی کراواتلینی گؤرجه یین «جلال! اده سن بیردئیمیشسان!» دئیهرک اونا ساری گئدیر، ال وئریب دئییر: «نه وار نه یوخ؟» جلال الینی آرازین چینینه قویوب دئییر: «ساغ اول!» دئییر: «سالیغون!» اوخویوب چالان لارین بیر ماهنی نی باشا وورماقلا های لاری یاتجاق بیرینین اوجادان گولمه سی، «ائح ائح ائح ایی ائح ائح ایی» ائتمه سی ائشیدیلیر. جلال لا آراز دا بعضی لری کیمی گولورلر، بعضی لری «ساغول!»، «ساغول مَحي!» دئییرلر، بیری ده دئییر: «اوزون گولسین مَحي، اوزون گولسین!» مَحي دؤنوب «ائح ائح ائح ایی» ائده رک «اوزون گولسین» دئیینه ال قاوزاییر، جلال دا اورا-بورا بویلا نیب الیله حیطین اورتالاریندا، مَحي نین گؤلمک سسی گلن یئری گؤرسه ده رک گوله-گوله دئییر: «قولام گیل ده اوردادیلار، باخ! گئدی اوتیراغ اورداد.» آراز دئییر: «نه دئیرم.» دئییر: «گئدی دای!»

چالقیچی لار آیری بیر هاوانی باشلا ییب چالجاغین ائوین قاباغیندا کی بیر اوجا بوی ساری بوغلو، الینده کی میکروفونو آپاریب گاهدان یئرینده بیرقالانان، گاهدان دا الینی چؤهرایی

دئییر: «ئوله نیب؟» آراز گولومسه یرک دئییر: «هه!» پیرپیز باشلی دال سیراداکی بونلارین دانیشیق لارینا قولاق آسان ساری کۆینکلی یه دۆنوب دئییر: «به بیردا اولاندا همشه دئییردی کیشی نین یا عاغلی اولار، یا آروادی!» ساری کۆینکلی، جلال اوتوردوغو صندلین یانینداکی صندلی تمیزله ییب اوتورماق ایسته یین آرازا باخا-باخا پیرپیز باشلییا دئییر: «آیه به عاغلی اولسئیدی بیرانین گۆزل-گۆزل قیزدارین تۆکیب گئرددی خاریحییه؟» دئییر: «اونین عاغلینا من گئیدیریم!» سونرا دا الینی آرازین چینینه قویوب دئییر: «آیه آراز سنون عموو دئمیرمها...، اؤز دوستیمی دئیرم!» آراز گیلین قباغینداکی باشی یاغلانمیش قارا ایری گۆز، آرخاسینا دۆنوب گوله-گوله ساری کۆینکلی یه الینی قاوزاییب «آده به عاغلی اولسئیدی آرازا بینی پای گتیرردی؟» دئییر: «آیه آراز، باخیم!» آراز آیاغا قالخیب اسرایلا ساری دۆنور، اسراییل کۆینه یه باخاراق دئییر: «آیه ایرج قشیدی کی!» کۆینه یه الینی چکه رک دئییر: «دوزدی دخترانه دی، ولی چوخ قشیدی». دؤوره ده کی لر گولور، محی نین ده «ائح ائح ایی» قاوزانیر، بنفش کۆینکلی سیگارین سومورور، محی نین «ائح ائح ایی...» اندیب کئچمه سی بیتندن سونرا، دیرسه یینی اونا دورتوب سوروشور: «نه دئدی؟» محی «آده نئینیسن، گول داینا!»

دئییب گئنه گۆزلرینی یوموب آغزینی آچیب «ائح ائح ائح ایی» ینی دؤوره ده کی لرین گۆز-قولاق لارینا سپیر. بنفش کؤینکلی باشینی توولاییر، سونرا «میثم! های میثم!» دئییه باشی پیرپیزلینی چاغیریر، میثم اونا ساری باخیب باشینی ترپه ده رک دئییر:

«هه، حمید!»

«سراییل نه دئدی؟»

میثم دئییر: «ائشیدمه دون؟» سونرا الینی آغزینا چکیب «دئدی دوزدی دخترانه دی، ولی چوخ قشیدی» دئییب گولور، حمیدین سیگار کؤتویونو قاباغینا ساری توللاماق ایسته دییینی سئزجه یین، گولمه یینی کسیر، آیاق لارینی دالیا چکیر، حمید سیگارینی آتاند، الینی اونا ساری اوزادراق دئییر: «بی گئجه سن بیزی دوز سیگرسن!» مَحی میثمین قولونا یاواش دومسوک ووراراق گئنه ده «ائح ائح ائح ایی...» ائتمه سی قاوزاناندا، قاباق سیرالارداکی لارین بعضیسی دؤنوب مَحی یه ساری باخاندا، اوخویان دا یانیندا اوتوران قارا آریق قوجا قواوچییلا قارا ساققال قارمانچی نین چالمالارینا قولاق آسیب، اوخوماق یئری گلنده ده «گیردیم یارین باغچاسینا» ماهنی سینی باشلایب اوخویاندا، حمید آیاغنین قاباغینی گؤرسه ده رک دئییر: «به موزایکین اوستینه آتیم؟» دئییر: «آیاغو باس اوستونه قوی قاریشسین تورپاغا داینا!»

میثم «مهدی نین ماماسی بئناوا نه آرزینان بیرانی
 همیشه ایتمیش!» دئیهرک آیاغینی سیگارین اوستونه باسیر. حمید
 «آده! مین دنه بئله لک^۱ مهدی نین بی دیرناغینا قوربانئ» دئییب
 گولور، گوله-گوله ده میثم دن اوچ صندل اوپانلیق اوتوران جلالا ال
 قاوزاییب اوجادان دئییر: «جلال به نه دئیسن؟ گئجه وارسان؟»
 «پیلیم یوخدی یئ.»

حمید، جلالی یانینداکی لارا گۆرسه ده رک دئییر: «باشووا دؤنیم،
 گۆر ایشین هاراسیدی، بیدا دئییرئ پیلیم یوخدی!» سونرا دا جلالا
 اوجادان «آده سنون پیلون اولماسا بیزیم کیمی لر گری آخشانان
 ییخیلا اوله!»، آرازا دا «آراز دوز دئمیرم؟» دئییر. آراز گولومسه یرک
 دئییر: «نه دئیم؟»

اوخویان اوخویوب ماهنینی بیتیریر، قاباغینداکی میزین اوستونه
 قویولموش استکانی گۆتوروب ایچینده کی داغ سو اولاجاق
 ایچکیدن بیر قورتوم ایچیر، قارمانچیلا قوالچی باشلایب بیر
 اویون هاواسینی چالیرلار. ائوین قاباغینداکی اوجا بوی، ساری
 بوغلو، الینده میکروفون، چالقیچی لارین یانیندان آرازا باخیب،
 گولومسه یرک اوتوران لارا ساری گلیر، ساچی یاغلانمیش چینین
 اوینادا-اوینادا دؤنوب آرازا «سنون هاووندی ها، دو ایغا!» دئییر، آراز
 «ایندیدن یوخ کی، هله قوی بی خینا گلسین» دئسه ده، اوتوردوغو

^۱ لک (lək): گردی.

يئردە ال-قولونو اوينادارق ايستەيىر آرازى قاباغا گئتمەيە، اوينا ماغا گۆيوللنديره. چالقىچى لارين قىزىشىب «داد دا دا داد داداد داد داداد داد...» آ اوخشار چالديق لارى هاوا، اوتوران لارين سوموك لرينه دوشور، اوجا بوى سارى بوغون دا «آغاي آراز عليزاده نين ساليغينا محكم بى ال چالون، تشرىف گسسين اويناسين» دئمهسى بلنگودان اوجالاندا چوخو ال چالير، بير نئچەسى ده فيش وئريرلر^۱، اسراييل، بؤيرونده كى گيلاس آغاجيندان دريب آغزينا آتديغيني چئينه يە-چئينه يە، اليني آرازين چييينه قويوب سيلكه له يەرك دئير: «آيە دويىئ! دو!» ساچى ياغلانمىش، اليني اوزا ديب آرازين چانتاسيندان ياپيشارق دئير: «وئر من ساخلىيم، سن دو گئت!» آراز چانتادان برک ياپيشيب ياواشجاسينا «ايرج!» دئيهرك آياغا قالخير، حيطين نئچە يئرندن فيش چالان لارا، اوردان-بوردان ال لرينى قاوازيب «آراز! آراز!» دئين لره، هم ده توت آغاجى نين يانيندان آياغا قالخيب «ممؤو يئيم آراز، گؤريم نئينيسن داي!» دئين ائئلى كوركلى يئكه بورونا گولومسه يرك باشيني دبرتمكله، اليني سينه سينه قويماقلا تشگور ائدير، اوتوران لارين آراسيندان «عييا! لزگى دن ده سورا تركمه ده اوينيياجاغ ها» دئيهنه، آراز باخيب قاققيلداييب «آراز باشووا دؤنيم، دئير تركمه ده اوينيياجاغسان ها!» دئمكله جاواب وئرن سارى بوغلويا «عييا

^۱ فيش وئرمك: فيشقا چالماق.

عمی، اجازه وئرسوز بیازدان گلیب اوینارام!» دئییب عیبانین جاوابینی گۆزله مه دن اوتورور. ساچی یاغلانمیش «آده به ناز نییه ائلئیسن؟» دئیهرک الینی آرازا ساری توتور، چالقچی لار اوینایان اولمادان او هاوانی یاواشلادیب سوسدوراندا، آراز ساچی یاغلانمیشین الیندن یاپیشراق دئییر:

«ایرج جانی باشیم قیزماسا اصلن اوینییا بیلرم!»

ایرج الینی آرازین چانتاسینا اوزاداراق «باشو قیزدیرماغا دا بی شئیین وار بیردا؟» دئییب، دیرسه بین ده ساریمتیل کوتلویا دورته رک «قولی، قولی!» دئییب چاغیریر، قولام دا ایرجه ساری باخاراق «ندی اده؟» دئینده، ایرج «بی گۆت وئره نین یامان آراغی اولیرا!» دئییب، اوخویان، اوینانیلان یئرین اورتاسیندا آغزینی آچیب اوخودوغو ماهنی نین «وئرمهرم وئرمهرم وئرمهرم...» لرینی دئییب اوزاداندا دا، باشینی توولایاراق الینی اوخویانا ساری توتوب، «وئرمهرم وئرمهرم وئرمهرم» دئمکله اوخویانی یانسیلاییب، قولاما باخاراق «آشیغ ممی ده بی حجتی خواننده ائله دی سوخدی بیزیم گۆتیمیزه» دئییر، گئنه باشینی آرازا ساری دؤنده ریب الینی چانتایا اوزاداراق گۆزونو آرازین گۆزونه تیکیب دئییر:

«یاخجی، هاچان ایچی؟»

آرازین آغزیندان «هاچان دئسون!» چیخجاق ایرج، «اوندا ائله دو ایندی گئدی!» دئیهرک یئریندن قالخیر، جلال باشینی ایرجه

سارى اوزادىب ياواشجاسىنا دئىير: «ايرج باخ، آز ايچ آ!» ايرج «بى گىجە چوخ آز ايچە جييم!» دئىيب بارماق لارينين ايكىسىنى گۆرسەدەرك دئىير: «فقط ايكى دنه!» عىبا الينى سارماشيقلى دووآرا سارى اوزادىب بير آبرى اوينايان چاغىريب ال چالديرير، آراز چانتاسىنى اينه آليب جلالا، هم ده قولاما دئىير:

«به گلوز دای، دوروز!»

جلال دئىير: «بيازدان! هاميميز بيردن يوخ.»

آراز «ولى بيازدان گلوز ها!» دئيهرك دورور، ايكى سيرانين آراسيندان سوووشارق ميثم له محى يه گولومسه ييب الينى سينه سينه قويور، حميدين ده قاباغيندان سوووشاندا گوله-گوله دئىير: «حميد آقا سنه ده قىسمت!» حميد الينى آرازين كوره يينه وورارق «بالا او سيزون خام خيالوزدى، من بى ده تزددن ائوله نم، سيز ده تۇكيليب گليب اوردا آراغ ايچە سوز!» دئىيب گولور، آراز دا اونا باخيب گولهرك دار كىچە جيه كىچيب، يئىين-يئىين ايرجين داليجا گندير. بيرى «ايرج!» دئيهرك الينى ايرجين بئلينه وورور، ايرج دۇنوب باخير، قاباقداكى سىرالارين بيرينين آغزيندا اوتوران قارا بوغ، قارا فيرئملى گۆزلوكلونو گۆرجه يين دئىير: «سامان!» سامان، يانيندا اوتوران آچيق ياشيل كۆينكلييه باشيلا ايرجى گۆرسەدەرك «نه ده ياغلئبئ!» دئىيب، الينى قاوزاييب ايرجين باشينا چكمك ايسته ينده، ايرج باشىنى داليجا قاچيرديب گئتديى

یئره ساری یولا دوشور، سامان «قیداندا گلیب اوتیرارسان بیردا...»
 دئییه آچیق یاشیل کؤینکلی نین اوتایینداکی بیر بوش صندلی
 گۆرسه دیب دئییر: «... سننن ایشیم وار.» باشینا یئکه چیراق
 قوشولان میله نین یانیندا دوران قان قیرمیزی کؤینکلی، اینجه بوغ،
 آریق شووه رکه^۱ عیبا، «علی بالا هاواوی^۲ دئنن» دئینده، ایرج
 آروادلارین قوال لاری نین، اوینا مالارینین های-هارایی گلن
 پرده لنمیش پنجره نین قاباغیندا بالاجا آیاق ساخلا ییر، آراز
 یئتیشنده قاش-گۆزویله پرده لی پنجره یه هیم ائده رک یاواشجاسینا
 دئییر: «خینا گل سئیدی پرده نی آچاردیلار، باری بی شامایلا
 باخاردوغ!» ایکسی ده هیره هاهیر گولوب گئنه یئری ییرلر، باشی نین
 سئیرک توکلری آغ آپ آغ آغاران بیر قوجا دا بودره یه-بودره یه
 زئرزمیدن چیخاندا، زئرزمی نین گیره جه یینه یئتیشیرلر. قوجا
 ایرج له ال وئریب، سونرا آرازلا دا ال وئرندە چیینیندن آسلادیغی
 چانتاسینا باخیب گۆزلری ایشیلدا ییر، یاواشجاسینا سوروشور: «بی
 شئیز وار؟» عیبا «آی بالا یانیغ کرم نین ده اوینالار آخی؟» دئینده،
 آراز چانتانی الینده بیراز اوسته قالخیزیب «هه، واردی!» دئییر،
 سونرا قوجانی سوووشاراق قاپیدان کئچیر، آشاغیدان گلن گولمک
 هایینی، قاققیلدا ما ق هایینی ائشیده رک ایرجین دالیجا اون-

^۱ شووه رکه: باریکاندام، جوان.

^۲ هاوو: هاواوی.

اون بئش پیلله دن آشاغی ائنییر، تکجه بیر یوزلویه بنزر لامپلا ایشیققلانان زئرزمی سالونونون دیینده کی آچاق میزین دؤوره سینده اوتوران بئش-آلتی آدامین بیری «دیییر، دییر، او حاجی سونانی من تانییرام» دئییب گولنده، آراز ایرجین دالیجا آیاغینی او اوزون بوللا سالون کیمی نین فرش سیز-موکت سیز یئرینه قویور. میزین او تاینیدا، آرخالاری اویان دوووارا اولان لارین قاراشین ائلی-دئلی سی یوخ، اوندان بیراز آریق، گۆزلوک تاخان چاتما قاشلیسی الینی ایرج له آراز قاووزایارق یانینداکی لارا «آنجاغ جفر ده بتر دئییب ها!» دئییب گولور، قاووزادیغی الینی ده آراز گیله ساری دبرده رک «گلو! گلو!» دئییر. میزین بری تاینیداکی آرخالاری قاپییا اولان لارین ایکسی ده دؤنوب آراز گیله باخیر، ساغ دوووارا ساریکی قهوه رنگینه بنزر توکلوسو، گوله-گوله «ایرج! آراز! یا آلاااه» دئییر، حیطه یاپیشان دوووارا ساریکی قیرخیق باش دا تئز آیق اوسته قالخاراق «ایرجنن آرازین سالیغینا» دئییب، استکانی قاووزاییب قورت-قورتلا ایچیر. ایرج آراز «آده سرباز دا بیردادی!» دئییب گولور، قیرخیق باش استکانی میزین اوستونه قویور، قهوه رنگلی باشین وئردییی خیار قیریغینی «ساغول» دئییه آلیر، دیشله یه رک بونلارا ساری گلیر. ایرج له آراز، ایکسی ده گوله-گوله اونا ساری گلیب اونلا قوجاقلاشیرلار، سونرا ایرج «بلفضلی بهترین ایشی سن گۆردون، بیزیم کیمی اؤزو دانشگاهنان زادنن آوارا

ائله مه دون!« دئییر، الینی اونون باشینا چکه-چکه ده دئییر: «یوخ، دانقیر باش اوزووه بتر یاراشیر!» آرخاسی اویان دووارا اولان چاتما قاش گۆزلوکلو «سرباز! ایچیسن؟» دئییب هاهاهای گولور، قیرخیق باش دؤنوب گوله-گوله اونا باخیب «ساغولی فرزاد، گئدیروی» دئییب، یئرین ایرج له آراز گۆرسه ده رک دئییر: «کنچون ایله شون.» بیر «آراز بالا...» دئمک سسی نین گلمه سیله هامی زئرزمی نین گیره جه یینه باخاندا، ایندی زئرزمی نین آغزیندا آراز گیلله گؤروشن توت ماوی کؤینکلی قوجا، «...سنون آراغوننان کنچمی اولمیر کی» دئیهرک اونلارا ساری گلیر. اورانین آلا قارانلیغیندا، میزدن بیراز اوزاق آغووش تاییین اوستونده اوتوروب حیطه ساریکی دووارا سؤیکهنن «هئچ آیاغ اوسته دورا بیلین کی!» دئییب سونرا دا تزه گلن لره، دیلی توتار-توتماز «یاللاه ایرج، نئجه سن آراز؟» دئمکله، خوش گلدین ائیله ییر. قوجا، «آی بالا هئچ اؤزونن خبرون وار؟ بی اونا باخون!» دایی سینین بیغینا چهدیییم لاپ آچیغا قالیدی!» دئییر، هامی گولور.

آراز بیر-یکی آددیم قاباغا گلیر، میزین اوتاییندا اوتوران قارامتیل دریلی، اوزون بوغازلیدان، یا دا یانینداکی گۆزلوک تاخان فرزاددان «ریضا گئددی خینییا، هه؟» سوروشجاغین میزین، ساغ دووارا یاخین ائنسیز تووونداکی، هئیوا گولو کؤینه یی نین قول لارینی چیرمالاییب خیار سویان، اونلارا آمان وئرمه دن «هئش گؤروبسوز

ريضا خينادان قالا؟» دئىھەرك پىچاغى ميزىن اوستونە قويوب دوروب، صندلىنى دوواردان بالاجا ميزە سارى چكىر، سۇيكەنجە يىندن اسلانان كىرم رنگلى كوتونو گۆتورور. توك لرى قەھوە رنگىنە چالان دا آياغا قالخىر، قىرخىق باشلا بىرلىككە آرازلا اىرچ گىلە سارى گئدەرك دئىير: «كئچوز اوتوروز.» آرازال-آياغىنى داغىداراق «بە نىيە دوردوز؟»، اىرچ دە «ساغولون اوشاغ لارا!» دئىير، توك لرى قەھوە رنگىنە چالان، باشى قىرخىق لا كوتون چىينىنە آتانىن داليجا پىللەلرە سارى گئدەرك دۇنوب بونلارا باخىب، «اىرچ، يامان آراغدى ھا، بى آز گۆزدە!» دئىيب گولور، اورداكى لار دا گولوشورلر. فرزاد گولە-گولە الينى اىرچە اوزادىب اوجادان دئىير: «آدە دئىن آتىن اۋلىمى آرپادان اولسىنى!» ھامى گولور، توت ماوى كۆينكىلى قوجا، شالوارىندان ائشىيە چىخان كۆينە بى نىن قولاغىنى قايشى نىن آلتىنا سالا-سالا گولمك ھايى نىن ياتماسىنى گۆزلە بىر، ھاي-ھاراي بىراز آزالاندان سونرا، گئدىن لرە سارى دئىير:

«بابك، مەندىسە منى تاپشىر!»

كوتونو چىينىنە آتىب قاباقتا گئدىن دۇنوب دئىير:

«منىم آروادىن قارداشدارىينان آرام يوخدى!»

قوجا گولە-گولە دئىير: «آدە بە نە تئز پىتداشدوز؟ قويئىدون بى بىر

اىل كئچئىدى بارى!»

بابك «أده نه بير ايل، من دوز اوچ ايلدى ائولنميشمى» دئيب چىخاغا سارى يولا دوشور.

آراز كۆينه يى نين قولاغىنى شالوارىنا سالا بىلمەين كىشى يە «ايمان عمى، بويور بيرا باخ!» دئهر ك سۆيكەنە جەيى ساغ دووارا ياپيشان، بابك اوتوردوغو يئرى اونا گۆرسە دير. ايمان كۆينه يىنى شالوارىنا سالماقلا اللشهرك گليب كئچيب آراز گۆرستىيى يئردە، آراز اۋزو دە ايرجين يانيندا، ايمان ياخين صندلدە اۋتورور. فرزاد حىطدن گلن تر كمە هاواسيىلا گۆزلوكلونون اوستوندىن گۆرسەنن چاتما قاش لارىنى اوينادا-اوينادا يئردن گۆتوردويو دبەنن سويو ايله ميزين اوستوندىكى استكان لارى ياخالايىب قيچينين يانينداكى قيرمىزى دوللا^۱ بوشالدير، سونرا يانينداكى قارامتيل دريلى نين قاباغىنا قويور. قارامتيل دريلى آيىلىب يانينداكى لىتر يارمىلىق نايلون قابى گۆتورمك ايستەيندە، ايمان الينى اوزادير، آرازين بۇيروندىكى چانتانى گۆرسەدەرك «بهنام! اۋزلەريين واردىيى» دئير، هامى گولور. آراز ايمان باخىب گولومسەيرك چانتاسيندان بير دبە چىخاردىب ميزين اوستونە قويور. دووارا سۆيكەنىب آغوش تايين اوستوندىن اوتوران، ايكى گوموش اوزوك تاخيلان ال لرينى بير-بيرينە چالير، «ايرج سنون بو دۇت لئتىرلويوه!..» دئمەسى، ايرجين گولمەسىلە، گولە-گولە دە «أده منيم دئيرى،

^۱ دول: دولچا.

آرازىندى «دئمەسىلە پارا قالير، دۆورەدەكى لر اوجادان گولور. بهنام استكان لارا بوشالدير، اونلار دا هرەسى بىرىنى گۆتوروب، قالدېرىب بىر-بىرلرېنە باخىرلار. ايمان «آراز بالا، سنون سالىغووا» دئىيب هاميدان قاباق استكانى قالخىزىب خىرتدەيىنە تۆكور، سونرا كئفلە باشىنى ترپەدىب قولونو آغزىنا چكىر، قالخىب آرازىن اوزوندىن اۋپە-اۋپە «جانو يئىم سنون!» دئىير. بهنام آجىقلا ايماننا باخسا دا، آغ تايىن اوستوندىكى، اۋز-اۋزويلە دانىشىب مىرتلانسى دا، فرزادلا ايرج بتر گولورلر. ايرج گولمكدن اووناندان سونرا استكانى گۆتورور، آرازدا قاش-گۆزويلە «استكانو قالدېر»ى باشا سالىب قاش-قاباقلا مىزىن اوستونە باخان بهنامنا دا دئىير: «بهنام، او سالىغى دئەنەئى بى!» بهنام ائشېتمەدن ائلە گئە دە باشىنى آشاغا سالىب، گاهدان دا باشىنى قالخىزىب خىارا دوز سېىب خارتاخارتلا گمىرىب گولومسەين ايماننا باخىر. فرزاد بهنامنا باخىر، گولومسەيرك دىرسەيىنى ياواشدان بهنامىن بۇىرونە وورور، بهنام اوزونو ايمانندان دۆندەرېب فرزادا باخىب دئىير:

«هەين؟»

فرزاد «او سالىغى اىستئرى!» دئىەرك ايرجى گۆرسەدىر، بهنام «آدامىن حالىن پوزىللار داينا» دئىيب سونرا ايرجدىن سوروشور:

«هانسىن؟»

«قانلى سحرى!»

«ريضانين كين دئيسن؟»

ايرج دئير: «ريضانين دى او؟» بهنام «هه!» دئيب سونرا آراز باخاراق سوروشور: «هئله دئير؟» آراز گولومسه ييب باشيلا تآيد انديب ياواشدان دا «هه!» دئير، ايرج بهناما باخيب دئير: «من سنن ائشيدميشم، ايندى هر كيميندى!»

بهنام بير درين نفس چكيب ميزين دؤوره سينده كي لره باخا-باخا «ايچيرم داغ-دره لر ساغليغينا ... ايچيرم قانلى سحر ساغليغينا ... ايچيرم آي دلى قانلى دوسلار ... چنى بئلده دلى لر ساغليغينا» نى اوخويوب بيتيرير، ال لرينده استكان اولان لار، استكان لارى قالديريپ باش لارينا چكيپ لر. ايرج آغزىنى بوزوشدوروب بير آن گؤزلر ينى يومور، استكانىنى ميزين اوستونه قويوب ال چالاراق «ساغول بهنام، دوغيردان ساغول!» دئير، سونرا اينده كي خياري ديشله ييب خارتاخارتلا گميره رك بهناما باخيب «چوخ قشى ساليغيدى، بئنى دويرسن يازارام من» دئير. ايمان آراز باخيب اينى اينه سورتوب گولومسه يرك «ساغول آراز، يامان آراغيدى!» دئير، فرزاد هيره هير گولور، ايرج ده آراز باخيب اينى آرازين بئينه ووروب «ساغول آ كيشى!» دئيب خياري ديشله يير. ايمان گنه يئر يندن قالخير، باشىنى آراز سارى گتيرير، بو دؤنه دوداق لاريندان اؤپمك ايسته ينده، آراز باشىنى ايرجه سارى قاجيردير، اليه ده ايمانى اؤزوندن اوزاقلاداراق دئير: «ايمان

عمى، آرواد زاد دَيرىم كى ھىي اۋپوسن آخى! «فرزاد لاپ اوجادان شاققىلدايىر، ايمان دا «آرواد پوخ يئىر سنون يانوندا بالا!» دئيب بىر ده آراز سارى باشىنى گتيرنده، بهنام يئرندن قالخىر، ايمانين سىنەسىندن ووروب ايتەلەيىر، دىشىنى قىجىدا-قىجىدا دئير: «داى سىھدىر اوتى يئرونده داينا.» ايمان زىققايىب «واى دده واى!» دئىھرك صندلى نىن اوستونە دوشور، سونرا قالخىب «آده سنون نون امجەين سىكەرمى» دئىھرك بهناما يوموروق آتير. بهنام باشىنى دالا چكىب يوموروغو سوووشدورور، كىشى نىن بىلنگىدن^۱ ياپىشىب بورور. فرزاد آياغا قالخىر، بهنامين قولونان ياپىشىب دئير: «ايشىن اولماسىن بهنام، قوجا كىشىدى داينا» اىرچەلە آراز آياغا قالخاندا، بىرىنن دىزى مېزە دَيرى، مېز دَبرىر، اوستونە كى استكان لارىن نچەسى آشىر، بىرى دە دىمىرلانىب يئره دوشوب سىنير. آغ تايىن اوستونە كى دورماق اىستەيىر، آما دورا بىلمەيىب گنە تايىن اوستونە دوشور، اۋز-اۋزونە «كىشى سنون حايوو سىكىم من» دئير. آراز ايمانين بىلنگىنى بهنامين لىندن، «بهنام! بهنام! خوايش ائلئرم بوشدا» دئىھ چىخاردىر، سونرا «ئىنى ايمان عمى، سن باغىشدا!» دئيب لىنى ايمانين كورەيىنە قويوب چىخاجاغا سارى آپارىر، جلال لا قولام دا زئرمىيە گىرنده ايمان دؤنوب بهناما سارى دارتىنىب دئير: «سنون او قارا دمه يووى

^۱ بىلنگ: بىلك.

سېھىدېررم باخارسان!» آراز «ايمان عمى باغشىدا! اۋز بۇيلووه باغشىدا!» دئىيب قولوندان ياپىشىب پىللەلرە سارى آپارىر، جلال گىل اونلارا سارى گلىب ياخىنلاشاراق «آراز نولىب؟»، «نولىب آراز؟» دئىيرلر. آراز «هئش زادى، سىز كئچوز ايله شوز!» دئىيب ايمانى پىللەلردن، مشهدى عىبادىن هاواسى باشىنا گۆتورموش حىطە يولا سالاراق «ايمان عمى كۆينەيو دە سال شالواروا سورا گت» دئىير. ايمان اوچونجو پىللەدە زئىزمىيە سارى دۇنەرك قايشىنى آچىر، كۆينەيى نىن آتەيىنى شالوارىنىن آلتىنا يىغاندا، شالوار الىندن چىخىب باشماق لارىنىن اوستونە دوشور، آچىق ماوى تومانى گۆرسەنير، آراز بالاغا گولومسەيىر، ايمان آچىقلا «بىي! بھنامىن نەسەينىن امجەين سىكىم، شالوار هارا؟» دئىيب شالوارىنى يوخارى چكىر. پنجرەسى پردەلنمىش اوتاقدان گاهدان نارىندن سس لرى گلن قىزلارىن، اروادلارىن اويناماسى زئىزمى نىن دامىنى، اۋزلىرى چالدىق لارى «دېم دېدېم... دېم دېدېم» هاواسىيلا تىترەدېر، آراز مېزە سارى قايدېر. قولام ايمانىن يئرىندە، جلال دا، اىرچ يئرىندن قالخىب «جلال گە بېردا اوتى»، آراز دا «من اۋلوم جلال، گە بېرا» دئسەلر دە، قولامىن صندلى نىن يانىندا، «ئەلە من بېردا اوتوررام» دئىيب اوتورور يئردە، سۆيكەنير دووارا. فرزاد مېزىن آلتىندان، او يان-بو يانىندان ائودىدېيى^۱ سىنان استكانىن

^۱ ائودېمك: يىغىشدىرماق.

قىرىق لارىنى بىر تىكە قاردون اوستونده دووارىن دىبىنە قويوب
گوله-گوله گليب اوتوراندا ايرج دئيبىر: «ال لرون آغرىماسىن فرزاد،
ياخجى تئز اولارى بىردان ائوديدون.»

فرزاد «قوخديم باشماغىمى زادىمى دئشه يى...» دئيب اوتوراناندا
سونرا دا آياغىنى قاوزايىب، آلتى آغ، اوستو ماوى باشماغىنى
گۆرسەدەرك ايرجە «بهنامىن بىر آيى نىن حوقىغىن وئرمىشەمى
بىنا» دئيب گولومسەيرك دۆنوب بهناما باخسا دا، بهنام آشاغى
سالدىغى باشىنى قاوزامىر.

فرزاد بىر استكان قولامىن قاباغىنا قويور، بىرىن دە يىنى اوزاداراق،
كوتونو قىچى نىن اوستونه قويوب يئردە اوتوران جلالا وئرىر؛ گوله-
گوله، «چوخ باغىشدا داي!» دئيه-دئيه. جلال «خوایش ائلىرىم»
دئيب آلب بۇيرونە قوياندا سونرا، فرزاد يارىمچىلىق قالخاراق
دئيبىر: «كوتو وئر آسدئىم سىندلدىن.»

«ساغولى، زحمت چەمە!»

فرزاد «بابا وئر منە دايىنا» دئيب آلب آسلايىر سىندلى نىن
سۇيىكەنەجە يىندىن. آراز استكان لارى دولدورور، اونلار دا گۆتوروب
بىر-بىرلىنە باخىب ساغلىق گۆزلەيندە، ايرج سقفە باخىب
گولومسەيرك «بىنى وىراغون بو دامى تىترەدن آياغ لارىن
سالىغىنا» دئيبىر، هامى گولوب استكان لارى قالدېرىب قورتاقورت
ايچىرلر. ائله ايرج استكانى ميزىن اوستونه قويوب سونرا ميزىن

اوستوندن گوٲوردویو خیار بؤلویونه دوز سپنده، پیلله لردن نئچه
 آدامین سرعتله آشاغی ائنه لرینین، بیریسینین ده چیغیریب
 «ایندی او بهنامین ننه سی نین امجه یین سیکه رم باخار سوز!»
 دئمه سینین سسی گلجک، هامی تئز گیره جیه ساری باخیر. آز
 سونرا پیلله لردن آشاغی دوشوب چیغیر اراق «هانی او بهنام؟»
 دئییب میزه ساری گلن اورتابوی آغ تیشرتلی قیزیل ساچلینی،
 دالیندا دا ایکی آدام، ایندی زئرزمییه دوشن بو اوجا بویلو ایله ده،
 اوچ آدامی گوٲور لر. آغ تیشرتلی قیزیل ساچ میزه یئتیشیر، الینی
 اؤلچه-اؤلچه اوجادان دئیر: «آده گوٲ بالا، گوجون قوجا کیشی یه
 چاتیب؟» بهنام «آده کیمنسن؟» دئیهرک آیاغا قالخیر، «عاییدی
 بهنام! اوتی یئرونده!» دئین فرزادی دالییا ایتله ییر، فرزاد جلالین
 کوتو آسلانان صندله دئیر، صندل آشیر، بهنام «به پوخ یئیر قوجا
 هئی دوریر دوستیمی اوٲیر!» دئییب یوموروق آتیر. بهنامین
 یوموروغو آغ تیشرتلی قیزیل ساچا یوخ، اونون دالیجا گلیب آرازلا
 ایرج له بیرلیکده داعوانین آراسینا گیرن آچیق ماوی کؤینکلی نین
 قولوندان دئیر، فرزاد آشان صندلی قالخیزیب، یئردن جلالین
 کوتونو گوٲورور. ائله او آندا بیرینین گوبود سسله «آده ویر سیشسین
 پوخین یی!» دئمه سی، دالیجا دا نئچه کیشی نین اوجادان گولمه
 سس لری ایله، آیاق لارینین سس لری گلیر. داعوا باشلانندان
 یئریندن قالخمایان قولام، یئریندن قالخیر، همن او سس لری گلن

اوچ-دۇرد آدم دا زئىزمىيە گىرىب مىزە سارى گلرلر. قولام
 «شاپور، داي بسدى! شىئهوو يىغىشدىر گىت» دىيىب آغ تىشترلى
 قىزىل ساچلا بهنامىن دۇورەسىنە توپلاشان آدم لارا سارى گلر،
 گىنە دە «خالخىن تويىن قاتما، چىخ گىت» دىيىب آزا دا شاپورا
 ياخىنلاشاند، شاپور «آدە سىھدىرئ! سنى كىم سىشىدى بىرا»
 دىيىب يوموروق آتير، يوموروق دىير قولامىن ياناغىنا. قولاما
 يوموروق دىجەيىن اوردا بىر ھاي-ھاراي قوپور. ايندى زئىزمىيە
 ائىن او اوچ-دۇرد آدمىن اينجە بىل، زىل قارا تىللىسى، سىچىرايىب
 آدم لارىن آراسىندان سوخولور، «آدە آغا غلامرضانى ويرىسان؟»
 دىيىب شاپورا يوموروق آتاند، او اوچ-دۇرد آدمىن بىرى، ايندى
 گىلپ شاپورلا قولامىن دۇورەسىنى آلان لارىن قىسا توكلو گۇدەسى،
 دىمك اونلاردان دا يوغونو، بو نرەنىك قارا تىللى يوموروق آتانى
 ايكي اللى دالدىن قوجا قلايىب «آدە آرا لاشدىرماغا گلىبسن يا
 قىزىشىدىرماغا؟» دىيىب چكىب قىراغا آپارىر. شاپور سوخولوب بىر
 يوموروق دا قولامىن بورنونا زوپايىر. بهنام، ايكىنى سايىنجا آرالارىن
 كىن آدم لارىن آراسىندان سىچىرايىر، اورە كدىن «ايىح» چكەرك
 يوموروغون شاپورون قىرمىزى ساچلى تپەسىنە چىرپىر. شاپور «آدە
 سىنن گۇتوو، باجوو سىكرم من ايندى» دىيەرك بهناما سارى
 يورويور. بىر فىشقىراق سسى، بىرىنىن دە «آدە وير» قىيلاماسى
 پىللەلردىن قوپور، دالىجا دا اوچ-دۇرد آدم زئىزمىيە دوشىندە،

قولامین بورنوندان دامجی-دامجی قان دامیر. اونلارین همن حیطده کی ساری کؤینکلی اسراییل آدلانانی، یاستی-یاستی «آیه آراغ بینا دئمیشم باخ! ایچنن سورا قان سو یئرینه آخا» دئییر، ایندی زئرمییه گلن لر گولوشور. جلال اینیندن چیخاردیغی کؤینه بین اوجونو قولامین بورنونا باسیب «هئش نیگران اولما، ایندی قورییار» دئینده، ایکی اوچ دؤرد بئش، بئش کیشی زئرمییه دوشورلر. اونلارین قاباقدا گلنی، بایاق حیطده آرازا «ممؤ یئیم آراز، گؤریم نئینیسن دای!» دئین اوجا بویلو یئکه بورون، قیی چکیب «آده ساواشمئن» دئییه هؤله سک ایره لیله ییب چیغیریر:

«آده شاپور! به خالخین تویین نییه قاتيسان؟»

شاپور دالینا دؤنه رک «گه گؤر کیم قاتیر داینا!» دئییب گئنه ده بهناما ساری دؤنور، اییلده ده بهنامی گؤرسه ده رک «... بیداها باخ، تویی قاتان بی ننه سین سیهدیییمدی» دئییه آرازلا ایرجین آراسیندان بهناما ساری یورویوب یوموروق آتماغا ال-آیاق چالیر. بهنام «گلیب ایندی سنون ننؤو سیکه رم...» دئییه رک سوخولوب شاپورا یوموروق وورماق ایسته اینده، یئکه بورون آرازلا ایرج دن سوووشور، گؤز قیرپیمیندا الی نین آیناسینی بهنامین یوموروغونون قاباغینا توتوب زورون آلیر، او بیر اییلده ده بیلنگیندن یاپیشیب چکیب اؤزونه یاخینلاشدیریب گؤزونون ایچینه باخراق «منی ویر باخ! منی ویر!» دئییر. ایندی اوردا چؤکن سس سیزلیکده حیطدن

«بياض گئجه لر... بياض گئجه لر...» اوخوماسى نىن سسى گلىر. بهنام بىلنگىنى يئكه بورونون قىيناغىندان چىخارتسىن دئيه دارتېشىر، يئكه بورون «اۋزو چوخ اينجىتمه بالا» دئىيب او بىرى الينى اونون باشىنا سارى آپارىب يوموروغون قولاغى نىن اوستونه سورتور، بهنام لاپدان كلله اتىر، يئكه بورون تئز باشىنى بۇيره آپارىب، بهنامىن بىلنگىن سرعتله قاباغا چكىب بوشلايىر، دالىنداكى ادام لار تئز قىراغا قاچىرلار، بهنام اوزو اوسته يئره قاپانىر. بهنام يئره قاپانجا، اسرايىل لا گلن لرىن بىر اورتا بوى، بوغدا رنگلى كۇينكلىسى تئز ايره ليله يىب دىش قىجىداراق يئكه بورونا يوموروق اتىر، يئكه بورون باشىنى گئرىيه چكىب يوموروغو سوووشدوروب اونون سىنه سىنه دىمبىز اتاندا، او تئز سىنه سىنى دالىيا قاچىردىر. يئكه بورونلا گلن او دۇرد ادامىن بىرى، يولداشىنى قفىلدىن وورماق اىسته يه نه، اونلا چكىش-بركىش ائدىن بوغدا رنگلى كۇينكلى يه «آده من سنون اكه نوون آغزىن سىكه رم...» دئىيب يوروينده، بهنام تئز يئردن قالخىب تپيىن چىرپىر بوغدا رنگلى كۇينكلىيه يومولان قارنى يوغونون قىچى نىن آراسىنا. قارنى يوغون ايكى قات اولوب الينى خاياسىنا باسىر، «واى دده واى» دئيه رك حيطه ياپيشان دووارا سارى گئدىر، اوردا دىز چۇكوب آلنىنى يئره قويور. اسرايىل تئز اونا سارى قاچىب الينى بئلىنه قويور، «آيه رسول! تئز اول ايشه يى، ايشه» دئىيب رسولون باشىنى قالخىزىب، ال آتىب

شالوارينين زيپيني چکمه يه چاليشير، او اينجه بئلى دالدا توتان قيسا توکلو گوډه ده بونلارا ياخينلاشاندا، رسولون شومبولونون باشيندان دووارين دييينه نئچه دامجى سودوک دامير. بونلار بير-بيرلرينه باخيب گولومسه ييب، رسول دا زيقيلدايا-زيقيلدايا دووارين دييينى چيرتيم-چيرتيم ايسلاداندا، بيردن بيرينين «آده به اوتانيب خجالت چکيب يئره گيرميسوز؟» دئمه سى اوجالير. اورداكى لار تئز دؤنوب قاپيا سارى باخاندا بير قارا شاپوو^۱، بوز کوت شالوار، آغ بوغ، چوپور سرعتله ساواشان لارا سارى گليب «تو! سنون اوزو سيهسينر ماشى» دئهرک الينى قالخيزيب يئکه بورونون اوزونه شيلله چيرپماق ايسته يير، يئکه بورون باشينى چوپورا سارى آيير، چوپور دا وورور. رسول قالخيب، شالوارينين زيپينى چکه رک قيسا توکلو گوډه ايله اسراييلين توپالاشان لارا سارى ايره ليله مه لرينى گوډمه دن «آند اوسسين ابلفضه اوريف دايم منى گوډسه داى بى دؤنه دوز سيکر!» دئييب تئز پيلله لره سارى گئدير، نئچه آدام پيلله لردن ائتمک ايسته ينده، بلندگودان دا عيبانين «باشوزا دؤنيم گئتمئيز آشاغى، قادالاروزى آليم بوپروز ايله شوز يئروزده، بيدئى^۲ خينا گلدى باخ!» دئمه سينين سسى گلنده، پيلله لردن دوشن لرين بؤيروندن قالخير. بير اوجا بوى

^۱ شاپوو: بير نوع بؤرک.

^۲ بيدئى: بودو با!

شووہرک، زیتون رنگلی کوت شالوار گئین، پیللہ لردن ائنه-ائنه
رسول دان «رسول، آراز اوردا؟» دئیہ سوروشور، رسول دا «ہہ،
اوردا» دئیہرک پیللہ لردن قالخیر.



حجت، آياق اوسته «گۆيده بير اولدوز وار آدى طاليبدى... بيزيم بو مجلسه ايشيخ ساليبى... هامى انام وئريب... كيم؟» دئيب دايانير، تويداكى لار سس لرین كسير، چالقىچى لار چالديق لارینی سوسدوروب، چوخ ياواش دينقيلدادان دا بير شيققا چالراق «اوريف، قاليبى» دئجه يين قارمانين سسى گۆيه قالخير، هامى هاى هارا يلا ال چالير، بعضى لرى ده آياغا قالخيب ال چالا-چالا اوجادان «او... ريف او... ريف» دئير لر. باياق آرازا ال قاوزايب كئف احواللاشان سجاد دا، «او... ريف او... ريف» دئير، دئيه-دئيه ده آچيق قيرمیزی كراواتی آغ آپ آغ كۆينه يی نین اوستونده ترپه نيب يئلله نه رك باشينين اوستونده كى

توتون بوداغينا آتيلير، قوپارتديغي بير-ايكى توتو آغزينا آتاندا، آرخاسينداكى زيل قارا گۆن باشلى «قارنوا شيش باتماسين، اونان بي-ايكيسين ده در بيزه وئر دايانا» دئسه ده، گئنه آتيليب توت درير، دردييي توتلارى بابكين يانينداكينا، دؤنوب گوله-گوله بونا باخان قهوه رنگينه بنزر توكلويه ال قاوزاياراق آغزينا قويور، گئنه ده «او...ريف او...ريف» دئينده سسى خوروزلانيب اؤسكورهيه دوشور، يانينداكى لار اوجادان گولور.

توت آغاجيندان ايكي-اوچ سيرا قاباقدا، بابك گيلين دالينداكى سيرادا اوتوران لؤك دوداق، يوغون، چال باش دا گولمك سسینه داليا دؤنور، سجادين گئنه ده توتا سارى آتيلماسيني گؤروب اوجادان «گؤتين سويو مين درمانى ايشده دير» دئييب، گوله-گوله ده الينده كي چره كه كيمي اويناتديغي نخود رنگده كراواتى يانيندا اوتوران آلابولا كؤينك گئيميشين، باشينين توكون ياغلايب دالا داراميشين قولونا، سينه سينه ووروب «داى سنون قوهومون بيننان آرتيغ اولمياجاغ كي، هاموزون عاغلوز توپيغوز دادى» دئييب گولور، آلابولا كؤينكلي ده اليله باشيني آتاراق دئير: «هاميسينان كوسيلي يوى!» گئنه ده سجاد ال لرین يوخارى قاوزاييب، شاپا شاپلا بير-بيرينه چيريب «او...ريف او...ريف» دئمك ايسته ينده، گئنه ده باياقكى كيمي اؤسكورهيه دوشوب دئيه بيلمه بير، دؤوره ده كي لر گولوشور، بابكين يانينداكى دؤنوب اونا باخان ايكي جاوان لار دا لاپ اوجادان گولورلر، توكلرى

قهوه رنگينه بنزهين آيىلىب گوله-گوله بابكه نه دئيرسه اونو دا بئله دالىيا باخديرير.

لۇك دوداق، گئنه ده سجادين اؤسكورك سسى قاوزانجاغين، تئز دؤنوب اونا باخير، ياواشدان آلابولا كؤينكلى يه «بىي! ننؤون گؤتينه ماشى قابلاسين بالا» دئيب الينى اونون ديزينه ووروب دئير:
«دئن هه!»

«اده دئير مريضدييى.»

لۇك دوداق كراواتى بيلنگينه توولاماقدان دايانير، «كىم؟ قارا گؤز زاهرا؟» دئيه سوروشور، آلابولا كؤينكلى باشين آشاغى ترپه دهرك دئير: «هه!»

لۇك دوداق «آلاه اؤزى اونا شفا وئرسين» دئيب، دالىيا باخاراق يئرinden قالخير، بارماق لارينى آغزينا ساليب «او...ريف او...ريف» چاغيرما هاواسيلا نئچه يول فيش چالير، عيبانين «به اوريف عمى هاردادى؟ يوخدى؟» دئمەسى بلنگودان اوجالير.

هامى گئنه ده اوجادان «او...ريف او...ريف» سسلەيير، ايرج باشيني يانيندا اوتوران آچيق ياشيل كؤينكلى دن سوووشدوروب باياقكى قارا بوغ، قارا فيرئملى گؤزلوكلويه ياواشجا «اؤزى ده سامان، هاميسيننان دا قشەيى اورتامجيليدى!» دئير، او دا «اده گؤزيم سو ايشميرى، بو چوپيرين نه قيزى اولاجاغ آخى؟» دئيب هاهاهاى گولور. آچيق ياشيل كؤينكلى آياغا قالخاراق ايرجه «ايرج! گه يئرئيميزى دئيشى،

دېيەسن سامانين سننن ايشى وار»، ايرج ده «چوخ باغيشداها» دئيب سامانين يانيندا اوتورور. باياق زئزميه ائيب گليب يئكه بورونا شيلله ووران قارا شاپولو چوپور، يئين-يئين پىللەردن ائيب، داماغينا قويدوغو سيگارى سومورا-سومورا دار كئچەجيه كئچيب ائوين قاباغينا سارى يئرينده عيبا دئير: «اوريف عمى به هارا گئتميشدون؟» جاماعات اوروفون آدين ائشيتجك دؤنوب اوروفا باخيب ال چاليب، بعضى لرى فيش وئريب اوردان-بوردان دا «او...ريف او...ريف» سسلەينده، اوروف اونلارا ال قاواييب، گاهدان دا الينى سينه سينه قويوب، سرعتله بى له ساغديز، سولدوز^۱ اوتوران يئره گله-گله بارماق لارينين آراسينداكى توستولوين سيگارى عيبايا گؤرسەدەرك دئير: «ماشيننان سيگار گؤتيريرديمى!»

ائله اوروف شاباش چيخارتماغا الينى جييينه سالاندا، باياق زئزمى نين پىللەلرينده آرازى رسولدان سوروشان بو زيتون رنگلى كوت شالوارليا قاباغينداكى ات رنگلى كؤينك گئين باشينى دؤندەريب، بيغى نين ياغلانميش، اينجه لئميش قويروغو گؤزلره دىنده، «... سونا قىديب جفره نه دئسه ياخجيدى؟» دئيب گولنده، زيتون رنگلى كوت شالوارلى اونا «باغيشدا!» دئيب، تئز آرازين دبه سيندن استكانينا آراغ تۇكور، دبه نين قاپاغينى قاپامادان يئره قويور، آراغى چالپالايا-چالپالايا، صندليندن قالخيب اوجادان دئير:

^۱ ساغديش، سولديش.

«اوریف عمی سنون سالیغوا!»

جامعات دؤنوب دالی باخاراق هایلا گولور، مَحی نین ده «ائج ائح ائح ایی» ی قاو زانیر، اوروف دؤنوب سس گلن یئری تاپسین دئییه اورا-بورا باخیر، سونرا لاپ آخیر سیرادا سارماشیقلی دووارین یانیندا، آلمایا بنزر آغاجین دیبینه زیتون رنگلی کوت شالوارلی شووه رکی، استکان الینده آیاق اوسته دوران جوانی گؤروب ال قاو زاییر، زیتون رنگلی کوت شالوارلی قالدیردیغی استکانی باشینا چکیر. زیتون رنگلی کوت شالوارلی نین دوز قاباغینداکی آریق اوغلان، چؤپ کیمی بوینون دؤنده ریر، آما آغاجیندان آسلانان بو ایکی لامپ، سارییا چالان یاناق لارییلا بورنونون اوستونون چیل لرینی ایشیلدا دارکن دئییر: «آده ریضا! دای چوپیرین ائوده قیزی زادی قالمئب کی شوربا قیزدیرسان آخی!»

ریضا اوتورا-اوتورا اونا ساری آییلیب دئییر:

«سنه گیریب چیخانی یوخدی!»

چؤپ بوینون یانینداکی اینجه له نیب یاغلانمیش بوغلو، یولداشینین بوینونا، باخان دئیر ایندی اوزولر بوینونا، یاواشدان شیلله سالیب گوله-گوله دئییر: «جاوا بو آلدون؟» ریضا گولور، سونرا گوله-گوله بوغو یاغلانمیشا «نادیر چوخ باغیشدا، نجور اولدی؟ سونا جفره نه دئدی؟» دئینده، تلفونو زنگ چالیر. ریضا استکانی بؤیرونده کی آغاجین دیبینه قویوب شالوارینین جیبیندن تلفونو گؤتورور،

«آراز؟... بلی؟... نمنه؟... یانی بی ده گئدیم ائوه؟» دئییب گۆزونو اورا-بورا گزديرير، سونرا بیردن «... الان گتیریم» دئییب تئز گوشینی جیبینه سوخور، قاپاغینی قاپاییب آغاجین دیبینه قويدوغو دبهنی ده، دورا-دورا الینی بوغو یاغلانمیشین چیبینه قویارات «نادیر، آراغدا دا گۆزون اولسون ها!» دئییه نادیره تاپشیریب یولا دوشور.

نادیر دئییر:

«أده به هارا؟»

«گلیرم.»

قارا ساققال قارمانچی گۆزلینی یوماراق قارمانینی ایغیلدادیر، قارا آریق قوالچی دا قوالی اوزون بارماق لارییلا دینقیلدادیر، عیبا دا بلندگودان «اوریف عمی اینشاللاه سوبای لارون تویندا خژدلر» دئینده، جاماعات ال چالیر. لاپ قاباقداکى سیرادان بیر آریق گوده اوغلان، الینده بیر قیرمیزی خوروز، آیاغا قالخیر، های-کویون، اوروف شاباش وئرمه یه گلنده گوله-گوله گلیب کئچیب اسراییلین یانیندا اوتوران ایکى یئنی یئتمه نین چیغیریب «شادای! های شادای!» سسله مه لرینین آراسیندان «اوریف عمی به دئدون پیلیم یوخدى آخی!» دئییر، هامی گولور.

اوروف باخیب دئییر:

«نه دئدون؟»

بیر ده اوجادان دئییر: «به دئیردون پیلیم یوخدی آخی!»
 ریضا، بیه بیر سؤز دئسین دئییه آغزینی اونون قولاغینا یاخینلادیر،
 اسراییل «آیه شادای!» دئییب چاغیریر، الینده خوروز اولان گوده
 اوغلان ائشیتیمیر، اسراییلین یانینداکی یئنی یئتمه لر اونو
 یانسیلایارق «آیه شادای، آیه شادای» دئییب گولورلر. اسراییل
 دوداغینی دیشله ییب کیپرک لرینی قیرپا-قیرپا یوموروغون
 یانینداکی قیرمیزی یئرلی، قارا خاللی تیشرت گئین یئنی یئتمه نین
 باشینین اوستونده توتور، او دا باشینی دالییا قاچیرداندان گئنه ده
 اوجادان «آیه شادای! های شادای!» دئییب چاغیریر. شادای سسه
 ساری دؤنور، ایرج دالدان الینی شادایین چینینه قویور، سامان لا
 ایکسیسی یواشجاسینا «آیه شادای! آیه شادای!» دئییب گولورلر،
 اسراییل اوجادان دئییر:

«آیه شادای! به بیلیمسن اوریف عمون پیلی فقط بی شئی خژدر؟»
 اوروف دار کئچه جیه ساری گله رک آجیقلا اسراییله باخیب
 دوداق آلتی یامان-یوووز کیمی بیر شئی دئییب، اسراییلین ننه سین
 زادین نهنه یینین آغزینا وئریب سولاییر، عیبا «اوریف عمی، بئله
 جانوون قاداسین آلیم...» دئییب، اوروف دؤنوب باخاندان ساری بوغو
 باشینین اوستوندن چکیلن سیمدن آسلانان لامپ لارین ایشیغیندا
 پاریلدایارق الیله قاباق سیراداکی بیر بوش صندلی گؤرسه دیر،
 اوروفا ساری گئنه-گئنه ده «... دئییرم ائله بو یور ایلش بیردا باخ»

دئير، اوروفا چاتاندا دا الینی اوروفون كوره يینه قويور ياواشجاسينا «ایجازه وئرسون بی آزدان چاغیررام گلبی اوینارسان هه؟» دئیر، اوروف دا آجیقلا اسرایيلا باخا-باخا عیبانین گۇرستدییی یئرده اوتورور.

ریضا پرده لری قیراغا چکیلیب، امما چیراغ لاری سۇندورولموش اوتاغین پنجره سینین قاباغینا گلبی آروادلارا دئیر: «آمنه خالانی چاغیریسوز؟»

موسیقى سسی اوجالیر، قوجا قاولچی نین بیر آیری آدمی ایندی قوشدوغو بایاتییلا شاباش وئرمه یه چاغیرماسی ائشیدیلنده، جاماعات گولور، بعضی لری ده گوله-گوله حیطین آشاغی دووارینا ساری باخاندا، کرپیچ رنگده کوت شالوارلی گوله رک دووارین یانیندان دار کئچه جیه ساری گلیر، محی «ائح ائح ائی» انده رک الینی چالقچی لارا ساری دبردیر. میثم آیاغا قالخیر، محی نین گولمه سینین هاییندان سسی اوخویوب-چالان لارا چاتسین دئییه اوجدان دئیر: «آشیغ ممی باشووا دؤنیم، دئیر او بویاتینی بیده دی» محی یه ده دئیر: «هه؟» محی گولمه سیننی کسمه دن باشییلا میثمی تصدیق ائدیر. آشیق ممی گئنه ده «عزیزینم دووارا... چوخ دایانما دووارا... ناصیر تئز وئر آنامی... سورا دور گئت قومارا» نی اوخویور، گئنه هامی گولور، کرپیچ رنگلی کوت شالوارلی گوله-گوله

ماشى نين يانيندان كئچير، ماشى قولوندان ياپيشيب دئير: «ناصر! گئجه وارسان؟»

ناصر الينى قاباغا اوزاديب اوجادان «اوريف عمى ايجازه وئرسه، هه!» دئيب گئتمك ايسته ديبى يئردن بير بالاغا اوروفا سارى يئنه لنده اوروف دؤنوب باخير، ياواشجاسينا سوروشور: «بى شئون وار؟» ناصر گوله-گوله «هه، تاپيلار» دئيب سارماشىقلى دووارين يانيندا دا نم كيمي اليله گؤرسه دهرك «لاپ رحيم ده وار!» دئير. ايكىنجى سيرانين لاپ او يانيندا، سارماشىقلى دووارين ديبينده كى آغ قالين توكلو، دوز يانيندا اوتوران ايمانين دئيه سن زئرميده كى اتفاق لاردان دانيشماسينا، الينى دبردهرك آجيقلا «بهنام» زاد دئمه سينه الى قوينوندا قولاق آساندا، «رحيم» ائشيتجه بين قاباغا باخير، ناصر «رحيم گئجه وارسان داي؟» دئيب سوروشوب، بى له ساغدیز-سولدوز اوتوران يئره گئدير، رحيم ايمان دئير:

«ايمان عمى گئجه سن ده قالارسان، اويناماسون دا يانيمدا اوتيرار سانكى!»

ايمان باشين توولاي اراق دئير:

«به به! بياغداندى گور كيمه سؤز دئرمى؟»

اؤين گيره جه يينده كى پيلله لرينين اوستونده قيرمىزى كلايغىلى، آت رنگلى دونلو، اللى-اللى بئش ياشيندا بير آرواد، الينده كى بير موشامبانى رياضيا سارى توتوب دئير: «ريضا گه!» ريزا «چوخ

ساغول!» دئيب آيب سرعتله زئرمى نين گيره جه يينه سارى گئندنه آياغى چيراغى سۇندورولموش اوتاغين قاباغينداكى كردى نين قيراغيندان چيخيب آشيب-داشيب موزاييكن اوستونو آلان گولون ائوه سارى سوزوب يئره ياپيشان بوداغينا ايليشيب باشى اوسته موزاييك اوستونه قاپانماسى قولاغى نين ديبيندن سوووشاندا، توت ماوى كراواتى نين اوجو دا آز قالا يئره دئنده، اروادلارين دا جيغىلتىيلا «بلفض!» دئمه لرى، شاداين دا «بالا ائبله يئرى سنه وئرمزده رى!» دئمه سى، داليجا دا گولمه سى قالخاندا ناصير، بى له ساغديز-سولدوزون ديزلريندن آلچاق اولان قاباق لارينداكى ميزين اوستونه بير-بير پول آتير. بى ناصيرين ايني توتور، «من اوئليم ناصير داي بسدى!»، اسراييل دا اوجادان «آيه داي هاميسين خژده مه كى!» دئسه لر ده، ناصير دارتينا-دارتينا، زورلا گئنه پولون ايكي سين-اوچون ميزين اوستونه آتير. عيبا «تويوندا مهدى عوضين چيخار اينشاللا» دئيه رك گولومسه يه-گولومسه يه مهدى يه باخير، ريبا زئرمى نين پيلله لر يندن آشاغى ائير.

ريبا زئرميه دوشجه يين، آراز «گتدون؟» دئيه سوروشوب بير-ايكى آدديم ريبايا سارى گلير، ريبا اينده كى موشامبانى گولومسه رك قاوزاير، آراز دئير: «ساغول ريبا!» ريبا دا «باخ گور سنه نه گتيرميشمى» دئيه رك موشامبادان چيخاردىغى، زئرمى نين او باشداكى يوزلوک لامپا بنزر لامپين ايشيغيندا، اول

بیر تیکه پارچا کیمی شئیہ اوخشیایب، سونرا الینده سیلکه له ییب
 آچاندا، کؤینک اولدوغو بیلینیر. زئرزمی نین او باشیندا، میزین
 دؤوره سینده اوتوران لار دؤنوب باخیرلار، میزین ساغ دووارا ساریکی
 ائسسیز توووندا اوتوران اوزون بویون، سوت آغ دریلی «آرشین مالچی
 قارداش! نئچه؟» دئییر، یانینداکی لار اوجادان گولوشورلر. ریضا او
 کؤینه یی، بایاق کؤینه یینی چکیب چیخاردیب قولامین داعوادا قان
 گؤتورموش بورنونا باسانا، ایندی ده تکجه بیر آغ تر کؤینکله قولامین
 یانیندا زئرزمی نین حیطه یاپیشان دووارینا دایانیب اوتورانا ساری
 آپاراندا، جلال تئز یئریندن قالخیب «ساغول ریضا» دئیهرک
 الینده کی قارا کوتونو آراز وئریب، کؤینه یی ریضادان آلیر. جلال
 کؤینه یی گئییر، چینینی نین تیکیش خطی، اؤز چینیندن بیراز
 آشاغی آخماسینا باخیر، سونرا اوتوردوغو یئرده قالب دووارا
 سؤیکهنن، ساریمتیل کوتونو قارنییلا، سینه سی آربادا^۱ اوسته
 قالخمیش دیزلری نین آراسینا قویان، گاهدان دا الیلہ بایاق قان
 آچیلان بورنونو یوخلایان قولامدان «نه جوردی؟» دئییب سوروشور،
 قولام باخماییب، دینمه ییر، بو، گئنه اؤز چینیننه باخیب دئییر: «بی
 آز چینینی دوشور آشاغایی» آراز «نئینییه جی، قالا جاغ کوتین
 آلتیندا داینا» دئییب الینده کی کوتو وئریر جلالا. جلال بیر کوتا
 باخیر، یاخجی گؤرسون دئیہ لامپا ساری یئرییر، چیرتما ایلا اورا-

^۱ هم سطح.

بوراسى نىن گۇزۇنە گۇرسەنن توز-تورپاغىنى ووروب تۇكور، كوتو گىيب سونرا دۇنور دالىيا، يان-يۇرەسىنە، دووارىن دىيىنە زادىنا باخا-باخا، اۇز-اۇزۇنە دئىير: «بە منىم فوقىلىم هانى؟» سونرا زىرمى نىن او باشىنا سارى يىرىير، مىزىن باشىنداكى آرخالارى بونا اولان لارىن ساغ دووارا سارى آغ-قىرمىزى قارا تىشرتلىسى جلالا سارى دۇنور، استكانىنى قالدىرراق «جلال، سون سالىغووا!» دئىيب باشىنا چكىر، جلال دا بايق اوتوردوغو يىرە زادا باخا-باخا الىنى قاوازاراق دئىير: «ساغول ماپان!» سوت آغ درىلى، گۇزلىرىنى يومانا، چنەسى سىنەسىنە ياپىشانا، لاپ ايندى دە «ايمانىن ...» بنزىر بىر سۇزو ساياغلاياراق سولانمىش كۇپوكلنمىش دوداق لارىنىن آراسىندان سوزدورب اولنلارى گولدورن آغ تايىن اوستوندىكىنە سارى الىنى اوزادارق دئىير:

«ادە بى قورىمساغا باخونى؟»

مىزىن دۇورەسىندەكى لرون سارى باخىرلار، سوت آغ درىلى، آغ تايىن اوستوندى ياتانا سارى گىدىر، قاباغىندا دايانىب شالوار جىبلىرىنى آختاراندىن سونرا دۇنور دالىيا «ماپان او تسبىحو بى دىقا منەيى!» دئىيرك چىيىنلىرىنى بوزوشدوروب گولومسەيرك مىزە سارى قايدىر، تسبىحى آلماقدان اۇترو الىنى ماپانا سارى اوزادىر، ماپان «ئىنىسن؟» دئىيە بىلنگىنە دولادىغى تسبىحى چىخاردىر، «ادە اوزون مجىدى اينجىتمە ها!» دئىيرك سوت آغ

دریلى يه وئيرير. بهنامين يئرینده اوتوروب ساقى ليک ائدن گۆزو
قانلى قالين قاش گولومسه يرك دئيير:

«بيزيم زامانين جاواننارى كيمي تسبئح زاد گۆتيريسن آ!»

«دده مين ياديگار يديي.»

سوت آغ دريلى ياواش جاسينا اوزون مجيده سارى گئدير، اويان
كئفلى نين قولاغينا اينده كي تسبئحين موللاسينى اوزادير، ريزا
اوجادان «آده به اونان نه شون وار؟»، الينى ده حيطه سارى
اوزادارق دئيير: «او اوزين-اوزين خالا اوغلاننارى گليب او سوت آغ
دمه يوو داغيداللا را!»

اورداكى لار گولوشور، سوت آغ دريلى دؤنوب ميزه سارى الينى
توتوب «آده اولارين هاميسين اهبر قارداشيم تكاللى شيل-كوت
ائله رى» دئيير، ساقى ليک ائدن قالين قاش گولومسه يرك
كؤينه يي نين ايكي دويمه سينين آراسيندان قارنينا قاشييير،
سوت آغ دريلى گئنه ده تسبئحى اوزون مجيدين قولاغينا سارى
آپارير، تسبئحين موللاسينين آغزيندان چيخان اوچ-دؤرد دنه
سايينى قولاغينين ايچينه ساليب اويان-بويانا دبردنده، اوزون مجيد
ديكسينه رك الينى توولا گتيريب قولاغينا چيرپير، سوت آغ دريلى
تئز قاجيب گلير باياقكى يئرینده اوتورور، ميزين باشينداكى لارينين

بىر-ايكىسى گولور، او بىرى لرى ده آغير-آغير آخمىراقلا^۱ سوت آغ درىلى يه باخىرلار. اوزون مجيد گۆزلىرىنى آچىر، دۆوره بىر آوارمادان^۲ مات-مات اونلارا باخىر، سونرا گئنه گۆزلىرىنى يومور، جلال ميزين باشىنداكى آرخالارى اويان دووارا اولان لارىن نم هانسىندان سوروشور:

«هبر، بىرالاردا منىم فوقىلىمى گۆرمه دون؟»

قالين قاش ساقى اورا-بورا، ميزين دۆوره سىنده كى لى ده يان-يۇره لرىنه باخىب كراواتا بنزر بىر شئى گۆرمورلر، ماپان دئىير: «بورالاردا يوخدى دىيه سن.» سوت آغ درىلى ياواشجاسىنا يئرىندىن قالخىر، گولمه يىنى آغزىندا بوغارق سىيه-سىيه^۳ گليب جلالا ياخىنلاشىر، بىردن الينى جلالين كوتونون جىبىنه سارى آپارىر، جلال دىكسىنىب تئز دالىنا دۇننده، گوله-گوله جلالين جىيىندىن كراواتى چكىب ائشىيه چىخاردىر، دۆوره ده كى لى گولورلر، ماپانىن يانىندا اوتوران آغ يئرلى قارا خط خط كۆينك ده الينى دىزىنه چالىب هاهاهاى گولور. آرازلا رىضا قولامىن يانىندان دوروب بونلارا سارى گليرلر، رىضا اكبردن، هم ده اكبرىن يانىندا كىندان سوروشور: «به بهنام هانى؟» اكبر ماپانا «ياخجى داي، بسوندى دو

^۱ آخمىراق: منت، طعنه.

^۲ آوارماق: تشخيص وئرمك. سئزمك.

^۳ سىيه-سىيه: پاورچىن.

گت» دئيب سونرا ريزايا باخيب باشيني ترپه ده رڪ سوروشور: «
 نه دئدون؟» ماپان دالينا دؤنوب «دئدى من بى گئجه او ماشى نين
 كيفته بئرين پاتدادارام باخارسوز» دئبير، گئنه ده دؤنوب الينده كى
 استكانين اكبره سارى اوزا ديب دئبير: «بئرين ده تؤح داينا نولار؟»
 ريزا اؤز-اؤزونه «پوخ يئديينه باخى؟» دئيب، دالينا دؤنوب
 ميزيلتيسينى ائشيديب، ديشين آغاردان سوت آغ دريلينى
 گؤرجه يين گولومسه يرك اونا گؤز وورور، الينى چينينه قويوب
 دئبير: «يزدان يوخسان؟» يزدان اوتوردوغو يئره سارى گئده-گئده
 «وارام» دئيب اوتورور. ريزا جلال لا، جلالين بوينونا كراواتين
 باغلايان آراز سارى گئده-گئده «آده جلال! بى فوقيل ويرماغى سن
 اؤيرشمدون به؟ دينديرنده ده دئير طراحام!» آراز دا دئبير: «آده به
 اؤزونكى هانى؟»

«اؤزيمى دارىخديريرى.»

ريضا «ياخجى داي، گلون گئدى حيطه!» دئيب قاپيبا سارى يولا
 دوشور، آراز دووارين ديبينده بير شئيين اوستونه قويدوغو قهوه
 رنگلى كوتونو گؤتورور، يزدان دالان چاغيريب دئبير: «ريضا به
 ايشميسن؟» ريزا يزدانا جاواب وئرمه ييب، باياقدان سسى
 چيخمادان يئرینده اوتوران قولاما سارى گئده-گئده «قولى به گه
 داينا!» دئيه رڪ ياخينلاشيب اليندن ياپيشماق ايسته ينده، قولام
 الينى داليا چكيب دئبير:

«بوشدا!»

ریضا دئییر: «قالخ ایغا بی!»

قولام گئنه ده دارتیشیب دئییر: «بوشدا ریضا.» ریضا «أده من اؤلیم!» دئییب قولامی چتینلیکله «أده بی آز آریغلا داینا» دئیهرک یئریندن قالخیزیر، قولام دوروب اوستونو چیرپیر، جلال لا آراز اونلارا ساری گلنده اوجادان دئییر:

«بیردا اؤزیم دیممه دیم، منیم هله او شاپورنان چوخ ایشیم وار.» زئرمیده کی لرین گولوب دانیشمالاری بیر نئچه ثانیه کسلیب، حیطدن گلن «لاچینیم، لاچینیم، لاچینیم منیم» ماهنیسی آیدینجاسینا ائشیدیلدیینه، ریضا بیراز اونلارا باخاندان سونرا بیردن «لاچینیم» هاواسیلا قول-قیچینی اوینادیر، یزدان فیش چالیر، اوردا کی لار دا «هه! هه!» دئیهرک ال چالیرلار، ریضا قولامین قاباغیندا بیراز اویناییر، سونرا قولامین الیندن توتوب ائله او هاوایلا چیخاغا ساری گئدیر، آرازلا جلال دا اونلارین دالیجا پیلله لردن حیطه قالخیرلار.

عیبا قاباق سیرانین بیر-ایکی آددیملیغیندا باشینین اوستوندن اسلانان لامپین ایشیغیندا الینده کی کاغیذا باخیر، سونرا دا حیطده اوتوران لارا گوژ گزدیریر. بابکین یانیندا کی دانقیر، اوتوردوق لاری سیرانین آغزیندا آیق اوسته دوران شادایا دئییر: «پادگاندا بئله آریغ لاری وار، سن اولارین یانیندا پهلووانسان.» شادای «أده

آریغلیغیما گورا دا وئرمه سەلەر، ننه مه کفالت آلامی» دئییب الینده خوروز قاباغا ساری گلە-گلە ده تئز عیبا یا دئییر:
«عیبا! بی دؤن بیلارا باخی.»

عیبا دؤنوب ریضا گیلی، قولاملا جلالی گؤرجه یین گولور، قولام لا جلالا «باشوزا دؤنیم ائله دورون بیردا» دئییب سرعتله چالقچی لارا ساری گئدیر. جلال بی له ساغدیز-سولدوزا باخیب، بیر سؤز دئمە دن الینی سینە سینە قویور، اونلار گولومسە یرک باش لارینی ترپە دیرلر، بی، ال ده قاوازییر. عیبا آییلیب اوخویانا یاواشدان بیر سؤز دئییر، دئیە-دئیە ده دؤنوب قولاملا جلالا باخیر، ریضایلا آراز دار کئچه جه یه کئچیرلر. حجت «گؤیده بیر اولدوز وار آدی طالیدی... بیزیم بو مجلسه ایشیغ سالییدی... هامی انام وئریب قولامنان جلال قالیدی» دئییر، هامی ال چالیر، قولاملا جلال شاباش وئرمه یه بی گیلە ساری گئدیرلر. ریضا قاباقدا، آراز دا دالدا ماشی گیلین سیراسینین آغزینا یئتیشنده، ماشی بونلارا باخیب دئییر: «آهولرین کئی؟» ریضایلا آراز، توت آغاجی نین یانینداکی لارلا بیرلیکده گولوشورلر، سونرا ریضا اوجادان دئییر: «ماشی عمی من گوزنمی!» ماشی نین یانینداکی گوزلری ات ایچینده ایتیمیش اوجادان «به بینیزو نئینئبسن بالا؟» دئمە سی دالیجا دا «آه آه آه» ائتمە سی قاوازییر، دؤوره ده کی لر ده گولوشورلر، ریضایلا آراز، ماشی

گىلىن يانيندان كئچىپ اۋز سىرالارينا سارى گئندىدە، سجاد سۈرۈشۈر:

«ريضا خال اوغلى اوردادى هله؟»

ريضا بىر سۆز دىمك ايستەيىر، امما عىبانين بلندگويلا «قولامنان جلالين ساليغينا محكم بى ال چالون» دىمەسى اوجالماسيندا، سونرا دا هامينين ال چاليب هاي-هاراي سالماسيندا، بىردن دىدىيى ائشيدىلمز دئيه گۆزلىرىنى قىيىب گولومسەيرك سجادا باخىب دىمكەن داينىر، ال چالما سسى ياتىر، عىبا «اوشاغ لار اينشاللاھ اۋز تويوزدا» دىندىن سونرا، رىضا سجادىن سورغولو گۆزلىرىنە باخاراق دىيىر: «هە، اوردادى، ياتىب خورىلدئىر.» سجاد اياغا قالخاراق «ادە خالام اونى منە تاپشيريى» دىيىب گىتمك ايستەيندە، گون باش دوروب الينى سجادىن چىينىنە باسيب اونو خىخىرداراق دىيىر: «ادە اوتى يىرونديى، اونا هئش زاد گلەم.» سجاد گىنە دە دارتينيىب گىتمك ايستەيندە، آراز دىيىر: «بە دوز دئىر داينا! حالى ياخجى اولماسا خورىلدار؟» سجادىن چارتلاق دووارا ساريكى يانيندا اوتوران يشم رنگلى كوت گىين، سجاددان «گىنە مجيده نولوب؟» سوروشاندا، باياق ناصير شاباش وئرمەيە گئندىدە چارتلاق دووارىن اوستوندىكى يىكە چىراق بىردن-بىرە چوخ ايشىق لاناندان سونرا آتماسايدى، توت آغاجى نىن يان-يۇرەسى بئله آلاقارائلىق اولماسايدى، يشم رنگلى كوتلو سجادىن

ياشيل ايرى گۆزلىرىنىن آلتىنىن سىرىيب تىترەمەسىندىن
آرخاين اولماماسىنى اوخوياردى!

آرازلا رىضا لاپ دال سىرا صندلرە سارى دۆنورلر، آراز
زئرمىدەكى غيرت ال وئرن اينجە بئله ياواشجاسىنا «افشىن!
ايچىسن؟» دئيب سوروشور، او دا يىنى آرازىن چىيىنە ووروب
گولومسەيرك دئيبىر: «يوخ، ساغول.» آراز سىرانىن لاپ آخىرىنا
سارى گلندە، نادىرلە چۆپ بويون دۆنوب باخىرلار، نادىر آرازى
گۆرجهيىن دئيبىر: «آدە بە بى دە ھارا قىتدون گئدودن؟» آراز
آغاجىن دىيىندەكى آراغ دىبەسىنى گۆرسەدەرك «گتدىم بىنى
وئردىم رىضيا، قىيتدىم» دئيب آغاجى سوووشور، اوتورمامىشدىن
قاباق آغاجدان آسلانان چىراقلارنىن ايشىغىندا يىندەكى كوتونا
باخىر، اورا-بوراسىنى اليبە، چىرتمە اىلا تىمىزلەيىر، چۆپ بويون
دۆنوب گولە-گولە دئيبىر: «آراز! دىيەسن فاسفاسى سانھا!» آراز
گولومسەيرك «يوخى، اوردا بى آز بىلمىشدى» دئيبىر، كوتونو
صندلىنىن سۆيىكەنەجەيىندىن آسلايىب اوتورور. رىضا ھلە سىرانىن
آغزىندا زئرمىدە افشىنى دالدىن قوجاقلايان قىسا توكلو گودەيە
سارى بىراز آيىلىب گولومسەيرك قولاق آسىر، بىردىن اوجا سىسلە
«دوغىردان؟ من اۆلىم؟» دئيب گولە-گولە آراز گىلە سارى گلەرك
گئنە اوجادان دئيبىر:

«آدە نادىر! حاجى سونا جفرە بتر سۆز دئيب ھا!»

»بیاغ دوردون قاشدون قویمادون کی دییم۔ بہ من سنہ سفئی۔

سوفئی سؤز دئمرم کی!«

اٹلہ ریضا آغاجین بؤیرونده کی صندلدہ اوتوراندا، بیردن آراز اوجا سسلہ «آدہ او قولامین ایشینہ باخی!» دئیہرک یئریندن قالخیر، ریضا دا دؤنوب باخیر، «آدہ قولام؟» دئیہرک آیاغا دورور، چارتلاق دووآرا ساریکی صندل لیرین بری باشینداکی لاردان آیاغا قالخان شاپورلا، بایاق شاپورون دالیجا گلن آچیق ماوی کؤینکلی نین ایندی شاباش مژمئیسینہ پول قویوب جلال لا کئچہ جکدن کئچیب حیط قاپیسینا ساری گلن قولاملا ہئدہ لہ شیب پیرتلاشمالارینی گؤروب یئیین-یئیین اونلارا ساری گئدیر۔ اوتوردوغو سیرانین آغزیندا دوروب باخان زیل قارا تئلی اینجہ بئل بیر سؤز دئمک اوچون اونلارا یاخینلاشماق ایستہیندہ، قیسا توکلو گودہ اونا قاش-گؤز ائدیپ قولوندان یاپیشیر۔ شاپور قولاما «ہارا دئیسن گئدی!» ی ایت بوغوشونا بنزر سسلہ بوغازیندا قاینادیپ چیخاردیب، کئچیب گئدیپ پیللہ لردن قالخیر، قولام دا «یئری، ہارا سن دئیسن اورا گئدی» دئییب ساریمتیل کوتو قولونون اوستوندہ جلال لا پیللہ لہ ساری گئدیرلر، قولام پیللہ یہ آیاق قویجاغین ریضا تئز اؤزونو یئتیریر، قولامین قولوندان یاپیشیب دئییر:

«قولام ہارا؟!»

قولام قولونو ریضانین الیندن چکه رک «ریضا بوشدا!» دئییر، او چونجو پیلله دن ده قالخیب کوچه یه چیخیر. آراز دا سرعتله ایکی- اوچ آداملا کوچه یه چیخیر، قولاملا شاپورا، هم ده دؤوره سینده کی لره یاخینلاشیر. قولام کوچه نین خیوانا قوشولاجاغینا بیراز قالان کوچه نین قیراغینداکی ماشین لارین بیرسی نین یانیندا یاواشیییر، شاپورا «گه اوتی گئدی» دئیهرک ماشینین قاپیسینی آچیر. شاپورون یانجا گلن آچیق ماوی کؤینکلی اوجادان «شاپور، ماشین ی خیوانین او تاییندا ساخلامیشام» دئینده، ماشی نین چیغیریب «آده به گئنه نولدی؟» دئمه سی، کوچه نین آغزینداکی جاوان لارین قولاق لارینا دیکه یین هامیسی دالییا دؤنورلر، ماشی یلا یانیندا دوروب اونلارا باخان نئچه کیشینی گؤرورلر. اسراییل لا یانینداکی یئنی یئتمه لر، داللا ریجا دا اوچ-دؤرد آدام کوچه یه چیخیرلار، ماشی او دؤرد-بئش آدامدان آیریلب الینی قاوزایراق اونلارا ساری گلیب «به بالا قوتارمادوز سیز؟» دئییر، اونا ساری باخان قولام لا جلا لا یئتیشر، قولاما «به گئنه نولدی؟» دئییب، آچیق ماوی کؤینکلی نین دالیجا خیوانین او تایینا، اونون ماشینینا مینمه یه گئدن شاپورو دا «شاپورا!» دئیهرک سلسله ییر. شاپور خیوانین اورتاسیندان دؤنوب باخیب «بلی؟» دئییر، پیادا یولونا، کوچه یه ساری قایداندا سرعتله، سیگنال چالا- چالا گلن بیر ماشینین خیوانین قیراغیندا، کوچه نین آغزینداکی

كۆرپونون قاباغيندا ترمز ائلهييب خىپ داينماسينا دۇنوب باخجاغين، اوزو گۆرونمەين، آما سسى گور چيخان سوروجوسو سوروشور: «شاپور، قمار دا وار؟» شاپور اونا جاواب وئرمەدن گئنه ماشىيا سارى دۇنوب، دئيبير:

«بلى؟»

«داى يئرى چيخ گئت داينا.»

شاپور گئنه دە ماشىيا سارى گليب بير سۇز دە دئمك ايستەيندە، ماشىيىنى چنەسینه چكيب دئيبير: «من اؤليم شاپورا!» شاپور داينير، ايكى يىنى دە گۆزلرينين اوستونه قويوب قايديب گئدير. قولام اوجادان «گئت قوربان اول بو ماشىيا داى، يوخسا سنون...» دئيب سونرا يىنى بونا سارى دبردن، آغيز-گۆزونو تورشالديب دوداق آلتى دئيبين ماشىيا باخيب سۇزونو كسيب دئيبير: «استغفرالله ها!» شاپور دۇنوب ايكى-اوچ آدديم بونلارا سارى گلير، يىنى سيلكە يەرك دئيبير:

«نه دئدون؟»

ماشى دئيبير: «آده هئس زادى! نه ديبه جى؟ يئرى چيخ گئت!» شاپور دۇنوب گئدير، ماشى قولاما آجيقلا باخير، الييله جلال لا ايكيسينى ائوه سارى يۇنلدهرك دئيبير: «قولام، سن كى داوا آدامى ديبيريدون!»

شاپوردان قمارى سوروبان سوروجو اوجادان دئيبير: «هاى ماشى؟»
 ماشى دۇنجه يين ده دئيبير: «قمار دا وار؟»
 ماشى دۇنوب الييله دالداكى لارى گۇرسه ده رك دئيبير: «به بالا ناصير
 اولان يئرده قمار اولماز؟»

ائشيدن لر ين بعضيسى گولور، سوروجو «ها ها هاى» گولمك سسى
 چيخاردارق بير-يكي يول سيگنال چالاراق سوووشوب گئدير،
 ناصير ده ماشى يا سارى ينى قاوزا يارق دئيبير:
 «ماشى داي ابريميزى اپارما كي!»

ماشى «واد دده واي! عاييب اولسين هئش بيلن يوخيدى!» دئيبير
 يانينداكى لار گولور، بيرى چاغيرير: «هاى ماشى؟»

هامى اويان بو يانا آشاغى-يوخارى باخير، يئنى يئتمه لر ين قيرمىزي
 تيشرتلىسى گوله-گوله الييله بير بينانين ايكنجى قاتى نين
 آچيلمىش پنجره سيندن آغ توكلو باشينى ائشيه چيخاردان آغ
 تركؤينكلى بير كيشينى گۇرسه ده رك دئيبير: «كريم عمى ديبى.»
 ماشى «ببى! آغا كريم؟» دئيبير پنجره نين آلتينا سارى گئدير،
 حيطده ماشى نين بۇ پرونده كي گۇزلى ات ايچينده ايتمىش
 يانينداكى لارا ياواش جاسينا «دئيللر دونيا آخيرا يئتيشنده بئلنچى
 ائششى لر دؤنوب اولاجاغ لار آدام!» دئيبير، هاميسى گولوشور.
 كريم دئيبير:

«منىم بئش-اون گوننن سورا بى نئچە نفر قوناغىم گلەجى. منە ياخجى بى تووليدان، املويدن...»
 ماشى الينى گۆزونون اوستونه قويوب دئير: «منىم بى كور گۆزدهريم اوسته!» كريم «آلاه سوبايلىغو آلونن آلماسين!» دئيب گولور، ماشى كريمه ال قاوزاييب بيراز قاباقدا دوران لارا، اونو گۆزلەين لره سارى يولا دوشور، توى حىطيندن «آى دىلى دىلى... دىلى دىلى دىلاور» ماهنيسى نين سسى قولاق لارى دئيب اورك- بۇيرهيه زادا يئرينده كريم دئير:

«ولارا دا دئنن او ايچين سيهدىمى داي باغلئن!»

ماشى گولومسه ييب كريمه باخير، يئنى يئتمە لرين قيرمىزى تيشرتلىسى دئير: «كريم عمى بى گئجەدى دايانا!»
 «آده ددۇن بيلير گليبسن بيرا؟»

«نويه بيلمير، بيلير.»

كريم «آده او عظيم دلیدیها، بيلسه آراغ زاد وار گليب دلى اينى بالاسين ايغليان كيمي اؤزو ايغلارا!» دئير، هامى گولور، ماشى سوروشور:

«به ياخجى تويا گلمئسن؟»

كريم اليله «دىلاور» ماهنيسى نين سسى قالخان حىطى گۆرسەدەرك «آغا مننن كوسيب! دئير نويه هئى يئل بيراخئيسان؟» دئيب، سونرا بونلار گولنده گۆتونو پنجرەدن

کوچه یه ساری توتوب، اوجادان «دئنن ددؤن او کؤریی^۱ بیرینا...»
 دئییب دایانیب چوخ یئکهسی نین بیرینی چیخاردیر، بونلار
 شاققاشاق گوله-گوله حیط قاپیسینا ساری یئرییرلر، گؤزلی ات
 ایچینده ایتیمیش یاواشجاسینا دئییر: «آد قویانوا ایرحمت!»
 آراز استکانا آراغ تۆکور، باشینی آغاجدان قاباغا گتیریب ریضایا
 باخیر، «سالیغوا» دئییب باشینا چکیر، استکانی یئره قویور،
 صندلی نین آلتینداکی موشامبادان بیر خیار گؤتوروب دیشله مک
 ایسته ینده، بیرینین اوجادان «آده اونی یئمه!» دئمه سی ائشیدیلیر.
 آرازلا ریضا، بیر ده اوراداکی لارین بعضیسی دؤنوب اویانا باخاندا،
 حیط قاپیسی نین پیله لرینین یانیندان بیر آیاغینی کاوار اکیلمیش
 کردییه، او بیرى آیاغینی دا دال سیرا صندل لرله کردی نین
 آراسینداکی آیاق باسماغا قالمیش موزاییکلی یئره قویانی،
 دؤوره ده کی لیرین «گؤریسن قیز ممی نین نوه سی اؤزین نه هلك
 ائلر؟» دئمه لرینه، گولمه لرینه قولاق آسماییب یئیین-یئیین آرازلا
 ساری گلنی، ساپاق لاریندان توتدوغو نئچه دنه گیلنه ناری آرازین
 آغزینا قویانی، کئچیب دووارلا آرازین آراسینداکی بوش صندلده
 اوتورانی گؤرورلر. ریضا اونا ساری باخیب اییله قاباق سیرالاری
 گؤسته ررک دئییر:

«سلیمان، به اوردان نییه دوردون؟»

^۱ کؤریک: دم آهنگری و زرگری، سایه بان درشکه.

سليمان لال-دينمز رىضايا باخىر، نادىر دۇنوب گولومسەير ك دئىير:

«آدە سلىمان ندى؟ دئىن موهندىس!»

رىضا يانىنى بالاجا قاوازاير، باشىنى آغاجدان سوووشدوروب قىز

مى نىن نوەسىنە «واى باغىشدايى، موهندىس!» دئىير ك الىنى دە

سىنەسىنە قويور، چۇپ بويون دۇنور قىز مى نىن نوەسىندىن

سوروشور: «مەندىس گىناناررارى هاردان آلدون؟»

«ايندى بىرى وئردى!»

نادىر گۇزونو چۇپ بوينون گۇزلىرىنە زىللەيىب الىنى دە اۇلچەرك

دئىير: «آدە مىن دىفە دئىمىشم بى پوخ تورش شى لره آز تاماح ساللا،

فىشارون يئىر، اۇلرسن. بئىناوا عىزت خالام دىير، ائىشەيم اۇلىب

باشى قىزىلدىن!»

قىز مى نىن نوەسى باشىنى نادىرە سارى گتىرىب تىجوبلە

سوروشور:

«نەسى نىن آدى عىزتىدى؟»

نادىر دۇنوب اوجادان دئىير: «هە!» گولە-گولە دئىير: «مىن دە

خالام آرىنىن قارداشىنىن آدى عىزتىدى!»

عىبانىن «آدە جابىر بە تئز اول گە داينا. گە بى آغا شىراما سن بى

سۇز دى. بىزىم كى سۇزىمىزە قولاغ آسمىر!» دئىمەسى بلندگودان

قالخجاغىن، جاماعات دۇنوب حىطىن گىرەجەيىنە سارى باخىب،

دار كئچە جكدن اوينانىلان يئىرە سارى گلن آغ كۇپىنكىلى، نارىنچ

بویالی کراواتلینی گؤروب ال چالیرلار، هایهارای سالیب «جابیر! جابیر! های جابیر!» دئییرلر، عیبا دا «جابیر! جابیر! های جابیر!» دئیهرک قوناق لار اوتوردوغو صندل لره ساری گلیر، گله-گله ده سیمدن آسلانان لامپ لارین بیری باشینا دئییر، اسراییلین اوجادان «ددم قوربان! بی یئکه لییده ده توی بیی اولار آخی؟» دئمه سیله، جاماعاتین گولمک سسی اوجالاندا جابیر دئییر:

«به سنون کیمی توپیغینا پیسیدان اولسئیدی یاخجیدی؟»

هامی گولور، اسراییل الینی باشینا چکیب دوداغینی دیشله بییر، قیرمیزی تیشرتلی یئنی یئتمه آیاغا قالخیب دئییر: «توپیغینا یوخی، سنون او پوخ ایریده فوقیلووا اوسدیریر!» هامی گولور، جابیر ده دؤنوب آجیقلا یئنی یئتمه یه باخا-باخا ماشی نین یانیندان کئچنده، ماشی باشینی جابیره ساری آپاریب اوجادان دئییر:

«آده به گئنه زییون آچیغدی!»

جابیر «آده ماشی! بیرنو چک آینه، بی گؤری هارا هارادیی!» دئییر، تویداکی لار گولور، محی نین ده «ائح ائح ائح ایی» ائتمه سی قالخاندا، جابیر دؤنوب محی یه ساری باخاراق یاواش جاسینا دئییر: «یوخ بئینووہ دورتیم!» ائشیدن لر گولور، جابیر ده خوروز الینده آیق اوسته دوران، شادایی گؤرسه ده رک «چوخ-چوخ انام ایستئرئ» دئین عیبایا دوغرو گئده-گئده الینی شادایا ساری

توتوب اوجادان دئییر: «نئجه بی خارابادا بی فری باشدی آدم
 قاباغیمیزا چیخمیرئ!»
 گولمک هایى گؤیه قالخیر، شادای اؤزو ده هاهای گولور، ایرج
 الینده کی استکانی قالدیر اراق «جابیر، ایچیرم او کراواتون سالیغینا»
 دئییب استکانی باشینا چکیر، جابیر اونا باخیب دئییر:
 «ایندی بی آزدان گؤت آلان چاغیراندادی تاماشا!»
 هامی گولور، مَحی نین ده گولمه سی لاپ اوجالاندا، جابیر باشین
 بوللا یاراق مَحی یه باخیر، آیینی اونا ساری توتاراق «أده بی قحبه
 گولمه یو تر گیتمه دون به؟» دئییب سونرا جاماعاتا دئییر:
 «هله پیس پیس ده بویون-سحر دده اولاجاغی.»
 جاماعات هاهای گولور، مَحی ده «أده به سن منیم آروادیمین
 قارنینا نییه باخيسان؟» دئییب «ائح ائح ائح ایی» ی اوجالیر، جابیر
 دئییر: «یوخ، به سنون او تئجان کیمی قارنووا باخاجییام؟»
 گولمک هایى یاتاندان سونرا دا الینی اوروفا ساری اوزاداراق «نییه
 بی شئی وئریب آلیب باشین کسمیسن؟» دئییب الینی شادابین
 قوجاغیندا کی خوروزون بویونو، بئلینه چکه-چکه ده دئییر:
 «گؤریسن، تئی یاغدی ها...»
 «أده قوی جهنم اولسینئ، کؤپئین گنده سی اولننه رین قانین
 ایستئیر!»

جابر دؤنوب شادايا «آده دوز دئير دايئا، بى آز اوجيز وئر» دئيب
 كؤينه بى نين آشاغيدان ايكي دويمه سى آچيليب قارنى گؤرسه نن
 يئردن بارماق لاريني ساليب قارنين قاشييا-قاشييا دئير: «نه
 دئيسن؟»

شاداي گولومسه ييب باشيني اوسته آتير، جابر «هئش گرى قيز
 آئوى بى خوريزى سنن يوللاميئيدىي» دئيب سونرا دا عيبايا
 باخيب دئير:

«سن اؤلى!»

عيبا ييني شاداي لا جابيره سارى اوزادارق «باشوزا دؤنيم اوشاغ لار،
 بوپروز آيله شوز» دئير، جابر اورا-بورا باخينجا شاداي قاباق
 سيراداكي تكجه بوش قالميش اؤزو اوتوردوغو صندلده اوتورور.
 جابر عيبايا «ياخجى، من هاردا اوتيريم؟» دئيب قاباق سيرادا
 بوش صندل تاپماغا گؤزون گزديرير، سونرا ييني آپاريب اوروفون
 او تاييندا اوتوران يئكه يوغون آچيق ماوى كوت شالوارلى نين اتلى
 قيچينا قويوب اوجادان دئير:

«آقاي حسنعلى زاده قيچو بى آز ييغ دايئا!»

هاممى گولور، جابر، حسنعلى زاده دئدييي باشى اتلى، اوزو اتلى،
 آغ بوخاق قىپ قيرمىزى قيزاريب اؤزونو صندلده اويان-بويان
 اتله يير، بيردن اسراييلين «آيه جابير؟ گه بيرا باخ!» دئمه سى
 قالخجاغين قاباق سيرا لاردا اوتوران لار دؤنورلر، سؤزونون داليني

توتوب «... بىردا يامان بى اىستى يئر وار» دئىن اسرايىلا باخىب گولوشورلر. ماشى آياغا قالخىر، الينى اونا سارى اوزاداراق «آده اسرايىل...» دئىيب چىراغى سۇندورولموش اوتاغى گۇرسەدەرك دە دئىير:

«...عايبىدى آخى!»

اسرايىل اليبىلە ماشىنى گۇرسەدەرك «آيه گۇرون ايشين هاراسىدى، اۇلى دورىب مىردەشېرى يوپورا!» دئىيب گولور. جابىر اوجادان «دلى شيطان دئىر...» دئىجەيىن، عىبا يئىن-يئىن جابىرە سارى گلير، باشىنى چىراغا ديمەسىن دئىه آيەرك «ددم قوربان جابىر! بى سۇز دئمە» دئىيب بارماغىنى دوداق لارنىن اوستونه قويوب «سىس!» ائلەيىر. آشىق مىمى بىر باياتى يلا رسولو شاباش وئرمەيه چاغىرير، تويداكى لار ھاى ھاى سالىب «هه! هه!» زاد دئىيرلر، رسول دوروب دار كئچە جكدن كئچىب بى گىلە سارى گلير. جابىر «وئر منە دئىم، وئر منە» دئىهرك چكىش-بركىش ائلەيىب، خوروزو شاداين اليندن آلير، خوروزو ايكى-اوچ يول قاناد چالىب ساكىتلەشندن سونرا اوزونو حىطدە اوتوران لارا توتور، قىچ لارنىدان ياپىشىدىغى خوروزو قاوازايب ائندىرر كن «ايندى دئىوز گۇرى بى خورىزا نئچە وئرىسوز باخ؟» دئىير، سونرا سارماشىقلى دوووازا سارى گئدىر، باشىنىن اوستونه آيىلن شاپورون دئىيىنە قولاق وئرنا ايماننا سارى خوروزو قاوازايب دئىير:

«ایمان عمی! نہ خوریزدی؟»

آغ، قالین توکلور رحیم گولومسہ یرک جابیرہ باخیر، شاپور «آدہ باجون گۆتینه سوخیم، به گۆرمیسن دانیشیروغ؟» دئییر، ایمان دا «من خوریزا باز دیرم کی! سنون کیمی بئچه لره بازام!» دئجه یین رحیم له دؤوره لرینده کی ائشیدن لر هاهاهای گولور، رسول لابی گیل ده دؤنوب بونلارا باخیب گولورلر، جابیر «وای دده وای!» دئییب شادای گیله ساری قاچیر، اوروف ال لرینی بیر-بیرینه ووروب شادایا باخا-باخا شاققیلدا ییب گولور، گوله-گوله ده جابیرہ دئییر:

«جابیر قوخدونا!»

«قوخدیم؟»

اوروف «آمما سن نه دن قورخا جاجاسان؟» دئییب گئنه شاققیلدا ییر، شادای دا هیر هیر هیر هیر یلدا ییر، جابیر شادایا ساری گلیب دئییر:

«آدہ سفئی سفئی گولمیئی، خوروزو سات!»

شادای گولمه سینی کسیب دئییر: «کیمه ساتیم؟ یاخجی پیل وئرن یوخدی کی!»

«آدہ نییه یوخدی؟ آز انام ایسته قوی بیدئی باخ، چوپیر اوریف آلسین!»

دؤوره لرینده کی ائشیدن لر گولور، رسول بی گیلین قاباغیندا کی میزین اوستونه بیر-بیر پول اتاراق تئز دؤنوب آجیقلا جابیرہ باخیر، اوروف دا تئز دیلینی قاییرما دیش لرینین اوینا تماشیندان

ساخلايىب يئرلەندىن دورور، الينى جابيره سارى اوزادىب بىر-ايكى
آددىم دا اونا سارى گلە-گلە دئيبىر:

«آده كس سسويى...»

جابير تئز خوروزو شادايا وئريب قاچير، عىبانين بۇيروندىن كئچير،
بى گيلين يانيندان سوووشاندا، رسول تئز جوموب جابيرين
خىرتە يىندىن توتوب سيلكە لەيبىر، جابير زىرلدا يارق دئيبىر:

«پوخ يئدىم رسول! پوخ يئدىم!»

گئنه گولمك سسى اوجالير، بىر آروادىن گوبود سسلە «قوخما
جابير! هئش كيم سنە الى نين اوجين دا ويرا بىلمز» دئمەسى،
چيراغى سۇندورولموش اوتاقدان حىطە ياييلاندا، ادام لار سوساراق
پنجرە يە سارى باخىرلار. گوبود سسلى آرواد «آده هوى موتال!
آدامسىز زاد ديبىر كى وىراسان!» دئىندە، ائشىدىن لرىن بعضىسى
گولور، اوردان-بوردان دا «واى دده واى!» زاد دئمە لر قاوزانىر،
اسرايىل دئيبىر:

«شوخلىغ زاد گۆتىرن ديبىرها! ائركى جمىلەدى!»

جاماعات هايلا گولور، قىرمىزى تىشرتلى يئنى يئتمە ياواشجاسينا
اسرايىلا «ائركى يوخى، داششاغلى جمىلە!» دئيبىر گولور، اسرايىل
دا گولە-گولە اونون كورە يىنە ياواشدان الينى چىرپىر. تويدا كى لار
بىر يئكە، يوغون، سارىمىتىل آروادىن ائوين آلا قارانلىغىندان
پىللە لرى نين اوستونون ايشىقلىغىنا چىخا-چىخا «آده هوى، امير

آستانين نوه‌سی! گليب گۆتووه او چوپير دايوون قيچين سوخاراما! «
 دئمه‌سینی آیدینجاسینا ائشیدنده، گئنه اوجادان گولوب های‌های
 سالیرلار، مَحی‌نین ده «ائح ائح ائح ایی» ی‌های‌های، گولوشمه‌لره
 قاریشیر. عیبا گئدیب رسولون قولاغینا بیر سؤز دئییب جابیری
 الیندن آلیر، جابیر بوینون اويا-اویا صندل‌لره ساری گلیر. عیبا
 سرعتله پیلله‌لره ساری گئدیب پیلله‌لردن قالخیر، «جمیله باجی
 منی ویرئ، خوایش ائلئرم منی ویر!» دئییب بوینونو جمیله‌یه ساری
 آیر. جاماعات هاهای گولوشور، جابیر ده دؤنوب ائوه ساری
 قایداریق «جمیله خالا! هئله یاغلی پئیسره شیلله یامان
 یاپیشار!» دئییر، هامی قاققیداییب گولور، جمیله ده عیبانین
 باشینی قاوزاییب آلیندان اؤپور. جاماعات های‌های‌ایلا ال چالیر،
 چالقیچی‌لار دا تئز بیر اویناماق هاواسینی چالجاغین دال سیرادان
 زیل قارا تئلی، اینجه بئل آیاغا قالخیر، ال-قولونو آچیب دبردیر،
 دار کئچه‌جکدن اوینایا-اوینایا قاباغا ساری گلیر، ماشی‌گیلین
 سیراسینا یاخینلاشیر. حیطین هر یئریندن «ساغول افشین...
 ساغول!» قییهایسی گؤی‌اوزونو آلیر، ماشی‌ایاغا قالخیر،
 های‌های‌ایین یاتماسینی دوروب گؤزله‌یندن سونرا، بیرینی
 گؤزستمک اوچون الینی سارماشیقلی دووارا ساریکی صندل‌لرین
 قاباقداکی سیرالارینا ساری اوزادیر، افشینه باخاریق «سنون باشووا
 او صفرین مالی دولانسین بالا!» دئییب قاقاناق چکه‌رک ال‌لرینی

بیر-بیرینه چیرپیر. گۆزلی ات ایچینده ایتیمیش تئز قالخب
 ماشی نین قولاغینا بیر سۆز پیچیلدا جاغین ماشی دؤنوب دال سیرادا
 افشینین یانیندا اوتوران قیسا توکلو گوده یه ساری ال قاوزاییب
 دئییر: «های محرم! اصلن قورخب ائله مه ها، منیم بی صفر
 قارداشیم هئش قاتیغی دا داغیدا بیلمز!» حیطده کی لر هاهاهای
 گولور، ماشی گۆرسه دیب صفر دئدییی بیر زیل قارا بوغ دا هیرهاهیر
 هیریلداییر. افشین اوینایا-اوینایا گلیب باشیندا کی یئکه چیراق
 اولان میله یه یاخینلاشیر، چیراغین ایشیغیندا یاغلانیب دارانمیش
 قاپ قارا توکلری پارپار پاریلدایارکن، گولومسه یه-گولومسه یه بی
 ایله ساغدیز-سولدوز اوتوردوغو یئره ساری گئدیر، باشینی بالاجا
 بی گیله آیب اونلارین قابق لاریندا اویناییر، ساغدیزین، ال لرینی
 باشی هاوادا قالخیزیب چپیک چالماسینا الینی سینه سینه قویور،
 سونرا قارا ساققال قارمانچیلا قوجا قوالچینین سرعتلندیردییی
 هاوایلا اویناماغینی یئینلشدیره رک حیطه ساری قایدیر، لاپ
 قابق سیرادا اوتوران اوروفا یئتیشیر، یکی الینی اوروفا ساری
 اوزادیر، باشینی دا چالقچی لارین «دیش دارا دیداش داش داراش»
 هاواسی یلا دبرده رک اونو اویناماغا چاغیریر. قارمانلا قوالدان
 چیخان سس لر، حیطه یاییلان سس لر جاماعاتین سومویونه دوشور،
 چوخو اوتوردوغو یئرده دینگیلده ییر، اوروف آیاغا قالخیر، ال-قول
 آچیر، چالقچی لار دا چالدیق لاری هاوانی بیراز دا یئینلشدیرنده

افشین له یان-یانا سوزمه یه باشلاییر. جاماعات های-کوی سالیر، سجاد آیاغا قالخیب اوجادان «اوریف عمی، آلاہ قویسا ائله ایشی بی گئجه یئرینه قویارسان!» دئییر، تویداکی لار گولور. لؤک دوداق دؤنوب دالییا باخراق یانینداکی آلا-بولا کؤینکلییه یاواشجاسینا «دییه سن سجاد دا بازدی ها!» دئییب هیرهاهیر دا گولوب، اونون دیزینه شیلله سالاندا گون باش آلینی گوله-گوله قاییدیب یئرینده اوتوران سجادین چیینینه قویور، یاواشجاسینا دئییر: «آده دای آبریمیزی آپارما کی!» افشین اوینایا-اوینایا الینی شادایا ساری اوزادیر، شادای خوروزو او بیری الینده توتارکن قالخیر، افشینین الیندن یاپیشیب اونلار اوینادیغی هاوایلا اویناییر. جاماعات شاپباشاپ ال چالیر، بعضی لری آیاق اوسته دوروب اوچ اوینایانین بورجوتمالارینا، ال-آیاق دبرتمه لرینه باخیب، گولوب، فیش چالیرلار، بعضی لری ده «جانو یئیم افشین... جانو یئیم بالا» زاد دئییرلر. اسراییل «آیه شادای! ساغولی، ساغول»، عیبا دا بلندگودان «شادای یوخ! آقا شهرام... آقا شهرام!» دئینده گولمک سسی اوجالیر، جابیر دالداکی سیرا صندل لرین بیریندن آیاغا قالخراق اوجادان دئییر:

«عیبا به هئی او شادایین گول کیمی آدینین ایچینه نییه سیچیسن؟»

صفر اوجادان «صحيح است! صحيح است!» دئير، هامى ال چالير،
 دالداكى سيرا اردان بيرينين «ساغول صفر!» دئمەسى ائشيديلير.
 صفر شينەيە-شينەيە دالييا دۇنور «ساغول صفر» دئين پيرپيز
 باشلى، دومبا گۆز ميثمە ال قاوزاياراق «باشووا ماليم دولانسين
 ميثم!» دئيندە، گيلاس آغاجينا باغلانيب قاباق سيرا لارى
 ايشيقلادان لاپ يئكە چيراغين ايشيغيندا باشى نين بوزارميش
 سئيرك توكوندن، قيريشميش اوزوندن، خيردا-خيردا گۆزۈندن
 چوخ، قاپقارا بويانميش پارلاق بوغو گۆزلرە دئير. اوروف ايكي
 اوينايانلا اورتادا بير دولانير، قاباق سيرادا آياق اوستە ايندە پول
 توتانا، كوتونو قولونون اوستونە آتان، ترى آلنيدان، اوزوندن آخان
 آقاي حسنعلی زاده يە سارى سوزور، قاباغيندا دوروب ديش لريني
 آغاردا-آغاردا باشيني، بدنيني اسديرير، ايكي-اوج دۇنە ييني اونون
 پول توتوموش آغ آپ آغ اتلى يينه سارى آپايريب قايتاراندا، آراز
 گيلين داليندا، كوچه دووارينين ديبى نين آلاقارانليغيندا، آراغيني
 ايچيب بوش استكانى ايندە اولان چنەسى اوزون «تو! سنون قئيرما
 ديشووه توريملىم، يالتاغ كۆپئى اوغلى» دئجە يين، بير-ايكي آدديم
 اوندان اوزاق، ائله دووار ديبيندە دوران رسول تئز بونا سارى
 سيچراييب، ييني آتيب خيرتدە ييندن ياپيشيب باشيني دووارا
 وورور. چنەسى اوزونون «واي دده واي! واي دده!» دئمەسى
 قاوزانجاغين، آراز گيل دۇنوب دالييا باخيرلار، آريق چنەسى

اوزونون خیرتدهیین رسولون قییناغیندا گۆروب رسولون دا
«کۆپئی اوغلینین گۆت وئره نی جانون بی دَییر؟ بی دَییر؟»
دئمه سینی ده ائشیدنده، آرازلا قیز ممی نین نوه سی دَبرینجن ریضا
اونلارین قابق لاریندان سوووشوب، اؤزونو تئز رسول گیله یئتیریر،
«آده رسول بوشدا، بوشدا» دئییه رسولون قییناغینی اوزون چنه لی،
آریق تاققاناغین خیرتدهییندن قوپاردیر. شادای خوروزو موسیقی
هاواسیلا اسدیریب سیلکه له یرک، اوروف دوداغینی بوزوب ال-
قولونو دبرده رک، افشین ده گولومسه یه-گولومسه یه بی له ساغدیز-
سولدوزون ال لرینده توتدوق لاری شاباش لاری آلسین لار دئییه اونلارا
ساری گئدیرلر. شادای لا افشین گوله-گوله باش لاریلا اولده اوروفو
بی گیلدن پول لاری آماغا یوللاییرلار، سونرا دا اؤزلری اولده بیین،
سونرا بیین سولونداکی سولدوزون، سونرا دا ساغدیزین الیندن
پول لاری آلیب اوچو ده عییا الیله گۆرسه دیب یؤنلندیردییی دار
کئچه جه بیین آغزیندا ال لرینده پول توتמוש اوچ-دؤرد آداما ساری
گلیرلر. قابق سیرالاردا اوتوران لار دیب دووارین یانینداکی اتقاقدان
خبرلری اولمادان رسولون قولوندان یاپیشیب پیلله لردن چیخاردیب
کوچه یه آپاران لاری، هم ده ماشی نین قالخیب دالییا باخیب
اورداک لارین بونو گۆره نینه ال دبردیب، هیمله «نه اولوب؟»
سورماسینی گۆرمه دن های هارایلا ال چالیرلار. موسیقی سسی
یاواشییب کسلییر، اوینایان لار اوچو ده اوینامای بی تیریرلر،

جاماعات فېش وئىرىپ ال چاليرلار. جاماعاتين ال چالماسى كىلىندىن سونرا، عىبا بلندگوپلا «چوخ ساغول اوروف عمى... چوخ ساغووول، سنى ده ساغولاسان افشىن... اۋز تويوندا، اۋز تويوندا» دئير، گولومسەيە-گولومسەيە دە «اينشاللاھ آغا شەرامين توييندا دا اۋزيم قلبيرده سو داشيياچيام» دئجەيىن، اسراييل پىللەلردن ائنه-ائنه چىغىرىپ «آيە شادايبى، شاداي!» دئيب هامىيلا بىرلىكده گولور. شاداي اوروفون داليجا اوتورماغا گئدندە دايانير، اوزونو جاماعاتا توتوب اينى سىنەسىنە قويوب دئير: «ياخجى، من شادايام!» خوروزو اوستە قالخيزاراق دا دئير: «ايندى دئيون گورى بو شاداي قارداشوزين خوريزينا نئچە وئرسوز؟» ايمان باياق ماشى، صفرى گورسەديب افشىنين باشينا اونون مال لارينين دۈنمەسىنى آرزىلادىغىنا گولديوو كىمى گولەرك آياغا قالخىب دئير: «شاداي، نئچە اىستىسن باخ؟» هامى تعجىلە «هووو!» ائدير، اسراييل ايندى گلىب كئچىب اوتوردوغو يئرندىن آياغا قالخاراق اوجادان «آيە دىيەسن زئرمىدە ايمانين باشينا كرپىچ زاد دىيب آ» دئير، جاماعات گولور. ساغدیز، آشيق مىنىن «عزىم زمىسىنە... گىردىم بىين زمىسىنە... بابك وئرسىن انامى... قبال چالان عمىسىنە» دئيدى باياتيىلا چاغىرىلىب شاباش وئرمەيە گلن بابكە گوروشەرك اسرايىلين سۆزۈنە دە گولور، بى دىرسەيىنى

اونا ووراراق یاواشجاسینا «آده عایبیدی گولمه!» دئییب بابکه ده گولومسه ییر، ایمان دؤنور، اسراییل میسمیریق لا باخاراق دئییر:

«دیه سن بالا اوستا نجفین زئرزمیسی یادوننان چیخیبی؟ هه؟»

اسراییل «آیه! او بویدا زئرزمی ده یاددان چیخار آخی؟ من سنون کیمی دیرم کی اوشاغلیغیمی یاددان چیخاردام» دئجه بین، گولمک سسی گوْیه قالخیر، بابک میزین اوستونه بیر-بیر شاباش پولونو قویاندان سونرا، بیه «یامان سئچیب تاپیسانا مهدی...» دئییب، ال لرینی ده ساغدیز-سولدوزون بوی لاری قدر قالخیزاراق دئییر:

«...دوز ایکیسی ده بی بویدادی.» بی ده یاواشجاسینا «دئدیم منن بی آز گوده اولسالار یاخجیدی داینا» دئییب گولور. شادای دؤنوب بیر-بیریله پیچیلداشاراق چیراغی سؤندورولموش اوتاغین پنجره سیندن باخان قیزلاردان، آروادلاردان دانیشان سامان لایرجه «بی ده بلیسوز کیم اوستا نجفین زئرزمیسینه گئدیب؟» دئییب قاقاناق چکیب گولنده، بیرینین «آده دیشو آغارتمایی» دئمه سی، زئرزمی نین گیره جه ییندن قاوزانیر. موسیقی سسی یاواشیبیر، تویداکی لار عیبایا ساری گلن چوخ آریق، اوزون اوغلانی گورورلر. آریق اوزون اوغلان یئتیشجه بین میله باشینداکی یئکه چیراغین ایشیغی بوز کلله سینی ایشیلدادان میکروفونا ساری الینی اوزادیر، عیبا «حیدر آغا، ایستئیسن اوخییاسان اینشاللاه؟» دئینده، میکروفونو عیبانین الیندن آلیب آغزینا توتور، یکی-اوج یول

پىلەيىر، سس چىخمايىر دئىيە، «يىك دو سه، يىك دو سه» دئىيىر، گئنه ده سس چىخماياندا عىبايا باخىب «عىبا، به نىيە بئلىئىلر؟» دئىيىر، ائشىدن لر گولور. شاداي «اىستئىسن خورىزىن بوينىن اوخشىياسان؟» دئىيەرك ائله اوتوردوغو يئردە خوروزو تكم كىمى قالخىزىب ائندىرير، اوروف «ياخجى داي حىوانى چوخ اينجىتمە» دئىندە حىدر اليىلە شادايى گۆرسەدەرك ايندى سسىنى قاوازاين مىكروفونا «آدە اونا پىل زاد وئرمئىن قويون جەنم اولسىن!» دئىيىب، دالىجا دا «كۆپوغلى گۆت وئرن...» آغزىندان چىخجاغىن، عىبا تئز دبرىر، حىدر «...منى يازىغ ائلدى...» دئىندە، «آدە ادبلى دانىش!» دئىيىب، الينى حىدرىن آغزىنا باسىر. حىدر عىبانىن الينى آغزىندان چكىب دئىيىر: «آدە سىهدىر آىنە.» حجت تئز يئرىدن قالخىر، قاقىب گلير حىدرىن الىندن مىكروفونو آلماق اىستەيىر، او دا برىك-برىك اووجوندا سىخىب، وئرمەيىب، او بىرى اليىلە دە حجتىن سىنەسىندن باسىب، دالىيا ايتەلەيىر، حجت دال-دالى قاجىيىر. اسرايىل آياغا دورور، الينى سجادا سارى قاوازايب چاغىرير: «آيە سجادا! ھى سجادا!» سجادىن ائشىتمەدېيىنە گۆرە، قاباغىنداكى سىندل لردە اوتوران جلال لا قولام، ايكىسى دە سجادا سارى دۇنورلر، جلال اليىلە اسرايىلى گۆرسەدەرك دئىيىر: «گۆر اسرايىل نە دئىر؟» سجادا اويانا باخىر، اليىلە باشىنى اسرايىلا سارى دېردە-دېردە اوجادان دئىيىر: «نە دئىسن؟» اسرايىل چوخ اوجادان «گۆرىسن؟»

اوزوننارين هاميسى نين عاغلى توپيغيندادى ها!« دئير، هامى گولور، يئنى يئتمه لر گوله-گوله ال ده چاليرلار. يشم رنگلى كوت شالوارلى دؤنوب آجيقلا اسرايىلا باخير، حيدر ميكروفونو يئره آتير، اوجادان «أده كس سسويى!» دئيب يئين-يئين اسرايىلا سارى يورويور. عيبا «ددم قوربان! به نيه بئله آخى؟» دئيه تئز ميكروفونو يئردن گؤتورور، حجت تئز گليب عيبانين يئردن گؤتوروب الينده اورا-بوراسينا باخيب گاهدان دا پيله ديبى ميكروفونو «عيبا باغيشدا!» دئيب عيبادان آير. حيدر اسرايىلا سارى گئتسين دئيه ماشى نين يانيندان سوووشاندا، ماشى تئز يئرندن قالخيب الينى اونون سينه سينه قويوب دئير:

«بالا هارا؟»

حيدر «الو چك آينه سيهدير!» دئيب ماشى نين الينى چككمك ايسته ينده، ماشى تئز قيناغينى اونون بوينا ايليشديريب قيفيللاير، حيدر ال-آياق چاليب «بوشتا، اؤولون سوميين سيكيم بوشتا...» دئير. ماشى او بيرى اليله قارينا بير يوموروق وورور، حيدر «واى دده واى، اؤلديم!» دئيب زيققاير. چيراغى سؤندورولموش اوتاقدان بير قوجانين «اونى آلايه ويريب داينا، سن نيه ويريسان خالا قوربان...» دئمه سى نين سسى حيطه ياييلير، ماشى قيناغىلا حيدر ين باشينى قوجا آروادين سسى گلن پنجره يه سارى دؤنده رير، اوجادان «گئت قوربان اول چيران خالييا باخ»

دئىيب قىيناغىنى بويوندان چكەمدەن اونو حىط قاپسىنا سارى
 آپارىر، جيران «آلاه او گوؤل آنووا ايرحمت ائله سين بالا!» دئيب،
 شاداي دا تئز يئریندن قالخىب اوجادان دئيب: «جيران خانلین
 سالیغینا بی ال چالون گلسین اویناسین.» هامی ال چالیر، ریضا
 باشینی قاباغا آپاریب چۆپ بویونا دئیب: «بی شومی ده حیدره
 اوخشئیر ها!»

چۆپ بویون دئیب: «کیم؟ جفر؟»
 «هه داینا، جفر.»

نادیر دؤنوب الینی ریضایا ساری اوزادیب دئیب: «آده باس بیرایی!»
 ریضا الینی شاپالاق نادیرین الینه چیرپیر، نادیر چۆپ بویونا دئیب:
 «دوز اؤزیدی، فقط حیدردن بی آز گوده دی!» ریضا دئیب: «بی آز
 یوخ، خئیلە ی. یانی حیدر چوخ اوزیندی ها!»

عیبا چیراگی سؤندورولموش اوتاغا ساری باخیب، اوجادان «جیران
 خالا بویروز باخ!» دئیب الیلە ده اویناماق یئرینی گۆرسه دیر، ال
 چالما سسی اوجالیر، ریضا چۆپ بویونا دئیب:
 «سونانی نئجه؟ اونى دا تانیمىسان؟»

«نییه؟ اونى تانیرام!»

«دییه سن ائله فقط آروادداری تانیسانی؟ هه؟»

نادیر گوله-گوله ریضایا ساری دؤنور، چۆپ بویونو گۆرسه دهرک
 دئیب: «آده به گۆرمیسن حیوان اوشاغین ایچی اوزیلیب؟»

آغ کلایاگی اؤرتموش، آچیق یاشیل یئرلی قیزیل گوللو کؤینک گئین بیر قوجا آرواد پیلله لردن حیطه ائنیب بی گیل اوتوردوغو یئره ساری گلیر، بی گیله یئتیشنده دایانیر، اوجادان «اوجاغوزدان، بیجاغوزدان، قوجاغوزدان یاریاسوز بالا، قوشا قاریاسوز!» دئییر، جاماعات ال چالیر، ال چالما سسی سوساندان سونرا، شادای یئریندن دوروب اوجادان «عیبا عمی، دئنن ریحان خالا دا گلسین قبال چالسین» دئجه یین، جاماعات گئنه ال چالیر. عیبا آشیق ممی گیله ساری باخاراق دئییر: «آشیغ ممی ایجازه وئرسه اگر، ریحان خالا دا گلسین.» آشیق ممی آیاغا قالخاراق قوالینی دینقیلدا دیر، جاماعات «ساغ اول آشیغ، ساغول!»، سونرا دا ائودن بیر «دیم دی دیم... دیم دی دیم» سسی قالخیب یاواش-یاواش پیلله لره یاخینلاشاندا، «ریحان، ریحان» دئییرلر، ماوی یئرلی کؤینک گئییب قیرمیزی کلایاگی باشینا باغلایان آریق گوده آروادی قوال چالا-چالا پیلله لرین باشیندا گؤرنده، ال چالیب «ریحان، ریحان» دئمه لرینی لاپ اوجالديرلار. قیرمیزی کلایاغیلی آرواد، پیلله لردن حیطه ائنده، شادای یئریندن قالخیب قیچ لاریندان یاپیشدیغی خوروزو اوینا دیر. جیران قوالین هاواسیلا ال-قولونو آچیب ریحانا ساری گلیر، اونون قاباغیندا ال لرینی بؤیرونه وئریب آیاق لاریلا اویناییر، جیران ائله الی بؤیرونده سیلکه له نیب سونرا دا اؤز باشینا فیرلاناندا، آروادلارین ایچیندن بیر جاوان سسلی «جانا جیران

خال!» دئییر، بیر آیریسی دا بولبول فیشى چالیر. کیشی لر ال چالیب های هارای سالیرلار، ایرج ده قالخیر، یاغلانمیش باشی پارپار پاریلدایارق چیراغی سؤندورولموش اوتاغا ساری اؤپوش توللاییر، لؤک دوداق ایرجه باخراق باشینی توولاییب اوجادان دئییر:

«گوریم ددون ایتنن قول-بوین اولسین اوشاغ-موشاغا آراغ وئرن!»

مَحی نین «ائح ائح ائح ایی ائح ائح ایی» ائتمه سی قاوزانیر، یئنی یئتمه لرین او بیرسی، آغ ساری کؤینک گئیهنی، مَحی نین گولمه سینى یانسیلاییب مَحی کیمی گولور، دؤوره-برینده کی لر ده گولور، مَحی اؤزو ده گوله-گوله دؤنوب دالییا باخیر.

جیران قوال هاواسیلا دینگیلدییه-دینگیلدییه اوروفا یاخینلاشیر، قاباغیندا بیراز اوینایاندان سونرا بیردن اوروفون الیندن یاپیشیب قالخیزماق ایسته ییر، جاماعات «هه! هه! هه!» دئییب ال چالیرلار، اوروف دا آیغا قالخیب جیرانلا اویناماغا باشلاییر. شادای آیغا دوروب قیچ لاریندان یاپیشدیغی خوروزو اوروفلا جیرانا ساری قالخیزیب ائندیریر. اوروف اویناماقدان دایانیر، الینی جییینه سالیب پول چیخاردیر، ایکی-اوپونو شادایا ساری توتور، شادای آلماییب «یوخ! یوخ!» دئییر. جابیر گیلان آغاجی نین یاخینیندان، اوتوردوغو یئردن آیغا قالخراق اوجادان «آده شادای! او اوریفی نییه اینجیدیسن، وئر داینا!» دئییر، رسول حیط قاپیسی نین پیله لرینین اوستونده سیگار الینده دوداق آلتی میرتلانا-میرتلانا گوزویله

جابیری آختاریر. اوروف بیر اسکناس دا پول لارین اوستونه قویوب شادایا ساری توتور، شادای دال-دالی گئدیب اوزاقلاشارکن «اوریف عمی بونا وئرمم واللاه» دئییر، اوروف شادایا ساری ایره لیله ییب دومبوزونو اونون سینه سینه وورور، خوروز بیر-ایکی یول قاناد چالیر. بیری اوجادان «آده شادای! های شادای!» دئییه سسله ییر، شادای دالداکی سیرالارا باخیر، ناصیر آیاق اوسته دوروب دئییر: «به بالا بیز گئجه خوریز شورباسی یییه جوی آخی!» بیر چال باش سورمه رنگلی کوت شالوارلی شادایا دئییلن بو سؤزه گوله-گوله، آروادلار اولان اوتاغین قباغینداکی کردی نین یاخینیندا، اوتوردوغو صندلن قالخیر، الینی جیبینه سالیب پول چیخاردارکن شادایا ساری گلیر. اوروف اوینامایا کسبب اونا ساری گئدیر، سورمه رنگلی کوت شالوارلی نین قول لاریندان توتاراق «یوخ! یوخ! سن گه بئله، سنن لاپ چوخ ایستر بی کؤپئی اوغلی نین دؤلی^۱» دئییب چیبین لرینی اوینادا-اوینادا سورمه رنگلی کوت شالوارلی اورتا بوی کیشینی اوتوردوغو یئره دوغرو یولا سالیب. ریحان اوروفو اوینامایا نین دالینی توتما سینا ماراقلی گؤرجه یین، یاخینا گلیب، قوالی اوسته قاوزاییب هاوالاندیریر، آشیق ممی ده جیران چالیدیغی هاوایلا قوالینی دینقیلداداراق آیاغا قالخیر، جاماعات های هارای سالیب «ساغول آشیق» زاد دئییرلر، قوال هاواسیلا ال چالیرلار.

^۱ دؤل: توره مه، نسل، نژاد.

شادای جیرانا یاخینلاشیب یاواشجاسینا «اؤزی وئرمیر هئچ، وئره نی ده قویمیر!» دئییر، جیران دا اوینایا-اوینایا شادایین سؤزوننه گولومسه ییر.

اوروف اوینایا-اوینایا جیرانلا شادایا ساری گلیر، عیبا «آقای شیریی! آقای شیریی!» دئییب اوروفو چاگیریر، اوروف عیبایا ساری دؤنور. عیبا پیلله لرین اوستونده کی الینده پول توتوموش، اورتاسی آغ، قیراغی ساری کلایاغی اؤرتن بنفش کؤینکلی قوجا آروادی اوروفا گؤرسه دیر. اوروف گئدیپ پیلله لردن قالخیر، قوجانین الیندن اؤپندن سونرا پولو آلیر، اوینایا-اوینایا پیلله لردن ائنیب حیطه قاییدیر. جیرانلا ریحان دا گئدیپ قوجادان شاباش آلیرلار، قوجا قاییدیب گئدیر، شادای «حاجی منسی! های حاجی منسی!» دئییب چاگیریر. قوجا دؤنوب باخیر، شادای ایره لی گئدیپ دئییر:

«به منه شاباش وئرمیسن؟»

حاجی منسی قولاق آسماییب گئدیر، شادای خیط اولوب خوروز قوجاغیندا صندلینه ساری قاییداندا، بیرینین اوجادان «های شادای!» دئمه سی ائشیدیلیر. شادای حیطین آشاغیسینا، سس گلن یئره باخیر، ریضا الینی شادایا دبرده رک «اوینایئ، اوینا!» دئییب دار کئچه جه یه چیخیر، سرعتله شادایا ساری گله-گله الینی جیبینه سالیر، چیخاردیغی پولو شادایا وئیریر. هامی ال چالیب «ساغول ریضا! ساغول ریضا!» زاد دئییرلر، ریضا قاییدیب دار

کئچه جکدن گئدیب سیرایا کئچجه یین سیراداکی لار ال چالیرلار، اؤز سندلینه یاخینلاشاندا دا، نادیرله چؤپ بویون آیاغینا دورورلار. ریضا «آده اوتوروزئی، اده بویروزئی» دئییب اوتورماق ایسته ینده آراز آیاغا قالخیر، قاباقجا استکانا بوشالیدیب حاضرلادیغی آراغی ریضایا وئریر، ریضا «چوخ ساغول سنی آراز، ابلفضلی کیشی آدامسان!» دئییب استکان الینده اوتورور. حجت بیر آیری آدمی شاباش وئرمه یه چاغیریر، هامی ال چالیر، قارمانچی ال چالما هایینا بنزر قارمانیدان سس چیخاردیر، بیری ریضا گیلین قاباغینداکی سیرانین دار کئچه جیه چاتا جاغیندان آیاغا قالخیر، قولتوغونداکی چلیکله یاواش-یاواش قاباغا ساری گئدیر، ریضا اوجادان «اسمایل! بینی ویریرام سنون سالیغووا» دئییر، چلیکلی دؤنوب گولومسه یرک باخیب «ساغول ریضا!» دئینده، ریضا استکانی باشینا چکیر. تویداکی لارین چوخو دالییا دؤنورلر، اسماعیل چلیکی موزاییک لرین اوستونه قویوب قاباغا گلیر، ماشی گیلین سیراسینا یاخینلاشاندا، گؤزلری ات ایچینده ایتمیش اوجادان دئییر: «اسمایل! ماشاللا یاخجیسان ها!» اسماعیل گؤزو ات ایچینده ایتمیشه باخیب گولومسه یر، ماشی دا دئییر: «آده اسمایل به او کؤپئی اوغلیننان شیکیت ائله مه دون؟»

«یوخئی ماشی، آرواد قویمادی. دئدی بیله-بیله ائله مئب کی!»

ماشى باشینی بوللایا-بوللایا «به‌به! به‌به!» دئییر، جابیر ده اویاندان چیغیریب «ماشى اسماییلین او اوزین قیشدارینا گۆز دیدییی» دئییر، هامی گولور، چالقچی لار باشلاییب بیر هاوانی چالیرلار، اسماعیل یاواش-یاواش بی گیله یاخینلاشیر.

جیران ائوین گیره‌جک پیلله‌لرینین لاپ آشاغی سیندان، ریحان لا اوتوردوغو یئردن الینی قاوزایارق «های شهرام! های شهرام!» دئییب شادایی چاغیریر، شادای ائشیدیب «های بلی!» دئییرکن دوروب الینده خوروز، یئین-یئین جیران گیله ساری گئدیر، پیلله‌له یئتیشنده دئییر: «بلی جیران خالا؟»

«بی قاتیغچی سلمانین نوه‌سی دئییریدی؟»

«کیم؟»

ریحان دئییر: «سنه شاباش وئره‌نی دئییر داینا.»

«هه، ریضانی دئسوز؟»

جیران دئییر: «آدی ریضادی؟»

شادای ایکی‌الی، قاناد چالیب سیلکه‌له‌نن خوروزونون بئلیندن، دؤشوندن توتاراق دئییر: «بیلیمیرم کیمین نوه‌سیدی، آما بینی بیللم فامیلی مولایی دی.»

جیران ریحانا باخیب دئییر: «ائله سلمانین نوه‌سی اولاجاغی، ایرحمتدی باباسی کیمی ده ائله قارا قاش-گۆزدی.» دئییر: «ائله اونین کیمی ده الی آچیغدی!»

شادای گوله-گوله آروادلاردان آیریلیب یئرینه قاییدیر، ریحان بیر قاردون قیرینگیلا اؤزونو یئلله یه رک دئییر: «آلی آچینغیدی کی، اوردان دوردی گلدی قویمادی حیوان اوشاغ خیط اول.» سونرا اؤزونو بالاجا دبردیب آغزینی جیرانین قولاغینا یاپیشدیراراق «حاجی منسی نین ده یولچی لیغین گؤردون دای؟» دئییر. بیر «جیران خالا! ریحان خالا! اینشاللا سوبای لاروزون توپیندا اوینیاغ» دئییه نه ایکسی ده دؤنوب آلتدان باخیب، پیلله لرین اوستونده دوران، بایاق ریضایا ائله ایندیکی دوردوغو یئردن موشامبادا کؤینک وئرن قیرمیزی کلایاغیلینی گؤرجه یین، جیران «باخداور اولسیننار! قوشا قاریسیننار اینشاللاه!»، ریحان دا «باشووا دؤنیم، اوره ییم قوربان!» دئییر.

عیبا سورمه رنگه کوت شالوار گئین چال باشا ساری گلیب الیندن یاپیشاراق «آغا فیروز بویروز» دئییه اویناماغا قالخیزیر، توپداکی لار «هه هه هه، ساغ اولسین آغا فیروزی!» زاد دئینده، فیروز قول لارینی آچاراق بی ایله ساغدیز-سولدوز اوتوردوغو یئره ساری گئدیر، پیلله لرین قاباغیندان کئچنده جیران آیاغا قالخیر، ریحان دا تئز دیزینین اوستونده کی قاوالی بؤیرونه قویوب آیاق اوسته دوراراق الینی آغزینا سالیب فیش چالیر، دؤوره سینده کی لر گولوب «هئی... هئی... هئی» ائده رک ال چالیرلار. بی فیروزون اونلارا ساری گلمه سینا سئزجه یین آیاغا قالخیر، اوستونه گول

قويولموش، يئكە ميس مژمئيدە رنگ بە رنگ ميوەلەر، گوموش شمع قابىندا يانار شمع لار قويولموش ديزلر يىندن آچاق اولان ميزلە سولدوزون آراسىندان سوووشوب اونا سارى گئدير. بى ايله سورمه رنگدە كوت شالوار گئىن چال باش، بىر-بىرلر يىنە يئتيشجە يىن بى آيلىب يىندن اۋپور، چالقيچى لار هاوانى دىيشىب، تويدا كى لار يىن يىن-يىن ال چال يىب فىش چال دىق لار يىنا بنزىر هاوا يلا ساز لار يىنى سسلندىر يىرلەر، بى ايله اورتا بوى چال باش كىشى قوجا قلاش يىب اۋپوشورلەر. عىبا «آلاه بو ددە-بالانى بىر-بىرىنە بىننان دا محبتدى ائلە سىن!» دىيىر، هامى ال چال يىر، شاداي يىرىن دىن دوروب يىندە توتدوغو خوروزو او يىنادا-او يىنادا بى ايله آتاسىنا سارى گئدير. عىبا گىل بىن آتاسىنى، او يىنماق باشارماسا دا ال-قولونو دىرتمكلە او يىنماغا چال يىشان آتاسىنى، آرالار يىنا آلىب گولە-گولە ال چال يىرلەر، اوروف دا ال چالا-چالا بىن آتاسى نىن دۋورە سىنى آلان لارا سارى گل يىر، شاداي بىن يان يىندا دورجاغىن خوروزو او جادان بانلا يىر، تويدا كى لار گولوشورلەر، اوروف دا آچىقلا خوروزو سارى باخ يىب «باشىما دۋنە سن، اىندى باشو كسرم گۋررسن!» دىيىب او جادان بانلا ياراق خوروزو يانسىلا يىر، جاماعات قىر يىل يىر گولمكدن. رىضان يىن او جادان «بىنى اىچىرم اور يىف عمى نىن سالىغىنا!» دىمەسى ائشىدىلندە، جاماعات گولە-گولە دۋنوب رىضاي سارى باخ يىرلەر، اوروف دا باخ يىب ال قاوزا يىر، رىضا آراز يىن يىندن بونا سارى توتدوغو

خيارى آليب «ساغول!» دئييب ديشله يير. آراز «قوى گوريم دوز هاردادى؟» دئيه رك اورا- بورا باخير، ريزا «آده دوزى نئينيرمى!» دئييب خيارا بير ديش ده وورور. قيز ممي نين نوهسى الينده دوز قابينى اوزاديب «گالا دوزدا!» دئيير، ريزا تئز ايكي- اوچ ديش ده ووروب خارتاخارتلا يئيه رك، خيارين گوئونو قيز ممي نين نوهسینه سارى آپارير، آغزى دولو اولدوغونا گوره «دوزى بينا سپ!» كيمي بير سؤزو لوغالا يير. قيز ممي نين نوهسى «گتى اؤز گوئووه دوز ويريمى بالا» دئيير، آراز گولور، ريزا «بالا شيت گوت اوره يو قالخيزيز؟» دئييب چوخ اوجادان دا گولور. نادير گيلين يانيندا اوتوران لارلا، نادير گيلين قاباق لارينداكى سيرادا اوتوران لارين ايكيسى- اوچو، ريزانين قيز ممي نين نوهسینه دئديينه، هم ده اوجادان گولمه سینه دؤنوب دالييا باخيرلار، بير سئيرك توكلو اوزون خط باشيليسى دا دئيير: «ريزا دييه سن گئنه ده اونى- ميني اينجيدمه يى باشدادونى!»

«دوغيردان؟»

«قارداش جانى!»

ريزا الينى آرازا اوزاديب «دوغيردان ساغول آراز، اؤلوهه ايرحمت، آراغ كى دوز اولدى بئله اولور داي!» دئيير، آراز دا اليله قولاغى نين اوستونو آلميش ساچينى تومارلا ياراق گولومسه يه- گولومسه يه دئيير: «آده صاديفى ساغولسينى، منى يوخ!» ريزا «گور آراغ نه

آراغىمىشسا، ميرتېزىن بۇۋە باباسىن ائله گۆت-باش ائىلب داي...»
 دئىب گولور، گولمەسىنى كسندن سونرا دا دئىر: «دوغىردان
 ھىش بىلمىدېم ميرتېزىن بۇۋە باباسى قالير!» آراز «اۋز دە بتر
 ايستەمەلى قوجادى، دوز فىلىم لردەكى قوجالار كىمى...» دئىندە،
 قىز مىنىن نەسى آياغا قالخىر، آراز اونا باخا-باخا سۆزونون
 دالىنى توتوب «...آغ ساققال، آغ عاراغچىن، آغ كۆينى، قارا
 جىلىققا» دا دئىندە، قىز مىنىن نەسى قباغىندان كىچمك
 ايستەيىر، آراز دئىر: «بە ھارا مەندىس؟»
 «گئدىر ياتام.»

آرازلا رىضا اوجدان گولوب قاباق لارىندا اوتوران لار دۇنوب باخىرلار،
 آراز دئىر: «بە ايشمىس؟» قىز مىنىن نەسى سوووشا-سوووشا،
 رىضايا باخا-باخا دئىر: «مزاھىم اولمىرامى!» رىضا آياغا قالخىر،
 قىز مىنىن نەسىنى قوجا قلايىب «آدام دا بى و دە توپدان گئدر؟
 اده قىت گئد اوتى يىروندهيى» دئىر ك الينى قىز مىنىن
 نەسىنىن كورەيىنە قويوب اوتوردوغو يىرە سارى قايتارىر. رىضا
 گىلىن قاباق لارىنداكى سىرادا، حىطين اورتاسىنا سارىكى لارىن
 ايكىسى-اوجو آياغا قالخىر، بىين آتاسىنا شاباش وئرن لرىن دالىجا
 اوينانيلان يىرە سارى گئدىرلر، آراز ايندى يىرىندە اوتوران قىز
 مىنىن نەسىنىن سورشور:
 «استكانون وار؟»

قىز مىمى نىن نوهسى «يوخىمدى، يوخ» دئىيب سونرا اليبه آغاجىن دىيىندەكى استكانى گۆرسەدەرك دئىير: «ئىنىيە جى ائله اۋزونكىندە وئر.» آراز آغاجىن دىيىنە باخىب گولومسەيرك دئىير: «يوخى!» اىلىب استكانىن گۆتوروب قىز مىمى نىن نوهسىنە سارى توتوب دئىير: «اوندا بى زحمت آپار ياخالا گتى!» قىز مىمى نىن نوهسى «آدە تۆكى» دئىيرك استكانى آلماق ايستەيندە، آراز گولە-گولە تئز استكانىنى دالى چكىر. گۆزۈ بو چكىش-بركىشە قالىب گولومسەين رىضا، الينى قىز مىمى نىن نوهسىنە اۋلچە-اۋلچە «قارداش بە دو گئد اۋزووه استكان تاپ گتى دايىنا!» دئىيب، ياواشجاسىنا دا لوغلايىب دئىير: «پوخ يىين ايتىن قاشىغى بئلىندە اولارا!» نادىر دۇنوب باخىب گولور، سونرا دا چۆپ بويونا «گئدەيون!» دئىيب آياغا قالخىر، قىز مىمى نىن نوهسى رىضايى سارى باشىنى اوزايدىب كرزله نەرك^۱ دئىير:

«نە دئدون؟»

رىضا «دئدىم آراغ ايچەنىن استكانى بئلىندە اولار» دئجەيىن، نادىر گولمەسىنى ساخالايى بىلمەيىب اوجادان گولور، چۆپ بويون دۇنوب قىز مىمى نىن نوهسىنە دئىير: «آدە سلىمان نىيە اوتىرىيسان؟ دو باس قولاغى نىن دىيىنەيى!» نادىر قاشقاباق تۆكوب «آدە آز دانىشى!» دئىيرك ياواشجاسىنا چۆپ بويونا دومسوك وورور، رىضا

^۱ كرزلىمك: غورولا دانىشماق.

گیله ده دئییر: «به بالا گلمیسوز؟» چالقچی لارین سوموکلره
 دوشن یئنی هاوالاری سسلنیر، ریضا چییین لرینی اوینادا-اوینادا
 آیاغا دورور، قیز ممی نین نوه سینین بوینونو اوزادیب «هوی! ساری
 ندیرین نوه سی، سنننه می!» دئمه سینه قولاق آسمادان ائله
 چییین لرینی اوینادا-اوینادا، دیلی نین آلتیندا دا «راد دیری دارای...
 را را رای» دئییب میز یلدا یا-میز یلدا یا الینی شالوار جیبینه سالیب
 پول لارینی چیخاردیر، بونا گولومسه ییب، بوغونون اوجونو
 بارماق لاریلا اوووشدور اراق بونا گۆز قویان نادیره پول لارینی سایا-
 سایا باخیب شینه ییر، پول لارینی جیبینه قویاندان سونرا، آغزینی
 نادیرین قولاغینا یاخینلاشدیریب بیر سۆز دئیهرک گولمکدن
 سیلکه لنیر. قیز ممی نین نوه سی الینی ریضایا اوزادیب «آده بی بیرا
 باخی؟» دئییب، ریضا دا دؤنوب باخاندا دئییر: «دوریب او پوخلی
 قاشیغی آغ گۆتووه سوخارام ها» دؤوره ده کی لر گولوشور، نادیر
 «ریضا هامی بیلیرا گۆتون نه ایریده!» دئییب اوجادان قاقاناقلا ییر،
 آراز دا ایچینی چکیر، چۆپ بو یون دئییر: «یاخجی دای گلون.» آراز
 صندلی نین سؤیکه نه جه ییندن آسلا دیغی کوتو گۆتوروب گئیمک
 ایسته ینده ریضا دئییر:

«آده کوتی نئینیسن؟» دئییر: «قوی قالسینی!» سونرا دا الینی آراز
 ساری توتوب دئییر: «تئز اول گه!»

آراز کوتونو قايتاريب گؤتوردويو يئردن آسلاماق ايسته ينده، قيز ممي نين نوه سي «وئر من آسدئيم سن گئت» دئييب کوتو آرازدان آلير، ريزايلا آراز دوروب ايكي سيرانين آراسيلا گنديب دار كئچه جيه كئچيرلر.

قيز ممي نين نوه سي آرازين کوتونو ياواش-ياواش، سلقئيله سؤيکه نه جكدن آسلايير، سونرا اورا-بورا باخيب صندلينده اوتورور، اوتوردوغو يئردن بيين آتاسيني گؤرمه دن اويون ميداني نين دؤوره سينه توپلاشيب ال لرينده پول توتان جاوان لارا، اورتا ياشلى لارا باخير، سونرا آرازين کوتونون چيييننده بير يارپاق گؤرور، يارپاغى گؤتورور، کوتون چييينيني چيرتما ايلا تميزله يير، سونرا يارپاغا باخير، باشيني قاوازييب ألما آغاجينا باخير، باخيب-باخيب يئرinden قالخير، آغاجين اوچ-دؤرد اولوشگه ميش، بوزوشموش يارپاغيني قوپارديب گئنه يئرینده اوتوروب اينده كي يارپاق لارا دقتله باخير. قارمانچي يلا قاوالچي ائله باياقدان چالديق لاري ياواش ريتملى بير هاوانى چاليرلار، گاهدان عيبانين «اؤز تويزدا!»، «سوباي لاروزون تويندا!» دئمه سي، گاهدان دا گولوب قاققيلداماسي اوجالير. آرازلا ريزا، يان لاريندا كي ايكي-اوچ آداملا دانيشا-دانيشا، گوله-گوله يئرلرينه ساري قايديرلار.

آراز دبه دن استكانا آراغ توكوب وئرير قيز ممي نين نوه سينه، قيز ممي نين نوه سي آراز باخيب «سنون ساليغووا!» دئييب ايچير، آراز

آيىلىب مزە موشامباسىندان بىر خىيار گۆتۈروب اونا سارى توتاندا او، خىيارى المادان آراز باخىر، سونرا اورا-بورا باخىب رىضانىن باشى نادىرلە دانىشىب گولمە يە قال اولماسىنا، بونو گۆرمە دىيىنە امين اولاراق تئز باشىنى آپارىب «يامان قشئسن دايىنا!» دئىەرک آرازىن ياناغىندان اۋپور، يىندن خىيارى آلىب دووارىن دىيىنە قويدوغو دوز قابىيلا دوز سىپب يئىندە نادىرلە رىضا اوجادان گولورلر، سونرا رىضا اليله آرازى گۆرسەدەرک دئىير: «نە بىلىم، بى دئىر باخ!» آراز گولومسەيرک دئىير: «نە يى؟» رىضا «مىرتىضىن باباسىنا آراغ وئرمە يوزى دئىرم ايناممىر!» دئىيب سونرا توت ماوى كراواتىنى بويوندا يئربە يئر ائلە يەرک دئىير: «اۋزون دئدون داي؟»

«ادە داي هاممىيا دئمە كى!»

رىضا الينى نادىرىن قولونا وورا-وورا دئىير: «ادە نادىر اۋزىمىزىنكىدىيى!»

آراز دئىير: «بىز ايسدەمىردوى كى وئرى!»

رىضا آراز باخىر، گولە-گولە «اوندا زورنان آلدى ايشدى؟» دئىير، سونرا آيىلىب آغاجىن دىيىندن استكانىن گۆتۈروب آراز سارى توتوب، گئنه دە دئىير:

«هە؟ زوررادى سىزى؟»

آراز «دئدى بالا او ندى؟ دىبەنى گۆرستدى!» دئىيب آيىلىب دىبەنى يئردن گۆتۈروب، دىزىنىن اوستوندا قاپاغىنى آچىر. رىضا دىبەنى

نادیره گۆرسه ده رک گوله-گوله «بی دبه نی باخ!» دئییر، آراز استکانینا آراغ تۆکنده ده «به سن دبه نی بی شئیه قویمامیشدون؟» دئییه سوروشور، باشینی توولایا-توولایا قولونو سندلی نین سؤیکه نه جیینه قویوب گولومسهرک بونلارا باخان نادیره آرازی گۆرسه دیب دئییر: «آده بی لاپ گیژ ممودیئی!»

قیز ممی نین نوه سی «ساغول آراز!» دئییب استکانی آراز وئریر، آراز «سنی ده ساغول!» دئیهرک استکانی آلیر، باشینی ریضایا دؤنده ریب دئییر: «آخی میرتیض دئدی قوی گۆریم صادیغین آراغی گئنه ده قاباغکی لار کیمیدی؟» ریضا الینده کی استکانی بورنونو ساری آپاریر، گۆزلرینی یومور، درین نفس چکیب باشینی یاواشجاسینا توولاییب «به به! به به! ساغول آراز، دوغیردان ساغول!» دئییر، آراز گولور، سس سیز گولوب ایچینی چکندن سونرا، باشینی نادیره ساری اوزادیب یاواشجاسینا دئییر:

«دئدیم معده درمانیدی. دئدیم بؤوه ننه مین معده سی آغریر اونا آپاررام!»

ریضا استکانی بالاجا قاووزاییب نادیرله آراز «سالیغوز!» دئییر، آرازلا نادیر ده «ساغول! ساغول!» دئینده، استکانی باشینا چکیب آغزینی بوزور، الینی یئرده کی موشامبایا آپاریب بیر خیار گۆتوروب دیشله ییر. آراز ایچینی چکه-چکه گولوب «بئناوا کیشی دئدی ائله منیم ده معده م آغرییر، بیياز دا وئر من ایچیم...» دئییب گولمکدن

سۆزونون دالىنى توتا بىلمەيىب، باشىنى آپارىب آغاچا ياپىشدىرير،
 اليىلە گۆزلىرىنىن ياشىنى سيلير، نادير دئير: «باغىشدا، باغىشدا،
 سن دئدون معدە درمانيدى؟» آراز گولە-گولە باشىنى آشاغى
 دبرديب دئير: «هه! دئديم معدە درمانيدى. دئديم بۇۋە ننه مه
 آپارىرام» دئيب گئنه ده گولوب اؤزوندىن چىخير، چۇپ بويون
 دؤنوب دئير: «بالا هله بى دئن، سورا گول دايىنا!» آراز گولە-گولە
 دئير: «هله ائشيتمه ليسى دالدادى!» نادير سوروشور: «كئفلندى؟»
 آراز باشىنى توولايىب گئنه گولور، سونرا دئير: «بيليسن نه
 قيردى؟» نادير دئير: «نه قيردى؟»

آراز گولوب گولوب باشىن ناديره ياخىنلاشدىرىب «دئدى بالا منيم
 نامازيم قالير، دوردى نامازا...» دئيب گولوب، رىضا دا گولنده
 عىبانين بلندگودان «آقاي آراز عليزاده تشرىف گسسىن اويناسين»
 دئمه سى اوجالير، نادير قالخير آياغا، اوجادان «عيبا ايجازه وئرسون،
 بى دىقىيا گلسىن» دئيب اوتورور.

«ياخجى داي! آرازى بى دىقا گۆزده مه يه نه وارا!»

هامى ساكيت اولور، بعضى لرى ده دؤنوب دالىيا باخىرلار، اسرايىل
 آياغا قالخير، دؤنوب اونلارا باخاراق دئير: «آيه سيزده آلا الهى
 يوخدى ها، خبريميز اولماز اوردا بى پوخ زاد چىخاردارسوز!» رىضا
 گولومسه يرک الينى اسرايىلا قاوازيير، نادير ده آراز دئير: «سورا؟
 سورا نولدى؟»

«دوردی نامازا. سورا نامازی پارا قویدی. گلدی اوتدی بیزیم
 یانیمیزدا، سورا آغلادی...»
 نادیر دئییر: «آغلادی؟»
 «بئناوا نئجه ظلوم-ظلوم آغلتردی... آغلادی. سورا منه دئدی
 سنون زلیخا ننؤؤ یامان چوخ ایستئردیم!»
 نادیر الینی آراز اوزاداراق دئییر:
 «دوغیردان؟»

آراز «هه! هه!» دئییب باشینی نئچه یول ساغ-سولا آپاریر، نادیر
 اوجادان قاققیلدا ییب ال لرینی بیر-بیرینه وورور، عیبانین بلندگودان
 «آراز بی دیقانی کئچدی ها!» دئمه سی قاوزانیر، نادیر اوجادان
 «عیبا گلدی، گلدی!» دئییب دؤنوب آراز دا دئییر: «یاخجی دای
 دو آیغا.» آراز آیغا قالخیر، اسراییل دؤنوب «آیه آراز تئز اول گه
 داینا»، عیبا دا «باشووا دؤنوم سنون آقای علیزاده گه! تئز گه!»
 دئییر. آراز کوتونو گئییب یاواش-یاواش چاغیریلدیغی یئره ساری
 گئدیر، ماشی آیاق اوسته قالخیب آراز ساری الینی قاوزاییب «هاوو
 دئی، هاوو!» دئییر، تویداکی لار گولوشور. سجادلا یشم رنگلی
 کوت شالوارلی ال لرینی قالخیزیب اوجادان «لزگی! لزگی!» دئییرلر،
 یئنی یئتمه لر دئییرلر: «یوخ! لزگی یوخ!» دئییرلر: «واغزالی!
 واغزالی!» اسراییل یئنی یئتمه لری «واغزالی واغزالی» دئمکله

يانسىلايىر، سونرا آرازى اوجادان «آيه آراز! ھى آراز!» دئيه
 سىلەيىر، آراز دا دۇنوب باخاندا گولە-گولە دئىير:
 «نردووان ھشىمىن نولرى دئىيلر لىزگى اويناھا!»
 سجاد ىشم رنگلى كوتشالوارلىيا «دلى شىطان دئىر دو باس
 قولاغى نىن دىيىنە!» دئىيب سونرا قاباغىنداكى لىتر يارىملىق سو
 قابىندان الىندەكى استكانا آراغ تۇكندە، گون باش تىز الىنى
 چىيىنە قويوب دئىير: «آدە سجاد داي بسدى!» سجاد گون باشا
 باخمادان «جلالا وئىرەمى!» دئىيب الىنى جلالىن چىيىنە قويوب
 استكانى جلالا وئىر، جلال «آى سون توى پىلوو يىم!» دئىرەك
 استكانى آلير، سجاد قولاما دا دئىير: «قولى سە دە وئىرە جىم ھا!»
 سارماشىقلى دووارا سارىكى قوناق لارىن ياسمن رنگلى كۇبىنكىلىسى
 يىرىندىن قالخىر، آشا-آشا اوينايلان يىرە سارى گىدىر، ساغدیزىن
 ال قاوزاماسىنى، «ياللا صابىر» دئمەسىنى گۇرمەيىب ائشىتمەدن
 چالقىچى لارا سارى گىدە-گىدە الىنى جىيىنە سالىب چوخلو پول
 چىخاردىر، پول لارى اونلارىن قاباق لارىنداكى مىزىن اوستونە
 سپەرك ياواشجاسىنا قارا آرىق قاولچىيا «آشىغ مىمى باخ! چوخى
 سىندى ھا...» دئىيب قوجانىن اوزوندن اۇپور، سونرا آرازى اونلارا
 گۇرسەدەرك دىلى توتار-توتماز اوجادان دئىير: «من بىلىرم او نە
 اوينىياجاغ، ياخجى چالون، ياخجى چالسوز گىنە دە پىل
 وئىرە جىم.» شاداي خوروزو الىندە قاوزايىب-يىندىرەكن اوجادان

«صابیر عمی بی پیل دا وئر...» دئجه یین، صابیر اوتوران لارا ساری دؤنوب «آده عمی من دره می...» دئییب سونرا الیله ایمانی گؤرسه ده رک دئییر: «...بی داها باخ عمی ایماندی!» جاماعات گولور، رحیم لاپ اوغونوب گئدیر، ایمان آجیقلا رحیمه باخیب باشین بوللاییر، جاماعاتین گولمه سی کسیندن سونرا، صابیر آرازا دئییر:

«نیه دوریبسان؟ به اوینا دای!»

اسراییل اوجادان دئییر:

«حیوان اوشاغ سننن قورخیر آخی!»

صابیر «سنون جدی آبادون منیم مئییدیمنن قورخاندان...» نی دئییب، دؤنوب الیله آرازی گؤرسه ده رک «... بو گؤزلییده اوشاغ گل سین مننن قوخماسینی» دئجه یین هامی گولور، محی «ائح ائح ائح ایی...» ائده رک آیاغا قالخیب صابیره ساری الینی دبردیر، میثم اوجادان «های صابیر! های صابیر!» دئییب صابیری چاغیریر، صابیر میثمه ساری باخیر، میثم محی نی گؤرسه ده رک دئییر:

«بیلیسن محی نه دئییر؟»

«آده او پوخ بئین نه دییه جی آخی؟»

جاماعات گولوشور، بعضی لری ده ال چالیرلار، عیبا گوله رک محی گیله ساری باخیب، صابیره یاخینلاشیب، الینی صابیرین قولونا قویوب دئییر: «آقا صابیر، ایجازه وار آراز باشداسین!» صابیر دؤنوب

عیبایا آلتدان یوخارییا باخیر، «هاواسین دئمئب کی اوینییا!»، سونرا آرازا دا «هئله دَییر آراز؟» دئییب سوروشور، آراز «هئله دی آقا صابیر!» دئییب، دالیجا دا «سیز نه هاوا بویروسوز او هاوا اوینییا جیيام» دئییه عیبایا باخیب گۆز وورور. صابیر «صبوحانی اوینا» دئجه یین گئنه جاماعات گولور، عیبانین الندن میکروفونو آلیب «نییه گولوسوز باخ؟ ائششه یین...، استفوروللاها... قولاغی زادی گول آچیب؟» دئییر، گئنه ده هامی اوجادان گولور، نئچه سی آغیز-آغیزا وئریب اوجادان «صبوحا! صبوحا!» دئییرلر، چالقچی لار باشلا ییب چالیرلار. حجت عیبایا هیم ائله ییب میکروفونو ایسته دیینی بیلدیریر، عیبا یاواشدان صابیره بیر سۆز دئییب الینی میکروفونا آپارندا، صابیر میکروفونو چکیب دیرسه یینی عیبانین سینه سینه ووروب «آلو چک آینه!» دئییب میکروفونو آغزینا توتوب «انصافسیز! وجدانسیز... صبوحا...» نی اوخویاندا، جاماعات قیریلیر گولمکدن، سونرا اوخویا-اوخویا آرازا ساری دؤنور، باشین دا صبوحا هاواسیلا سیلکه له ییر. آراز قول لارینی یالاندان ترپه دیب گولومسه یه-گولومسه یه «صبوحا» هاواسیلا اویناییر، گئنه ده مَحی نین «ئح ائح ائح ایی ائح ائح ایی» ائتمه سی قاوانیر. صابیر اوخوماسینی کسپ مَحی یه باخیر، سونرا عیبایا «عیبا! بی پوخ بئینی آت چؤله داینا، گؤریسن سیچیر خالخن تویین ایچینه» دئییر، مَحی گئنه ده گولور، عیبا «بی ده گولسه جرمه آلاجیام!»

دئییر، هامی هایلا ال چالیر، صابیر گولومسه یرک باشینی ترپه دیر، گئنه مَحی نین گولمه سی هاوالانیر، عیبا ایره لیله ییب مَحی یه ساری باخیر، صابیر دئییر: «یاخجی دای عیبا، یئری جرمنی آل!» مَحی گولمه سینی کسیر، عیبا صابیره دئییر: «آغا صابیر ایجازه وئرسون بی سئرینی باغیشدیباغ!» صابیر قول لارینی آچیر، باشینی ترپه ده رک اوینانیلان یئری بیر دؤور وورور، سونرا اوزونو حیطه ساری توتوب «رحمت تنز اول منه بی یئکه ایستیکان دولدیر گتی» دئییر، سونرا گئنه آراز ساری دؤنوب اوخوماسینین دالینی توتور، «صبحا» نی چکنده اؤسکورور. عیبا تنز چالقچی لارین میزی نین اوستونده کی اوخویانین داغ سو اولاجاق استکانین گؤتوروب صابیره ساری قاچیردیر، صابیر یکی-اوج قورتوم ایچندن سونرا، عیبا استکانی قایتاریب آپاریب میزین اوستونه قویور. حجت آشیق ممی یه باخراق داغ سویون قالانینی آجیقلا قاباق لاریندا کی کردییه توللاییر، آشیق ممی باشینی اوسته ترپه ده رک یاواشدان «نئینه یی!» دئییر. صابیر صبحانین دالیسینی توتور، قارمانچی هاوانی جیددی توتماییب باشدان ائله دی چالیر، صابیر اوخوماقدان دورور، اونا آیری-آیری، آجیقلا باخراق «به نییه بئله چالیسان؟ به پیل وئرمه دیم؟ بلکه گئنه پیل ایستئیسن؟» دئییب اونلارا ساری گئدیر، ال لرینی جیب لرینه سالیب پول آختاراندا، جابیر یئریندن قالخیب اوجادان دئییر: «صابیر به پیلو نییه کوررئسان؟ باخ صاباح

پىشمان اولاجاغسانا!» صابىر جابىرىن سۇزۇنە قولاق وئرمەدن بانك كارتىنى چىخاردىب اليندە توتور، دۇنوب بىر آراز، بىر دە عىبايا باخىب دئىير: «عىبا كارت خوانون وار؟» جاماعات اوجادان گولور، صابىر آغزىنى ميكروفونا توتوب چىغىيرىر: «ھى عادىل؟ ھى عادىل؟ يورقان-دۇشى كومودىنا پىل قويمىشام، نەم ايرىمىدىين دۇشەيىن آراسىنا. تىز اول دو اولارىن ھامىسىن گۆتى گتى بىرا.» سونرا دئىير: «رحمت! بە آراغ نىچ اولدى؟» ساغدىز يىرىندن قالخىب يىيىن-يىيىن قاباغا گلير، صابىرىن دالىندان ايكى اليله حىطدە اوتوران لارىن نە ھانسىنا، بلكە دە صابىر چاغىردىغى رحمتە، «گتىرمە»نى، سسىنى چىخارتىمادان ھىمەلە بىلىندىرمەك اىستەيىر. صابىرىن دىل-دوداغى توتار-توتماز صبوحانى اوخوبور، ھالى اولمادان «انصافسىز، وجدانسىز»ى نىچە يول اۇيوروب-چئويرىر^۱، سسى ياواشلاشىر، جاماعات گىنە ھايلا گولوب بعضىسى دە «صبوحا»نى چكىر. صابىر ساكىت اولوب باشىنى آشاغى سالير، قول لارى يانىنا دوشور. عىبا تىز آروادلار اولان اوتاغىن قاباغىنداكى كرىدىنىن يانىنا قويولان، باياق اۇزو اوتوردوغو سىندلى گۆتوروب گتىرىر، صابىرىن قىچ لارىنا سۇيكەيىر، الينى چىيىنە قويوب ياواشدان دئىير: «صابىر باشووا دۇنىم اوتى.» صابىر اوتورور. اوتورجاغىن دا خورولتوسو ميكروفونا دوشور، ھامى گولور، عىبا دا

^۱ اۇيوروب-چئويرمەك: اوبان-بويان ائلمەك.

گولمه سینین قاباغینی آلیب گیزلتسه ده، چیین لرینین اویناماسینی گیزله ده بیلمه دن یاواش-یاواش، گۆزله یه-گۆزله یه میکروفونو الیندن آلیب اوخویانا ساری قاچیردیر. جاماعات گولور، مَحی نین گولمه سی لاپ اوجالاندا، صابیر گۆزونو آچیب الینی بالاجا قالخیزیب یاواشجاسینا دئییر: «عیبا، یئری جَرمو آل، او پوخ بئیین گئنه گولدی باخ!» عیبا تویداکی لارین چوخو کیمی صابیرین دئدییینی ائشیتمه دن تئز آراز ساری گلیر، یاواش دان «هاوو دئ بالا» دئییر، آراز «لزگی» دئجه یین چالقچی لارا ساری قاچیب «لزگی چالون» دئییر. حجت میکروفونو باغلایب آحیقا صابیره باخیب، آغیز-بورونو قیریشدیراراق میزین اوستونه قویور. چالقچی لار چالماغا باشلاجاغین سجادین دا اوجادان «هه! هه!» دئمه سی قاوازانجاغین، آراز قول لارینی آچیب موزیکین هاواسیلا چالقچی لارین قاباغینا ساری، اوردان دا دؤور ووروب بی ایله ساغدیز-سولدوزا ساری گئدیر. اونلارا باخا-باخا، گولومسه یه-گولومسه یه عیبایا ساری، سونرا دا جاماعاتا ساری گلیر، ایاق لارینی موزیک هاواسیلا دبرده رک بیردن دؤنور، چیراق لاری سؤندورولموش اوتاغین پنجره سیندن باخان لارا، قارانلیقدا کیم اولدوق لاری بیلینمه یین اوجادان گولوب دانیشان لارا، بلکه ده اوغلان لاری، کیشی لری نشانلایب بیر-بیرلرینه گؤرسه دن قیزلارا، آروادلارا اؤپوش آتیب بارماق لاریبلا دا بوزقورد علامتینی توتور.

قىزلار، اروادلار قىيىھا چكىرلر، ال چاليرلار، آراز دا گولومسەيرك
الينى بىر-ايكى يول اوزون ساچلارينا چكىر. ايرج تئز اليندەكى
استكانى يانينداكى آچىق ياشىل كۆينكىلە يە وئرهرك آياغا قالخىر،
ال چالا-چالا «ساغول آراز! ساغول!» دئىير. ماشى يئرئىندن قالخىب
اوينانيلان يئره سارى گئدە-گئدە جيبيىندن دە پول چىخاردىر،
سجادلا يشم رنگلى كوتشالوارلى دورورلار، يئىين-يئىين اونون
داليجا گئدىرلر، اليندە توتدوغو پولو آراز سارى اوزادىب اونون آياق
اويناتما رىتمىيلە دە اوجادان «هه! هه!» دئىن ماشى يا يئتىشىرلر.
گۆن باش باياق «يانىق كرم» هاواسيىلا اويناماق ايستەين، ايندى
دە يانيندا اوتوران ائلە همان على آدى قىرمىزى كۆينك گئىنەنە
«ايندى نەيى وار جيبيىندە اورا داغىدىب گلەجى باخ!» دئىير، او دا
«هەلە بى توتون خىردا ايشدەرىدى» دئىيب اوجادان گولور.
ماشى نىن يانيندا اوتوران لارين ايكىسى-اوچو، هم دە حىطين اورا-
بوراسىندان بىر نەچسەسى دوروب آراز سارى گئدىرلر. نادىر آياغا
قالخىر، دۇنوب رىضانين دىبەدن استكانا آراغ تۇكمەسىنى
گۆرجهيىن، الينى اۇلچوب، باشىنى توولايىب دئىير: «آدە هەلە او
قاشمىر كى!»

رىضا «قوى گۆرىم بى گئجە هاراجان گئدە بىللم!» دئىيب باشىنا
چكمك ايستەيندە، چۆپ بويون الينى رىضايا سارى آپارارق دئىير:
«رىضا! رىضا! رىضا!»

ریضا ال ساخلایب دئییر: «هه؟»

«نولار بی سالیغ وئر، ایچ!»

نادیر چؤپ بویونا دئییر: «آده اوبا دوریر کؤشمه‌یه، گلین گئدیر سیشمه‌یه، سن ده واخ تاپدونئ دییه‌سن!» ریضا الینده استکانی قالدیریپ توی ائوینه ساری اوزاداراق «ایچیرم او گیردکان آغاجیندا سحر-سحر، جوه‌جوه ویران سئرچه‌لرین سالیغینا» دئییب استکانی باشینا چکیر، نادیر چالقچی‌لارین قاباغینداکی کریدده اولان آغاجی ریضایا گؤرسه‌ده‌رک دئییر: «آده او گیرده‌کاندی؟ آرییه دئییر گیرده‌کان!» ریضا گوله-گوله نادیر دئیدی آرییی گؤرسه‌ده‌رک دئییر: «آده بینی دئمیرمئ! دال حیط‌دَرینده‌کین دئیرم.» دئییر: «گؤرمئسن؟» نادیر «یوخ!» دئییب سیرانین آغزینا ساری یثرییه‌رک دئییر: «آده دای گلون داینا، ایندی آراز یوریلیب اویناماغدان دوشر.» ریضا بوینونو اوزادیب دووارین دیبینده اوتوران قیز ممی‌نین نوه‌سینه «سن گلمیسن؟» دئییب آیاغا قالخیر، قیز ممی‌نین نوه‌سی باشینی اوسته آتیپ یاواش‌جاسینا دئییر:

«یوخ!»

ریضا اونا ساری آییلیب یاواش‌جاسینا دئییر: «بیردن یانوندا پیلون

زادون اولمازها!»

«ساغولئ، واریمدی.»

ريضا الينى جىبىنە سالير، بىرى گۆرمەسىن دئىھ اورا-بورا باخىر، سونرا جىبىندىن چىخارتىدىغى اسكناس لارىن ايكىسىنى اونا وئرىب «گە گئدى، گە!» دئىير. رىضايلا قىز مىنى نونەسى سىندل لرىن آراسىندىن سوووشوب، پىللەلرىن حىطە چاتاچاغىندىن حىطىن اورتاسىنا، اوينايانا-اوينايانا شاباش وئرن لره سارى گئىندە، بىرىنىن اوجا سىسلە «او صابىر بىردا؟» دئىمەسى حىط قايسىندىن قالخىر. تويداكى لار تئز سىسە سارى دۇنجه يىن، سارى-قىرمىزى آغ تىشەرت گئىھنى، الين اؤلچە-اؤلچە «ھانى؟ ھاردادى او؟» دئىھنى، پىللەلردىن حىطە ائىھنى گۆرۈرلر. قىز مىنى نونەسى الينى اونون كورەيىنە قويوب «نە اولوب عادىل؟» دئىسە دە، عادىل اونا قولاق آسمايىب، اوينانىلان يئره سارى گئىدە-گئىدە چىغىرىر: «بىردادى او؟» چالقيچى لار چالماقدان دايانىر، آراز اويناماسىنى كسىر، شاباش وئرمەيە گئىدىن لره دە دۇنوب بونا باخاندا، عىبا ساققال توتوب سىرعتلە بونا سارى گلە-گلە دئىير:

«من اۆلىم عادىل!»

«بلىنگونان مىنى چاغىرىدى!»

عىبا «آدە ظارافات ائىلردىيى» دئىيىب گولور، عادىل بىردىن «آدە اوداھايى!» دئىيىب يئىين-يئىين صابىرە سارى گئىدىر، «ياللا عادىل» دئىيىب يانىنى بالاجا قالخىزان ماشى يا الينى اؤلچە-اؤلچە «بە ماشى نىيە قويوردون؟»، گۆزلىرى ات ايچىندە ايتمىشە دە

«گۆزدئيسوز اؤله، گليب دوراسوز مچيدين قاباغيندا؟» دئير، تئز اونلارى سوووشوب گئدير، صندلين اوستونده چنهسى سينه سينه ياپيشان صابيره يئتيشير، الينى صابيرين چينينه قويوب تپردير، صابير گۆزونو آچيب باخاندا دئير:

«أده به بيردا نيه ياتييسان؟»

هامى سس سيزجه سينه، بير جينقيلتى دا چيخارتمادان اونلارا باخيرلار، عاديل صابيرين قولتوغوندان ياپيشيب «دو آيغا، دو!» دئير، صابير اسنه ييب گۆزونو اوغا-اوغا قالخير، عاديل جاماعاتا سارى باخيب «گئنه كيم بينا آراغ وئردى؟» دئير، سونرا دا اوجادان «رحمت!» دئيه رحمتى چاغيرير. بير بسته بوى جاوان سارماشيقلى دووارين ياخينندان دورور، ايكي سيرانين آراسيندان سوووشوب دار كئچه جيه چيخير، ساريا چالان تئلى، آت رنگده كؤينه يى گۆزلره دئنده «عاديل سن اؤل، ننه م روحي دايجا من قويميرديم ايچه، اينامميسان اوداها باخ رامين ن سوريش!» دئير، دئيه-دئيه ده اليله بى گيلي گؤرسه دير. ساغديز دوروب تله سيك عاديله سارى گلير، الينى صابيرين چينينه قويوب دئير: «بى شى اولماز اينشاللا!» عاديل دؤنوب بى گيل اوتوردوق لارى يئر سارى باخيب دئير: «مهدى به منى نيه چاغيرماميشدون؟» بى يئرinden دورور، بوينونو آيه-آيه رحمت گيلين، عاديل گيلين يانينا گلير، عاديله يئتيشيب الينه سورت-سورته دئير: «دئديم زحمته

دوشرسن بىردن! « عادىل اونا آچىقلا باخىب گولومسەيىر، سونرا صابىرىن قولوندان ياپىشىب قاپىيا سارى يولا دوشور، اىكى-اۈچ آددىم گئىدندىن سونرا صابىر بودرەيىر، بالا جا قىچ لارى قاتلانير، عادىل تىز او بىرى اىنى بئلىنە سالير. رحمت سىچرايىب اۈزونو اونلارا يىتتيرىب، اىكى اللى صابىردن ياپىشىر، عىبا اوجادان «قوخمىن! قوخمىن! ھىس زاد اولماز اينشاللا!» دئىيە گلىر، يىتتىشجەيىن دە صابىرىن چىيىن لىرىندىن توتوب «اوزادون! اوزادون!.. كورەيى اوستە يوخ! بۇيرو اوستە! بۇيرو اوستە... ھە بئلە! بئلە!» دئىير. اوروف لا شاداي دا بونلارا سارى گلىرلر، اوروف صابىر گىلە سارى آيلىندە بۇرکو دوشور، شاداي قاناد چاليب سىلكەلەنن خوروزو بىر اىلىندە توتاراق، آيىلىب او بىرى اىيىلە بۇرکو گۇتوروب اوروفا وئىير. تويداكى لارىن چوخو يىرلىرىندىن دوروب ھاي ھاراي سالا-سالا قاباغا ايرەلىلەيندە، عىبا اوجادان دئىير: «باشوزا دۇنىم گلمىن! قادالاروزى آلىم يىغىشمىن بىرا! اوتورون يىروزدە قويون ھاوا گلسين!»

ماشى دئىير:

«عىبا لازىمدىسە زى وىراغ آمىيلانس گلسين؟»

عىبا صابىرىن چىيىنىنى اوغا-اوغا دئىير: «ھە، نىوۋە اىرحمت ماشى! زى وىر، زى وىر گلسين!»

ریضا جاماعاتین ایچیندن «به قویون آراز زَی ویرسین دای» دئییه قاباغا گلیر، آراز تئز ریضایا یاخینلاشیر، یاواشجاسینا دئییر: «من باباما زَی ویرسام به دئمز سن اوردان نه گزیسن؟ سن زَی ویرا!» ریضا «به ائوه دئمئب گلییسن؟» دئییب جیبیندن موبایلینی چیخاردیر، آراز دئییر: «ماماما دئمیشم.»

«یاخجی، شماره سین دئن.»

ماشى الینی اونلارا ساری اوزادیب دئییر: «آده ویریسوز یا اؤزیم ویریم؟»

آراز موبایلیندا باباسی نین شماره سینی آختاریر، ریضا «به بابون شماره سین حیفظدن بیلیمیسن؟» دئییب یانیندا دوران اوروفا باخیب باشینی توولاییر، اوروف گولومسه ییر، آراز باباسینین شماره سینی دئییر.

«الوو... سلام! آخشامون خئیر آقای قادیری. آقای قادیری بی اورژانسی مریضیمیز وار آمیلانس لازیمدی... آپاراغ درمانگاها... من؟ ریضا...»

قیز ممی نین نوه سییله آراز اوردان یاواش-یاواش دال سیرایا ساری گئدنده، بیری چاغیریر: «موهندیس! آغایی موهندیس!» قیز ممی نین نوه سی سسه ساری دؤنجه یین، بارماغی نین بیرینی قالخیزاراق «بی دِیقا موهندیس!» دئییب سیرانین او باشیندان، سارماشیقلی دووارین یانیندان، اونلارا ساری گلن ایمانی گؤرورلر.

باياق آراز تويا گلندە، ماشىنىن ايچىندىن يئكە باشىيلا اوزون قولونو چىخاردىب «آراز! ايندى گلىسن گۆت وئرن؟» دئىن آچىق ماوى كتان كۆينكىلى، اؤزونو ايمانى گۆزلەين لره يئتيرىب ياواشجاسىنا دالدىن آرازىن قولاغىنا «بى شئىن وار؟» دئىير، آراز دؤنوب كتان كۆينكىلىنى گۆرجه يىن «بىي! ياللا عمى اوغلى!» دئىه رك آل وئىر. عمى اوغلى آرازلا آل وئردىن سونرا الينى اوزادىب قىز مىنىن نوهسىيله گۆروشوب، اونون ائوه سارى باخماسىنى، بىر-ايكى آددىم دا اويانا گئتمەسىنى صابىره گۆره نىگرانلىق سانىب اوجادان دئىير: «آده نىگران اولمايئ! اونا هئس زاد گلمز، اونى من تانىرام.» ايمان يئتىشىب قىز مىنىن نوهسىيله گۆروشندە، عمى اوغلو گولە-گولە آراز دئىير: «آده منە باخئ! من دە هله دئىرم بە...» دئىير: «ياخجى يئرى گئدى!»

آراز قىز مىنىن نوهسىيله ايمانىن كئف-احوال ائتمەلرىنە باخاراق اوجادان دئىير: «موهندىس بىز گئددوى اورا.» ايمان گئنه دە الينى قالخىزىب بارماغى نىن بىرىنى گۆرسەدەرك «بى دىقا!» دئىيب، آراز عمى اوغلو يلا آخىر سىرايا سارى گئندە، قىز مىنىن نوهسىنە «موهندىس! سندن بى سۆز سورىشاجىيام» دئىهرك اورا-بورا باخىر، سونرا اليله حىطىن آخىرىنى، چارتلاق دووارىن يانىنى گۆرسەدىب دئىير: «گئدى اودئى باخ اورا، اورا بى آز ساىخىندى...» ايمان الينى قىز مىنىن نوهسىنىن كوره يىنە قويوب گىره جك

پیللہ لره ساری دار کئچہ جکدن گئدیب اسراییل اوتوردوغو سیرانین آغزیندان کئچنده، اسراییل اوجادان «آده سلیمان! گؤزده ها!» دئییب هاهاهای گولور. ایمان دؤنوب اسراییل باخیر، «حئیف دای موهندیس بیردا!..» دئیهرک قیز ممی نین نوه سینین دالیجا گئدیر. آراز یئرینده اوتورور، عمی اوغلو دا آرازلا دووارین آراسینداکی سندله ساری کئچنده، آراز دئییر: «عمی اوغلی! اورا مهندیسین یئردی ها.» عمی اوغلو اوتورارکن آغاجدان اوپاناکي نئچه بوش سندلی گؤرسه دیب «نه چوخ یئر! هامیسی بوشدی باخ!» دئییر، سونرا بوینونو اوزادیب قیز ممی نین نوه سیله ایمانین حیطین دیبینه کی دووارلا سون سیرانین آراسینداکی بوش قالمیش یئرہ کئچیب گئتمه لرینه باخاراق یاواشجاسینا آراز «اؤزی ده هله سلیمانین کی قالدی آلاها!» دئییب، سلیمانین اورا ساری باخماسینی سئزجه یین گوله رک سلیمانا ال قاوزاییر. ایمان دؤنوب سلیمان باخدیغی یئرہ، ال قاوزادیغی یئرہ باخیب، سونرا گئنه تئز قیز ممی نین نوه سینہ ساری دؤنوب دئییر:

«موهندیس! بیزیم او یماژداکی یئرمیزی تانیسان دای!»

«یوخ! باغیشدا تانیمیرام!»

ایمان گولوب سونرا دئییر: «نئینہ یئی بابام! ایستیردیم گؤرم او یئردن ائو تیکه بیللوی؟ اوستوننن آرخ گئدیر، یاغیش یاغاندا دا هئی آرخ داشیر، یماژدی دئین آخیر گلیر آشاغا.»

قىز مەن مەن نۆھسى «چوخ باغیشدا ایمان عمى! من عمران مەھندىسى دىيرم، كشاورزى مەھندىسى یم!» دئىیر، تلفونو زنگ چالیر، جیبىندن چىخاردىب «بلى؟ ...ساغول؟... تویدا... سن دە اورداسان؟... كوچه نین آغزىندا؟ به نه گلدون؟...»، ایمانا دا «ایمان عمى چوخ باغیشدا!» دئىیر، یئىین-یئىین گئدىب پىللە لردن قالخىب چىخیر كوچه یه.

ایمان دار كئچه جیه كئچىب، اوردان دا حیطین یوخارى باشینا، اوتوردوغو سیرایا سارى قايداندا، حیط قاپىسىنا سارى گئدن اسرايىل لا قاباق-قاباغا گلیر، اسرايىل دایانىب یاواشدان «ایمان! به مەھندىسنن نه شون واریدی؟» دئىیب گولور. ایمان آغیز-بورنونو قىرىشىدیرىب تورشالداراق، دال بادال، آچىقلا ایكى یول «مەھندىس! مەھندىس!» دئىیر، سونرا دا دؤنوب اونون گئدىیى یئره سارى الینى اؤلچەرک «أده نه سىكىمین مەھندىسىدى؟ قالقان اؤزى^۱ مەھندىسىدى، قوی سىهدىرسىن!» دئجه یین اسرايىل ال لرىنى بیر-بىرىنه ووروب قاققىلدايىب گولور، دؤوره ده كى لر گولومسه یه-گولومسه یه دؤنوب اسرايىل لا ایمانا باخىرلار. ایمان اؤز یئرىنه گئتسىن دئیه گئنه ده سامان لا ایرجین، هم ده آچىق یاشىل كۆینكى نین قاباق لارىندان كئچىر، سولدوز اوجادان «های سامان!

^۱ اؤزى: هسته، مرکز. قالقان اؤزى: قالقان كولو ایله اؤزیه یی.

های سامان!« دئیہ چاگیریر، قارا دستہ لی گۆزلوکلو آیاغا قالخیر،
الینی اونا ساری ترپه ده رک اوجادان دئییر:
«نه دئسن؟»

سولدوز الینی آغزینا آپاریب سیگار ایسته دیینی اونا بیلیندیرنده،
سامان الیله دال سیرالاری گۆرسه ده رک «حمیده واری،
حمیده» دئییب دؤنوب نئچه سیرا دالدا اوتوران حمیدی «های
حمید! های حمید!» دئیہ سسله ییر، حمید دئییر: «هه؟» الینده کی
سیگاری آغزینا آپاریب بیر نفس سومورانان سونرا دئییر: «نه
دئسن؟» سامان یئریندن دوروب دار کئچه جیه کئچیر، ایرج
استکانی قالخیزیب اوجادان سسله ییر:
«های پرویز!»

سولدوز بونا ساری باخیب الیله باشینی ترپه دیر، ایرج «آده ظالم
اوغلی آراغ ایچی، آراغ!» دئییب استکانی باشینا چکیر. سامان اورا
یغیلان لارا، صابیرین باشینا توپلاشان لارا سورتوشه-سورتوشه بیر-
ایکی سیرانی سوووشور، آیاق اوسته دوروب بیریندن یاواشجاسینا
«به قومارو قالمییا جاحسان؟» سوروشان ماپانانین یانیندان کئچنده
بیر دایانیر، ماپانین یئکه، اتلی باشینین بؤیرونون بایاق بابکین
دالیجا زئرزمیدن چیخان لارین بنفش کراواتلی، باشی قیرخیغین
گۆرور، ماپان گئنه ده قیرخیق باشا «نه دئسن؟ وارسان؟» دئینده،
بنفش کراواتلی، قاش-گۆز ایله سیرانین آغزیندا اوتوران بابکی

گۆرسە دىب، آغزىنى ماپانين قولاغينا ياخىنلاش دىر اراق چوخ ياواش دان «بئناوا، قويمىر كى، دئر خىدمتى قوتارانان سورا» دئىيب گولندە سامان ماپانا بارماق ائله يير، ماپان تئز دؤنوب اليندە كى تسبئحله اونو وورماق ايستەيندە، گولە-گولە حميدە سارى قاقچير. ايكى-اوچ سيرانين يانيندان كئچير، حميدە يئتيشيب ياواش جاسينا سورشور: «بى شئين وار؟» سونرا دا باشيىلا قاباغى گۆرسە دەر ك دئىير: «پرويز ايستئرئ.» حميد گۆز آلتى يان-يؤره سينه، بيرير لريله خيسين-خيسين دانیشان مَحى يله ميثمه باخا-باخا آيلير، جوراينا قويدوغو سيگار پاكاتينى چىخاردير، ايچيندن بير گيله گۆتوروب سامانا وئيرير. سامان يئيين-يئيين آدام لارين آراسيندان قاباغا گلير، چارتلاق دووارا ساريكى سيرالارين ايكى-اوچونون برى باشيندا اوتوران لارى هاهاهاى گولور، ماشى دا صابيرين دؤوره سيندە كى لرينين آراسيندان دؤنوب اونلارا باخيب، اونلارا ياخىنلاشاراق «بالا چوخ گولمئنى، گولدانوز آتار!» دئيندە سيگارى سولدوزا وئيرير، سولدوز داماغينا قويوب دئىير:

«ياندير!»

سامان فَنده يى جيبيندن چىخارديب يانديرير، بئين چيينينى سيخيب قايديرير. سولدوز ايكى-اوچ يول دال بادالا اوركدن سيگارى سومورور، بى اورا-بورا بويلانير، اؤزو-اؤزوويله دانيشار كيمي سولدوزلا ساغديزا «باخون گؤرون بابامى گؤرميسوز؟» دئىير.

سولدوز، باشینی اورکدن سوردوغو سیگارلا قال ائله دیینه گۆره،
 بیین دئیینی ائشیتمه سه ده، ساغدیز اورا-بورا باخاندان سونرا بیر
 یئری الیلله گۆرسه دیب دئییر: «اوداها باخ! اوداها» بی «هه! اویانا
 باخیر!»، سولدوزا دا «اونو منه! من ده بی-ایکی نفس ویریم» دئییب
 سیگاری سولدوزدان آلیب داماغینا قویوب سومرور، ائله نفسین
 ایچری وئرجه یین، تئز آغزیندان چکیب یئرہ آتیر، سولدوزا باخا-
 باخا یاواشجاسینا «آده به دئیردون ترگیدمیشم آخی!» دئییر، دئیہ-
 دئیہ ده دابانینی یئرہ آتدیغی سیگارین اوستونه باسیر. ایرج گئنه
 ده الینده کی استکانی قالدیر اراق اوجادان «های پرویز! های پرویز!»
 دئییب چاغیریر، سولدوز ایرجه ساری باخیب یاواشجاسینا باشینی
 سیلکه لیبیر، ایرج «آده آراغ ایچی! آراغ قشیدی!» دئییب استکانی
 باشینا چکیب، عیبا اوجادان دئییر:

«به بالا ریضا! او آمبیلانس هاردا قالدی؟»

ریضا دؤنوب عیبا یا ساری، «عیبا عمی ایندی بی ده زی ویریم!»
 دئییب موبایلینی جیبیندن گؤتورور، ماشی یانیندا کی لارا «هله
 ماحمید دورا، توالئته کئچه، سورا گله بیرنین سیله، آینان قاباغیندا
 باشین دارییا، هئچ اولماسا بی یاریم ساهات چکر» دئییر، اونلار
 گولورلر، سونرا اوجادان «ریضا؟» دئییب ریضانی چاغیریر. ریضا
 موبایل قولاغیندا آرازین آتاسینین جاوابینی گؤزله یه رک ماشی یا
 باخیر، ماشی دئییر: «به دئنن آراز زی ویرسین دای!»

آراز اۋز سىندىلى نىن آلتىنا، رىضانىن سىندىلى نىن آلتىنا، او بۇير بو بۇيرونه، سونرا دا شالوارىنىن جىبىندىن چىخارتدىغى آغوش دستمالا فىنخىران عمى اوغلونون سىندىلىنىن دستەسىنە الينى قويوب آزجا قالخىب آرخالارىنداكى دووارىن دىيىنە زادا باخىب اوتورا-اوتورا دئىير: «دئىيە سن بىجىدىب لارا!» عمى اوغلو بىراز يانىنى قالخىزىب دستمالىنى جىبىنە قويور، باشىنى ترپە دەرك «آدە! بىجىدىب لار يانى نە؟» دئىيىب سونرا اليلە يان-يۇرنى گۇرسەدىب «آدە دو دۇورە-برە عمللى باخى!» دئىندە، زئرمىدە ساقى نىن يانىندا اوتوران فرزاد، گولە-گولە «عمى اوغلى نە يامان ال-ايغو اۋلچىسنى؟» دئىيە آراز گىلە سارى گلير، آرازىن بۇيرونە كى آغاجىن بو تايىندا، اوچ-دۇرد بوش سىندىلىن آغاچا ياپىشانىندا، باياق رىضا اوتوردوغو يئردە اوتورماق ايستەيىر، اوتورمامىشدىن دا سۇيكە نەجە يىندىن آسلانان كوتا الينى چكەرك آرازدان «رىضانىن يئرىدىيى، ھە؟» دئىيە سوروشور، آرازىن «ھە!» دئىمەسىنى گۇزلە مەدن اوتورور، اوتورجاغىن دا باشىنى آراز سارى گتيرىب گولە-گولە دئىير:

«ايمان اوردادى ھا!»

آراز گولە-گولە دئىير: «ھە! گۇردىم.»

«افشىن اوينىيىندا دا ھى افشىنە باخىردى. ايرحىم نە دە آتدان- آتدان دانىشىردى.»

آراز سوروشور: «نه ایرحیم؟»

«آده! ایرحیم داینا! او یئکه آلا گۆز کیشی، همایونون باباسی...»
 آراز «هه! هه!» دئییر، فرزاد الینی آرازین اوزونه ساری توتاراق «باخ
 بی عینی سنه یاراشیر آراز! قاباغکی چوخ گوبیدیدی، هئله عینی
 اوداها باخ...» دئییب دار کئچه جیه الینی اوزاداراق «... ممد کیمی
 کلم-کوئیر آداملارا یاراشار!» دئییر، سونرا نئچه فیش چالیر،
 قاباقداکی سیراداکی لارین بعضیسی، دار کئچه جکده اولان
 آداملارین دا ایکی-اوچو دؤنوب دالییا باخیرلار، فرزاد اوجادان
 سسله ییب دئییر:

«های ممد!»

باشینی اوزادیب دئییه سن جلال لا دانیشان بیر کرم رنگینه بنزر
 کؤینکلی دؤنوب بونلارا ساری باخیب ال قاوزایاراق «گلیم!» دئییر،
 گئنه یئکه باشینی جلال لا قولام اوتوران یئره ساری اوزادیر. فرزاد
 آرازا ساری دؤنوب «هلبت جلال گیلدن سوریشیر زئرزمیده نولدی؟
 کیم ویردی؟ گونا کیمدئیدی؟» دئییب، سونرا دؤنوب ممد ساری
 ال قاوزایاراق اوجادان دئییر: «ممد! آده گه بیرایی!» ممد جلال
 گیلدن آیریلیب گولومسه یرک بونلارا ساری گلنده، گئنه فرزاد
 دئییر: «آده! نئینیسن آخی؟ سنه هئی دئرم بی پوخ پلیسی
 کیتابلاردان آز اوخی!» ممد گوله-گوله گلیب بونلارین سیراسینا

کئچنده، قیسا توکلو گوده ده فرزادین سۆزونه گولومسه یرک سوروشور: «ممد! نه جور اولدی؟»
 ممد الینی اونون چینیننه قویوب دئییر: «صاییری دئیسن؟»
 «هه داینا!»

ممد دئییر: «بئناوا، بدن نئینه سین!» سونرا الینی دیزلری هاوادا ائندیره رک «من بئله اوشاغیدیم، ائله بی اوردایم-بیردا ایچیب کئفله نردی» دئییب فرزاد گیله ساری گلیر، فرزاد «آده ائله سن ایندی ده خیردا اوشاغسان داینا. فقط کؤکه لیب، یئکه لیبسن» دئییب گوله رک الینی ال وئرمه یه ممد ساری اوزادیر، ممد گوله-گوله فرزادلا، آرازلا ال وئره رک «هله های هایدا دا اوریف عاديله دئیر اونی ائولندیرونئی، ائولندیرسۆز جوررانارا!» دئییب گوله-گوله فرزادین یانیندا اوتورور، فرزاد دئییر:

«آده عادیل دونه نین اوشاغی گلیب اونی ائولندیره جی؟»
 نادیر دؤنوب دئییر:

«اوشاغلیغین نئینیسن! بیرداکی آدام لارین هامیسین چایا سوسیز آپاریب سوسیز گتیرر.»

عمی اوغلو «ممد!» دئییب ممدی چاغیریر، ممد دؤنوب باخجاغین دا دئییر: «دای بیزی سایمیسان!» ممد «وای باغیشدا گۆرمه دیم!» دئییه رک قالخیر، الینی اوزادیب عمی اوغلو ایله ال وئره رک «عمی اوغلی، او گون ده سنن بتر شرمنده اولدیم ها! آغام جانی

ایشیم واریدی دئیین^۱ ساخلییا بیلمه دیم» دئییر، قایدیب یئرینده اوتورور. عمی اوغلو «نئیننی بالا! عیبی زادی یوخدی...» دئییه اوزاتدیغی الینی آرازدان، آغاجدان سوووشدورب، فرزادین صندلی نین دسته سینه قویوب، یاواشجاسینا «...منیم ده بی ایریده دمه ییم اولسئیدی ساخلاردون!» دئییر، یانینداکی لار هاهاهای گولورلر. فرزاد هیریلدایا-هیریلدایا باشینی اوزادیب «به سنون بیرنوا کئچیردیم سنی نئینیر؟» دئییب گئنه گولور، یانینداکی لار، هم ده قاباق لارینداکی سیرادا اوتوران لار ائشیدیرلر، چؤپ بویون «آی سنی فرزادا!» دئییر، نادیر ده هاهاهای ائدیب الینی الینه وورور، دؤنوب بونلارا باخا-باخا دا گؤزونون یاشینی سیلیر، ممد دؤنوب دالینا باخان آرازی سسله ییب دئییر:

«آراز!»

آراز دؤنوب دالینا باخاراق یاواشجاسینا دا «گوره سن ریضا بی ییره قویمئب؟» دئییه میزیلداییر، ممدین سسله مه سینی ائشیتمه دئیینه گوره، ممد بیر ده، بیراز دا اوجادان چاغیریر:

«آراز!»

آراز تئز دؤنوب آغاجین او تایننا ساری باخیب دئییر: «بلی!» ممد «ریضیا دئنن گه اوتی دایننا!» دئییب، الینی ده ریضا گیل توپالاشدیغی ییره ساری اوزاداراق دئییر: «بئناوا هاچاندی ائله

^۱ دئیین: دئییه.

دوريب اوردا. «فرزاد گۆزدئيبير صابير اؤله، باشين كسهي!» دئيبير،
دؤوره ده كي لر گولور، بيري اوجادان دئيبير:
«أمبيلانس گلدی!»

گولوب قاققىلدايان لار، حيطده آراليقدا اولان لار كيمي قاپييا
باخيرلار، برانكاردا يينده، پيلله لردن حيطه ائنيب تئز-تئز صابير
گيله سارى يئريه نين قولاق لارينين اوستويله بوينونون داليني
قىرخديرماسينا فيكير وئرمه ييب گؤرمه سه لر ده، اونون گؤزلره
چارپان آغ-آپ آغ ايشيلدايان تيشرتيني حتمن گؤررلر. صابيري
برانكاردين اوستونه قويوب قالخيزيرلار، عيبا «باشوزا دؤنيم گؤزدئىن!
... ريبضا گؤزو يئيم بى آز آلو آشاغى يئنديرا!» دئيب گؤزلريني
قييب، ال-اياغيني اورا-بورا اؤلچنده، ريبضا قاباكي، رحمت ده
دالداكي دسته لريندن ياپيشديق لارى برانكاردى صندل لرينده
اوتوران لارين، صابيره باخان لارين، حالى اولمادان گؤزلريني يومان
صابيره، آغيز-بورنونو بوزوشدورن صابيره باخان لارين آراسيندان،
دار كئچه جكدن كئچيرديب آپايرلار. فرزاد گوله رك ممدين
قولاغينا بير سؤز پيچيلداييب ممدى گولدورندن سونرا باشيني
آغاجين بو تايينا اوزا ديب، آرازين دا قولاغينا پيچيلداييب آرازلا
گولوشنده، عمى اوغلو بونلارا باخيب گولومسه يرك اليني
سيلكه له ييب سوروشور: «نه يه گوليسوز؟»

آمبولانس اووولدایا-اووولدایا حیط قاپیسیندان اوزاقلاشیر، یئنی یئتمه لرله اسراییل، جابیرله عیبا، اونلاردان سونرا دا ریضایلا رحمت، هم ده برانکاردین یانیندا کوچه یه چیخان او ایکی-اوچ آدام، حیطه قایدیرلار. عیبا پیلله لردن ائنه-ائنه جابیرین «قوساننان سورا بیلر جیبی نین باشینا نه اوین گلدی بی گئجه!» دئمه سینه، «جابیر، سن ده بتر پیلاکیسانها!» دئیهرک جاواب وئریب الینی ده جابیرین کوره یینه وورور، آییلیب یئنی یئتمه لرین قیرمیزی تیشرتلی سینه ده یاواشجاسینا دئییر: «سعید! بابووا دئیب گلیسن؟»

ریضا پیلله لردن حیطه ائیر، دؤنوب یئرینه ساری گله-گله ده نئچه آداملا دانیشیب شوخلوقلاشیر، بیرینه «اصلن قورخیب ائله مون، اونا هئش زاد گلمز!»، بیرینین ده چینینه الینی قویوب «سنه ده قیسمت!» دئییر، اونا ساری دؤنوب شیتله نه رک باخان ممدله فرزادا ال قاوزاییب آغیز-بورنونو قیریشدیریر، ممد یانینی قاوزاییب آیاغا قالخماق ایسته ینده «اوتی آده! اوتی یئرونده!» دئییب، تئز یئتیریب الینی ممدین چینینه قویوب اوتورداراق الینی فرزادا ساری دا اوزادیب «یاللا!» دئییب گؤروشور، الیله باشی نین توکلرینی بؤیره هامارلاییب تومارلایاراق ممدین یانینداکی بوش صندلده اوتورور. حجت گئنه ده «گؤیده بیر اولدوز وار...» ی باشلاییب اوخویور، بیر «یاددان چیخیب قالانی» شاباش وئرمه یه چاغیراندا، فرزاد آغزینی

یایب، یاناق لارینی شیشیردیب، گۆزلرینی قییارکن، الینی اوخویانا ساری توتارکن «یالانسا طالیبین سیکی او گۆتی یوغین آروادووا!» دئییر، یانینداکی لار گولوشورلر، ممد گوله-گوله دئییر: «آده هله حجت ائولنمئب کی!»

فرزاد دئییر: «به اوؤن بیرین یانیندا گزديريردی آخی!»
«اولی کی باجیسیمیش!»

عمی اوغلو یاواشجاسینا آراز «بلکه ریضا بی یئرہ قویب!»، آراز دا او جادان «ریضا! آراغی بی یئرہ قویبسان؟» دئییب سوروشور. ریضا آراز باخیب، گۆزلرینی یوموب باشینی بوللایارق دئییر: «آده باخی!»

«نه ققده گزديم تاپمادیم!»

ریضا ممدله فرزادین، سونرا آرازلا عمی اوغلونون قاباق لاریندان چتینلیکله سوووشور، کردی نین او تایننا، حیطین سونونداکی ایکی دووارین بوجاغینا ساری گئدیر، بایاق آراز توپا گلنده آراغ ایچن لرین، خیارلا پامادور دیشله یین لرین ایندی بوش قالمیش یئرلریندن، گول کولونون دیبیندن دبهنی چیخاردیب گوله-گوله گتیرنده، بلندگودان بیرنین «آلچا گۆزونن گلسین!» دئمہ سی او جالیر.

ریضا دبہ الینده دوروب گولومسہ یرک ائوین قاباغینا ساری باخیر، عیبا زئرزمیدن چیخیر، «آده سنہ کیم دئدی اونی گۆتیره سن

آخی؟» دئیهرک تلهسیک جابیره ساری گلیر. جابیر عیبانی گۆرجه بین میکروفونو یئرہ قویوب گۆتونه دؤیه-دؤیه، نارینج بویالی کراواتی بویوندا بوللانا-بوللانا قاجیب دار کئچه جیه کئچیر، ریضا گوله-گوله دئییر: «آراز!»

«بلی؟»

«جابیره سن دئدون؟»

آراز گوله-گوله دئییر: «یوخی!»

ریضا گتیریب دبه نی آراز وئریر، سونرا کئچیب یئرینده اوتورور، بیردن عیبانین «جفر بوییر ایچری!» دئمہ سی بلندگودان ائشیدیلنده ریضا اولده دیکسینیب گۆزلری حیرانلیقدان آغاریر، سونرا الینی الینه چیرپیب گوله-گوله آراز باخیر، آراز دا گولمکدن ایچینی چکه رک جعفری گۆرمه یه یئریندن قالخیر، ریضایلا بیرلیکده حیط قاپیسینا ساری باخیر، عیبا «جفر به گه ایچری داینا! گه بیرا! شیرنی پایوو ساخلامیشام» دئییر، بونلار دا لاپ اوجادان گولورلر. جعفر اون-اون بئش گون قیرخیلمامیش، دن دوشموش ساققالینی قاشییاراق اورا-بورا باخیب پیلله لردن ائنیب اوینانیلان یئرہ ساری گلیر، عیبا گوله-گوله ال چالیر، عیبا ال چالاندا، تویداکی لار دا ال چالیب، بعضی لری ده فیش چالیرلار. ریضا «اورا باخ! اورا باخ!» دئییب آیاغا قالخیر، عیبانین قاجیب چالقچی لارین یانینداکی بوش صندلی گۆتورمه سینہ، تلهسیک چیراغی

سۇندورولموش اوتاغىن قاباغىنداكى كىرىدىن حىطە سارىكى قىراغىنا، اۋزۇ اوتوردوغۇ سىندلىن يانىنا قويۇپ جىغىرى اوتورتىمىسىنا باخىب، باشىنى آراز سارى اوزادىب دىيىر:

«كۆپۈيۈن قورخىسى!»

آراز گولۇب گىنە دە ايچىنى چكىر، فرزاد بوينونو اوزادىب رىضادان سوروشور: «نولىيى؟» رىضا باشىنى اوستە آتاراق «يۇخى! دىمەلى دىير» دىيىب گىنە دە يانىنداكى لارا عىبانىن جىغىرە شىرىن-شىرىن دانىشماسىنى، جىغىرىن دە شىرىنىنى آغزىنا تىمەسىنى گۆرسەدىر، «باخ! باخ! جىغىرە باخ!» دىيىب اىنى دىزىنە وورۇپ دۇورەدەكى لىلە بىرلىكدە گولۇر، گولە-گولە دە آراز سارى باخىب دىيىر:

«كۆپۈيۈن قورخىسى!»

فرزاد گىنە دە رىضايى «آدە نولار؟ دىنن دىنا!» دىيىر، ممد دە فرزادا دىيىر: «آدە ھلىت دىمەلى دىير دىنا!» فرزاد ممدە باخىب يومورۇغونو آپارىب قولاغىنىن دىبىنە ياپىشدىرىب دىيىر: «آدە! قولىرام آللاھلىغىووا ھا! آز دانىش.» ممد ھاھاھى گولۇر، رىضا دا گولە-گولە اىلە آرازى گۆرسەدىب دىيىر: «آرازدان سورىش دىسىن باخ!» قىز مىنىن نەسى گىنە دە باياق گلىدىكى كىمى، كىرىدى اىلە سىندىلرىن آراسىلا گلىر، آراز بىر-اىكى يول اىنى ساچىنا چكىب، بونلارا باخىب دىيىر: «عايىدىيى!» فرزاد اىنى آرازى اۋلچە-اۋلچە «آدە سۇزۇ دىننى!» دىيىب «عايىدىيى! عايىدىيى!» دىيە

ده آرازی یانسلیاییر. قیز ممی نین نوهسی بیر الینی آغاچا، بیرینی ده آرازین چیینینه قویور، آراز دؤنوب قیز ممی نین نوهسینی گۆرجهیین، ال-آیاغینی ایتیریب «...چوخ دئدیم بیرا موهندیسین یئریدیئی...» دئییب سونرا عمی اوغونو گۆرسه ده رک دئییر: «...آنجاغ عمی اوغلی قولاغ آسمادی.» فرزاد الینی آرازا ساری اوزادیب «آده آراز!» دئییب چاگیریر، آراز دؤنرکن باشینی دا آغاجین دالیندان قاباغا گتیریب فرزادا باخجین فرزاد دئییر: «آده! قیز ممی نین نوهسین زادین اؤتیرئ! بیرا باخ بی!» قیز ممی نین نوهسی فرزادا ساری جوموب یوموروغونو اونون باشینین اوستونده ساخلااییر، فرزاد «آده گوپین کیمی یومیرغو چیرپارسان تپه مه، گۆزدریم دوشر اوجیمایی! الوو چک اینه!» دئییر، سونرا اوجادان گولور، گوله-گوله ده یئریندن قالخیب دالیندا دوران قیز ممی نین نوهسینین بوینونو قوجاقلاییب اوچ یول اوزوندن اؤپور، اوتورانندان سونرا آرازا دئییر: «هه! نه جور اولدی؟»

آراز دئییر: «دئییم؟» دئییر: «عیبادان عایبیدیئی!» قیز ممی نین نوهسی پیلله لردن قالخیب کوچه یه چیخیر، فرزاد «آده! اؤتیرئ اولاری! عیبانین بابالین قوی ممدین بی قارا هیسدی بوینینا...» دئییب الینی ممدین بوینونا شاپالاق سالماغا قاوزایاراق «دئن!» دئینده، ممد تئز بوینونو قیساراق فرزادین الینی توتوب بورور، فرزاد «آده! بوشدا! بوشدا!» دئییر. ممد قولاق آسماییب ال-

قول بورماسىنى داواملادير، فرزاد زىققىلدايا-زىققىلدايا دئىير: «سنى مامون جانى، ممد!» آراز «ممد بوشدا دئىيم! بوشدا!» دئىير، ممد بوشلايىر، گولە-گولە دە الينى فرزادا اۋلچەرك «آدە! من ماما زاد دئىيرم ها!» سونرا دا فرزادى يانسىلاياراق دئىير: «شنى مامون جانى! شنى مامون جانى!» فرزاد دئىير: «هئى، بىلىرم. سىز قارداشديغا هاموز آنا دئىسوز.» رىضا دئىير: «ياخجى داي! ساكيت اولون گۆرون آراز سىزه نه دىيەجى!»

آراز دئىير: «دئىيم؟»

فرزاد الينى آرازا سارى اوزادىب دئىير:

«آدە داي دئىن دايىنا، سىهدون-چۆيوردون بىزى!»

آراز الينى آغزىنا توتوب بالاغا اۋسكورور، ساچىنى تومارلايىر، بارماقىيلا گۆزلويونو بورنونون اوستوندن قاش لارىنا سارى قاوزايىب، دۆنوب بىر عمى اوغلويا باخاراق الينى اونون دىزىنه قويور، سونرا فرزاد گىلە سارى باخىب «بى گون جفر عىبا گىلىن باغىنين يانىنداكى يئرلرىندە مال اوتارىرمىش...» دئىيب سۆزونون دالينى توتماق ايستەيندە، رىضا اوشاق لار ناغىل دئىندە ال لرىنى اورا-بورا آپاردىق لارى كىمى الينى اورا-بورا آپارىب «بىرى وارىمىش، بىرى يوخىمىش ...» دئىير، دۆوره دەكى لر گولور، آراز دئىير: «به نجور

دئىيم؟»

«منه نجور دئىون؟»

آراز بیر ده باشلایب «هه، جفر مال اوتاریرمیش...» دئییر، ریضا آرازین سؤزونو کسب «آده قشّی دئن دینا، هاردا مال اوتاریرمیش؟» دئجه یین، فرزاد دؤنوب ریضایا ساری الینی اؤلچوب «آده دی لال اول، قوی دئسین دینا!» سونرا اوزونو آرازا توتوب «آراز باخ! نجور کئفون ایستئر، اوجور دئن!» سونرا دا الیله ریضانی گؤرسه ده رک «بئلنچی گؤر-گؤت وئرئنین ده سؤزینه زادینا باخما!» دئییب گوله-گوله ریضانین اوزونو چیمدیکله ییر. آراز بیر ده باشلایب «هه! عیبا گیلین باغینین یانیندا مال اوتاریرمیش...»، سونرا اوزونو فرزادا ساری توتوب «تانیشان او یئرلرین؟»، دؤنوب عمی اوغلو یا دا «هین! تانیشان؟» دئییب سوروشور، فرزاد دئییر: «آده تانیرامی دئن، قارا داشدی دادی...» آراز سؤزونون دالینی توتوب «... هه! اوردا مال اوتاریرمیش، بی هوشدانیب، سورا آییلیب گؤروب بوز ائششهی یوخدی! اورا بوز ائششهی، بیرا بوز ائششهی، گل ها گل ...» دئجه یین فرزاد ممدہ ساری دؤنوب «وای دده وای... گه گؤر عیبا گیلین باغیندا اولاجاغ آ!» دئییب سونرا آرازا باخراق سوروشور:

«هه؟»

«هه!»

فرزاد هاهاهای گوله رک الینی دیزینه چیرپیر، گاهدان دا «وای دده وای...» دئییر، چؤپ بویون دؤنوب الیله فرزادی گؤرسه ده رک

دئییر: «مین دفه دئمیشم بئلنچی اوشاغ-موشاغا آراغ وئرمئن!» نادیر «آده سفئی اولمایئ! آراغ آدمی بئله گولدیرمز، اولی کی آیری شئیدی!» دئییب گولور. ریضا بیردن آیاغا قالخیب «آده جفره باخون! جفره!» دئییب اییله ده جعفری گوژسه دیر، جعفر شیرنی نین بیر آیریسینی دا آغزینا تییب، اوستوندن قارا نوشابه نی باشینا چکیر، آرازین تلفونو زنگ چالیر.

آراز «...گلیم! گلیم!» دئییب آیاغا قالخیر، آغاجی، فرزادی، ممدی سوووشوب ریضایا یئتیشنده، ریضا گوژ وورراق سوروشور: «هارادی؟» آراز «گلیرم» دئییب گئدیب دار کئچه جیه کئچیر، اوردان دا پیله لردن قالخیب چیخیر کوچه یه. حجتین «سونا بولبول لر» اوخوماسی کوچه یه یاییلاندا، قاپی لارین بیریندن بیر آغ چادرالی قوجا آرواد باشینی چیخاردیب توی ائوینه ساری باخاندا، آراز کوچه نین آغزیندا دوروب بونو گوژله ینه، گوژجه یین ده بونا ساری گلن قیز ممی نین نوه سینه دوغرو گئدیر، بیر-بیرینه یئتیشیرلر، آراز گولومسه یرک دئییر: «خیدمتیندیم مهندیس!» قیز ممی نین نوه سی دینمیر، یئرله باخیر.

«نولیب؟ بی شئی اولیب؟»

قیز ممی نین نوه سی دئییر: «احمد گلیب اوتیریپ اوردان؟»

«هانسی احمد؟ سیزون احمد؟»

قیز ممی نین نوه سی «هه!» دئییب آرازین بونونو قوجاقلاییر،
دولوخسانیب بورنونو چکه-چکه دئییر: «دالیمجا گلیب بیرا، پیل
ایستئییر.» آغلیا-آغلیا دئییر: «منیم ده یوخیمدی!»

آراز جیبیندن پول چیخاردیر، اسکناس لارین ایکسینی قیز
ممی نین نوه سینه وئریر، بیرین ده اونا گؤرسه دیب گولومسه یرک
«بی دا منیم» دئییب جیبینه قویور، دؤنوب توی ائوینه ساری گلیر،
گله-گله ده دئییر: «وئر، گه تويا! هله آراغین چوخی قالیر.» بیری
اینجه بیر سسله «دئدیم بیر بوسه وئر! بیر بوسه وئر! خانیم
آماندی!» نی اوخویوب دالیجا دا «دئدی وئرمه رم! دئدی وئرمه رم!
سیش دده مین آغزینا وئرمه رم...» دئییر، توداکی لارین گولمک
های قاوزانیر، آراز دا گوله-گوله، یئیین-یئیین قاپیا ساری
یئرئیر، بیرینین «آروادینا ایتله دیم...» سؤیوشله مه سینی
ایشیدنده، باشینی قاوزاییب یانیندان کئچدی بی ائوین ایکینجی
قاتینا باخیر، «...منیم اوستیراغیمی عاییب بیلیر، اؤزی گئجه نین
بی وده سی آغزینان سیچیر!» دئمه سینه گولومسه یرک الینی
قاوزاییب «کریم عمی سلام!» دئییر، کریم قولونو قالخیزیب
ساعاتینا باخا-باخا دئییر: «گؤریسن دای بیزیم شبئه می میزی؟»
آراز دئییر: «بلی، دوز بو یروسوز! گری بیلندگوا بئئله خود
وئرمیه لر. منیم بابام دا ائله سیزون کیمی بی سس گلدی یاتا
بیلیمیر، دئیر یوخیم دوشدی باشیما!»

«بابون كىمدى سنون؟»

«ماحمىدىن اوغلىيام، ماحمىد قادىرى.»

«او اينە ويران ماحمىد؟»

آراز گولومسە يرك دئىير: «بلى، اينە دە ويرير.» كرىم «گالا سنە بى
 ألما وئرىم!» دئەرك آراز بىر قىرمىزى ألما آتير، آراز ألمانى توتوب
 «بەبە! چوخ ساغولاسان كرىم عمى. ايجازونن من گئدىم تويا»
 دئىيب توى ائوينە سارى گئدير، قاپيدان ايجرى كئچندە عىبا
 «دونن بىزىم بى جفرە...» دئەرك اليبە جعفرى گۇرسە دىب
 «...يامان بى ايش راس گلىبى!» دئىير، سونرا جعفرە سارى بىر-
 ايكى آددىم آتير، جاماعاتا سارى باخىب الينى اونلارا سارى
 اوزادارق دئىير: «بى ال چالون گلسين اۋزى دئسين!» جاماعات ال
 چالير، بعضى لرى دە ھاى ھاى سالىب فېش چاليرلار. جعفر يئره
 قويماق ايستە دىيى نوسابە بطرى سىنين دىيىندە بىرازجا
 قالماسىنى گۇرجه يىن، بطرىنى بىر دە قالخىزىب باشىنا چكىر،
 گئنە دە جاماعات گولور، بوشالتدىغى بطرىنى يئره قويوب آياغا
 قالخىر، اوستونو چىرپاراق عىبايا سارى گلير. جعفر يئتيشجە يىن
 عىبا الينى جعفرىن كورە يىنە قويوب، ميكروفونو دا جعفرىن آغزىنا
 سارى توتوب دئىير: «جفر ددم قوربان دئ!» جعفرىن عىبايا باخاراق
 «بئش-اون گون بيننان قاباق...» دئمەسى بلندگودان اوجالجاغىن
 جاماعاتىن ايجىندن بىرى چىغىرير:

«جفر آدین دئمه ها!»

«آدین دئمه سم اولماز آخی!»

جاماعات گولوب ال چالیب، بعضی لری ده فیش چالیرلار. جعفر سؤزونون دالینی توتوب «هه، حاجی سونا منی چاغیردی...» دئییب هامی گولوب قاققیلداياندا، چؤپ بویون گیلین قاباق لارینداکی اوزون خطباشیلی «آده! به سنه دئمه دیم آدین دئمه؟» دئیه رک یئریندن دورور، ایکی سیرانین آراسیندان دار کئچه جیه چیخیر، اوردان دا یئین-یئیین ماشی گیلین سیراسینین یانیندان کئچیب جعفره ساری گئندنه، ماشی تئز یئریندن قالخیب الینی کرم رنگه کؤینکلی نین چیینینه قویوب دئیر:

«زینی نئینه یی!»

جعفرین بلندگودان «آده ماشی بو شدایی...» دئمه سی قاوزانجاغین، عیبا تئز الینی اوزادیر، «...قوی گل سین گؤریم...» دئینده میکروفونو الیندن آلیر، جاماعاتین دا ال چالماسی، فیشدیراقلاییب های هارای سالماسی اوجالیر دئیه، «... نه پوخ یییه جی، قوی یئسین!» ی هئچ یاخجی ائشیدیلیمیر. بیردن بیری اوجادان «آده زینی، دینده نولار؟..» دئیر، تویداکی لار سس چیخان یئره، گیلان آغاجینا ساری باخیرلار، «قحبه لییننن دئمییه جی، جیندالیغیننن دئمییه جی» ده دئینده جاماعات گولور، بعضی لری فیش چالیر، فرزاد دا دال سیرادان آیاغا قالخیر، «ساغول جابیر!» دئییب

قاقاناقلايىب كئچىر. جابىر زىنى يە سارى گلير، يئتيشجە يىن اوچ
 اۋپوش زىنى نىن او اوز بو اوزوندىن گۆتورور، آشيق مىنىن
 قوالى نىن دا خوشاگلىم دىنغادا-دىنغى گۆزلىنى يومان قارا
 ساققالىن سىنەسىنە باسدىغى قارمانى نىن سسىنە قوشولاندا،
 جاماعات ال چالىر. عىبا تئز اۋزونو اونلارا يئتيرىر، الينى زىنى نىن
 بئلىنە قويوب ياواشجاسىنا بىر سۆز دئىير، ماشى يا دا دئىير: «ماشى
 بوير داينا!» ماشى «باشووا دۇنىم من مېتىلىمە ايشمىشم!» دئىيب
 يئرئىندە اوتورور. عىبا زىنى لە حىطين يوخارى باشىنا سارى يولا
 دوشور، ايكى-اوچ سىرانى سوووشاندا، بىر اوزو اتلى كئچل، «تئز
 اول سىماورە دوز تۆك!» دئىيب اوجادان گولور، عىبا ھاهەھاه
 ائلە يەرك دئىير:

«منوچھرا! بىي سەنە اورە يىمىن باشى قوربان! بە سەن بىغدان
 بىردئىمىشسان؟»

اوزو اتلى كئچل «يوخى، ائلە ايندى لردە گلدىم» دئىيرەك يئرئىندىن
 قالخىر، ال وئرىب اۋپوشور، يئكە قارنىنى عىبا يا ياپىشدىر اراق
 قوجاقلشىر، سونرا دا عىبانىن باشىنا باخىب دئىير: «ئە سەن دە
 منىم كىمى باشى زادى تۆكىسەن آ!» عىبا الينى منوچھرىن باشىنا
 چكىب «سەن اۋزو مەنە قاتما بالا! ھەلە اون ايل زاد چكر گلىب مەن
 اولاسان» دئىيرەك ھاهەھى گولور. جابىر اوجادان «آغا منوش،

دوستووا دئنن منى ده آپارا! دئينده هامى اوجادان گولور، اسراييل دا چيغيريب دئيبير:

«آيه دئنن منى ده يى! منى ده!»

عيبا دؤنوب «نئينى داي گلوز، ايكوز ده گلوز!» دئيب گوله-گوله الينى جابيره سارى قاوزاييب اوستده ساخلا ياراق منوچهره دئيبير: «ائشيتديم نوبار هليليله قيزو آره وئريس، هه؟» منوچهر «هه، آلاه سنونكى لره ده قيسمت ائله سين!» دئيبير. جابير تله سه-تله سه عيبايا سارى گلير، اسراييل دا جابيرين داليجا قاچا-قاچا اؤزونو عيبا گيله يئتيرنده، بعضى لرى «ايييوووه» چكير، محى نين ده گولمه سى حيطده ياييلاندا منوچهر سوروشور: «آده محى قالير؟ به تصاديف ائله مه ميشدى؟» عيبا «قارداشى بئناوا ايديي!» دئيبير، منوچهرله آل وئره رك «دوغيردان سنى گورديم چوخ سؤيونديم» دئيب اؤزو قاباقدا، زينى گيل ده داليندا اوينانيلان يئره سارى گئديرلر. عيبا جعفرين يانيندان كئچنده «جفر سن دئنن من ايندى گليرم!» دئيب سونرا بيه ده الينى قاوزا ياراق دئيبير: «مهدي باشووا دؤنيم! گليرم ها!» بى گولومسه يرك عيبايا باخيب، بالا جا دا الينى قاوزايير، عيبا زئرميه سارى گئدير. اسراييل عيبايا زينى نين داليجا گئدهرك جعفرين يانيندان كئچنده، ياواش جاسينا «آيه يالان زاد دئمه ها! يوخسا گليب او ميكروفونى آليب دوز سوخارام گؤتووه!» دئيب سوووشور، جعفر «حيف داي! من اوستا نجف كيمي پوخلى

گوته باز دیرم!» ی لاپ یاواشجاسینا دئسه ده، الیندهکی میکروفونون سسینی آپاریب آمپلی فایردا گوجلندیریپ، باندلارلا او جالدید، هامینین قولاغینا یئتیریپ، گولمک هایه گوئه قالخاندا عیبا چیغیریپ «آده جفر!» دئییب زئرزمی نین قاپیسیندان قایدیب قاجیب گلیب «آده جفر به عایبیدی آخی!» دئییه میکروفونو الیندن آلیر. جعفر قاپ قارا جوجه گوزلرینین اوستوندهکی بارماق یوغونلو قدا اولان گوده قاش لارینی دو یونله یرک عیبانین یانیندان حیطه ساری گئتمک ایسته ینده، عیبا چیینیندن یاپیشیب دئییر: «جفر به هارا؟» جعفر دؤنوب عیبا یا چیمخیر اراق الینی چیینیندن ووروب سالاندا، جاماعاتین تعجبیدن «اوووا!» ائله مه سی او جالیر. عیبا گئنه اووونماییب گئتمک ایسته یین جعفرین او اوز بو اوزوندن اؤپور، آرازلا ریضا، هم ده یان لاریندا اوتوران لار، اوجادان گولوب های هارای سالیرلار، قارا ساقلال فارمانچی یلا قاوالچی ممی گولومسه یرک «قاچما منن آ سئوگیلیم! سئوگی بو دنیا نیندی!» هاواسینی چالیرلار، جاماعات آه آه آه هاهاهای گولور، خوروز شادایین الینده بانلاییر، اوروف اوجادان «جفر گه تنز اول دئ قوتار، دوریم بینین باشین کسیم! دییه سن چوخ داریخیر!» دئییب الینی خوروزا ساری اوزاداندا، شادای گوله-گوله خوروزو چکیب اوروفدان اوزاقلادیر. جابیر زئرزمی نین گیره جه یینده «عیبا!» دئیهرک ماهنی نین هاواسیلا دا چیین لرینی اوینادیب جاماعاتی گولدورور،

ايرج گوله-گوله آياغا قالخير، اينده كي استكاني جابيره ساري
 قالديريب «جابير سنون ساليغووا!» دئييب باشينا چكمك
 ايستهينده، ماشي دئيير:
 «آده ايرج!»

ايرج ماشي يا ساري دؤنوب باخيب، اينى، باشيني ترپهدير، ماشي
 دئيير: «بسدی داینا...» اينى حيط قايسينا ساري توتاراق دا دئيير:
 «به صابيري گورمه دون؟» ايرج «ماشي عمى من كئفلى ديرم
 كي!»، الييله صابير آپاريلان يئري گورسه دهرك ده «كئفلى، صابير
 كيمي اولار!» دئييب قاقاناق چكيب گولور، استكاني باشينا چكير،
 جابير گئنه ده دئيير:
 «عيبا به گه داینا!»

عيبا زئرزمى نين گيره جه اينده دوروب بونو گؤزله ين لره ال قاوزاير
 «گلدیم! گلدیم!» دئمه سى ده ميكروفونا دوشوب بلندگودا اوجاليب
 هامى گولنده، «جفر! گوزو يئيم، سن باشدا من ده گليرم!» دئيهرك
 ميكروفونو جعفره وئرير، يئيين-يئيين، تلهسه-تلهسه، زئرزمى نين
 قايسينداكى لارا ساري گئدير، «باغيشدئيز! باغيشدئيز!» دئيه
 اونلارا يئتيشير، «بويروز! بويروز!» دئييب زئرزمى نين قايسيندان
 كئچير، اونلار دا داليجا پيلله لردن ائنيب گلنده زئرزمى نين سالونونا
 آياق قويور، اوجادان «سلام عليكيم!» دئييب ميزين دؤوره سينده آز
 ايشيقلی لامپين آلتيندا اوتوروب، سيگار توستوسونون داليندان

اوزلرى اوزاقدان ياخجى گۆرسنمەين او بئش-آلتى آداما سارى گئدير. ميزين دۋورەسیندەكى لرين بیری «بەبەبە! عیبا عمى!» دئییب دورور، عیبا الینی اونا ساری اوزادارق دئییر: «باشووا دۋنیم علیرضا! ایلش! ائله ایاغ اوستە بیرین ایچیب گئدە جییم.» قیرمیزی تیشرتلی یئنی یئتمە قاباغینداكى استکانی تئز گۆتوروب یانینداكى صندلین آلتینا قویور، اوتوردوغو یئردن، زئرمی نین کفیندە ساغ دوواریا دایانیدیغی یئردن آیاغا قالخیر. آرخالاری قاپییا ساری اولان ایکی اوتوران لار دا دورورلار، بیری «عیبا عمى هله گه آیلسی! بی دنه باشو آغریدار» دئیهرک بوشالتدیق لاری ایکی صندلین بیرینی عیبایا گۆرسەدیر. عیبا «باشوزا دۋنیم آیله شوزا! قادالاروزی آلیم اوتوروز!» دئییر، اولار دا «ئله دوروردوغی»، «چوخدان بیری دییوغی بیز» دئییب قاپییا ساری گئدیرلر. اولارین بیراز اوزونو، بالاجا دا اوبیری سیندن آریغی جابیرین یانیندان كئچندە «اۋیون گۆردیم آ!» دئییب هاهاهای گولور، عیبا اولاردا دالدان باخا-باخا «دوغیردان شرمندە ائله دوزا!»، زینی دە «چوخ ساغولاسوز اوشاغلار!» دئییر، اسراییل دا اوجادان «آیه شهربیار! اۋیون من دە گۆردیمى!» دئییب گولور. عیبا اولار بوشالتدیغی صندل لرين دوواریا ساریکی سیندا اوتورا-اوتورا، بایاق چلیكلە شاباش وئرمە یه گلنن، ایندی دە دووارین یانینداكى صندلدە اوتورانین «عیبا باغیشداها، من دورا بیلیم» دئمە سینە «بابا خوایش ائلئره مى!» دئمكلە جاواب وئیر،

چلیکلی «یوخ آخی! وظیفه‌مدی دورام، نئم همه‌شه دئیر کالبای
عیبادوللا اولاندا، سن قارنیمدئدون» دئییب گولور، عیبا «نئووه
منن سلام یئتیر» دئییب اونون یانیندا آیاق اوسته دورانا، عیبایا
ساری گولومسه‌ین یئنی یئتمه‌یه ده دئییر:

«سعید! آده سن ده بیردئمیشسان!»

زینی عیبانین یانینداکی صندلده اوتورور، عیبانین «یاللا!»
دئمه‌سینه ده الینی سینه‌سینه قویاراق، «باشووا دؤنیم عیبا عمی!»
دئییب جاواب وئریر. اسراییل ساقی‌نین یانینداکی، ایندی عیبانین
آیاغینا دوران علیرضانین، یاشیندان تئز آغاریب آلا-بولالانمیش
ساق‌لاری قولاق‌لارینین اوستونو آلان علیرضانین یئرینده اوتورور،
جابیره ده «آیه جابیر! گتی او پیلا گنده‌نوو باس بیرا باخ!» دئییب
گوله-گوله صندلده اؤزونو بیغیشدیریب یئر آچیر، جابیر ده گلیب
اوتورور. عیبا سعیددن «سعید، آراغ دا ایچیسن؟» دئییه سوروشور،
سعید بیردن دیکسینه‌رک یانینداکی صندلین آلتینا قویدوغو
استکانا باخیب توتولوب قالیر، سونرا باشینی قاوازییر، ساقی‌نین
قاش-گؤز ائله‌مه‌سیندن، باشینی آتما سیندان اورکلہ‌نیب «عیبا
عمی یوخئی!» دئییر، هامی گولور. عیبا قاباغینا قویولان استکانی
گؤتوروب سعیده باخاراق «آی ساغول! اصلن ایچیب ائله‌مه! یوخسا
او ددون گلیب بیرانی دوز باشیمیزا اوچیردار!» دئییر، سونرا
دؤوره‌یه باخیب ساغلیق وئرکم ایسته‌ینده، گؤزو دووارین دیبینده

اوزانىب ياتان اوزون مجيده دوشور، باشىنى بوللاياراق «گۆرەسن بى ھاچان جورراناچاغ؟ ھلە اۋيون نەنەسى بئناوا منە دئىردى اونى ائولندىرىئ!» دئىير، سونرا دۋورەدەكى لره باخىب «بوتون آنالارين سالىغنا!» دئىيب ايچير، ايچندن سورا استكانى يئره قويوب بير تىكە خيار گۆتوروب قالخماق ايستەيندە، ساقى «عيبا بە ھارا؟» دئىيرك ايليب يئردن دىبەنى گۆتوروب عىبانين بوشالتدىغى استكانينا «ايكى ائلە، سورا!» دئىيە آراغ توكور.

جابر استكانىنى گۆتوروب يانيندا قىسىلىب چتىنلىكلە اوتوران اسرايىلا «سالىغوو!» دئىيب ايچمك ايستەيندە، دالينداكى آياق اوستە دوران عليرضا الينى چىينىنە ووروب «جابر وير او بى نفرين سالىغىنايئ!» دئىير، ھامى گولور. جابر عليرضايا دۋنوب باخمادان «بىنى ويرام سنون كىمى موھتەخوررارين سالىغىنا!» دئىيب ايچير، ايچىب استكانى ميزين اوستونە قوياندان سونرا اليندەكى خياري ديشلەمك ايستەيندە، عليرضا بوينوندان ياپىشىب سيخير. جابر بوينونون سيخىلماسىندان آجىيىب، اينجىيىب اليندە خيار «آدە! آدە! ادە بوشدا! بوشدا! آراغ خىرتدئىمى ياندىردى!» دئىيب زىققايير، عىبا دئىير: «عليرضا باشووا دۋنيم بوشدا.» عليرضا بوشلاچاغىن جابر تئز خيارا بير ديش ووروب خارتا-خارتلا يئىرەك بوينونو اوغور، اوغا-اوغا دا دۋنوب عليرضايا دئىير: «بە دوز دئىيرم داي! موھدە آراغ وار دئىن بياغداندى يئروو سالىيسان بىرا،

چیخمیسان!« عیبا «آده کۆپئی اوغلی دویء!» دئییب یئریندن دورماق هاواسینا اؤزونو دبردنده، جابیر دوروب قاپییا ساری قاچیر، اسراییل صندلده یئرینی راحتلا یارق «آیه بی آز اونى آرید داین! او یئکه لییده ده گوٚت اولار آخی؟» دئییر، هامی گولور. جابیر قاپییا بیراز قالان دایانیر، دؤنوب بونلارا ساری باخیب «علیرضا دوز دئرمی، بی آراغ شاباش وئرنه ریندی! دای سنون کیمی موهده خوررارین یوخ!» دئجه یین عیبا دورور آیاغا «کۆپئن گنده سی دای بو دؤنه توسسام دوز درووه سامان تپه جییم» دئیهرک خیارین گوٚتونو دالیجا آتیر، یانینداکی لار گولوشور.

جابیر یئیین-یئیین پیلله لردن قالخیب حیطه کئچیر، حجتین «سجادنان مهرانین سالیغلارینا محکم بی ال چالون، گل سیننر اویناسیننار» دئمه سی بلندگودان ائشیدیلیر، جاماعات ال چالیب، بعضی لری ده فیش چالیرلار. جابیر دار کئچه جیه کئچیب اوینانیلان یئره ساری گلن سجادلا یشم رنگلی کوت شالوار گئین مهرانین یانیندان کئچنده، بیردن محی نین «ائح ائح ایی» ائتمه سی او جالیبر، بعضی لری دؤنوب محی یه ساری باخیرلار، اوردان-بوردان «حجت گه جرمنی آل!»، «گه! گه!» سسی قاوزانیر، اوخویانین دا «محی تئز اول دو پیلی گتی!» دئمه سی بلندگودان قالخیر، محی «ائح ائح ایی» ائده رک آیاغا قالخیر، ال لرینی جیب لرینین اوستونه وورماقلا پولو اولماماسینی اوخویانا بیلیندیریر.

جابر دال سىرالارا سارى گئىدە-گئىدە-گئىدە-گئىدە-گئىدە-گئىدە-گئىدە «يوخ بئىنووه دورتىم!» دئىير، مَحى نىن گولمەسى لاپ اوجالير، بلندگودان حجتىن آجىقلا «مَحى! نه گوليسن باخ؟ دئى بلکہ بيز ده گولدوى» دئىمەسى ائشىدیلیر، مَحى گولمەسىنى كسىب بيتیره بىلمەدییینه گۆره، دئىمک ایستەدیى سۆزو دئیه بىلمەدیینه گۆره، مېثم الینی اوخویانا سارى قاوزایىب دئىير: «حجت ائله گئنه ده جفرین سۆزینە گولیرى!»

چالقىچى لار اویون هاوالاریندان بیرینی چالیرلار، سجادلا مهران اویناپیرلار، جابر حیطین اورتالاریندان سارماشىقلى دووارین دیبینه سارى باخیب اوجادان «رىضا! های رىضا!» دئیه سسلەپیر. رىضا جابیره باخیر، اونون استکان توتما آداسینی، الینی آغزینا آپاریب یالاندان آراغ ایچمک آداسینی گۆرجه یین، گوله-گوله جابیری اۆز یان لارینا چاغیریر. جابیر رىضا گیلە سارى گئدیر، رىضا دا الینده بیر استکان سیرانین آغزینا سارى گلیر، افشینە باخیب گولومسەیرک گۆز وورور، جابیر یئتیشجه یین استکانی وئریب، گوله-گوله دئىير:

«گالا کیمی سؤیسن ویر اونین سالیغینا!»

جابر استکانی آلیر، افشین «ویر او بی نفرین سالیغینا!» دئسه ده، جابر «يوخ!» دئیه رک قاباغا باخیر، استکانی قالدیریب اوجادان «بىنى ویریرام اوزون هَشیمین نوه لرینین سالیغینا!» دئیب

استکانی باشینا چکیر. تویداکی لار گولورلر، بعضی لری دؤنوب دالییا باخاراق «ساغول! ساغول جابیر!» دئییرلر، مَحی نین ده «أئح أئح أئح أئح ایی» او جالیر.

گۆن باش یئریندن قالخیر، ایکی سیرا قاباقدا اوتوران جلالی «جلال!» دئییه چاغیریر، جلال باخاندا دئییر: «شاباشا گلیسن؟» جلال گۆن باشا «هه! هه!» دئییر، قولاما دا «گلیسن؟» دئیهرک آیاغا قالخیر، قولام یاواشجاسینا دئییر: «أده بیلاردان خوشیم گلمیری!» جلال قولاما ساری باشینی آییب یاواشجاسینا «أده وئرمه سوی ناراحت اولالارئی، باخ! بئناوالارا شاباش وئرن یوخدی» دئییر، دار کئچه جیه کئچیر، اوردان دا گۆن باشین دالیجا اوینانیلان یئره دوغرو گئدیر. مَحی نین گولمک های یی یاتماییب، سوسماییب، گئتدیگجه هاوالانیب او جالماسینا گۆره، چالقچی لار اویون هاواسینی یاواشیدیب سسینی کسیرلر، سجادلا مهران اویناماقدان دوروب حیطه ساری باخیرلار. گۆن باش دایانیب مَحی یه ساری باخیب الینی اؤلچهرک «آی...» دئیندن سونرا، سسینی چیخارتمادان دوداق لارینی دبردیر، سونرا «...بسدی داینا!» نی ائشیدیلمک ایسته مه دییی سؤزونون دالینا قوشور، جابیرین دئدییی ریضا وئردییی خیاری گمیردیینه گۆره «... آخانغ دؤتون آواسینا» کیمی بیر آنلاشیلماز سؤزه دؤنور، عیبا دا الینده میکروفون «مَحی ددم روحی دای بی دؤنه پیلی آلاجیام!» دئییب مَحی یه ساری گلیر،

مَحي عیبانین اونا ساری گلمه سینی گۆرجه یین گوله-گوله تئز یئریندن دورور، حمیدین قاباغیندان کئچیب حیط قاپیسینا ساری قاچیر، جاماعات هاهای گولور، بعضی لری ده فیش چالیر، مَحي قاچا-قاچا پیلله لری قالخیب کوچه یه چیخیر، عیبا دئییر: «مَحي دای بو دؤنه پیلی آماغا ماشی گله جی ها!»

جاماعاتین گولمک سسی آزالیب کسیرکن قارمانچی آشیق ممی یه «نوش اولسون!» دئییب قارمانینی سسلندیریر، قاوالچی ممی استکانی بیر نفسه باشینا چکیر، مزه دن زاددان آغزینا قویمادان، قاوالی ایکی الینده قالخیزیب قارا ساققاللی قارمانچیا قوشولارکن، بایاق سوسدوردوق لاری اویون هاواسینی گئنه ده جانلاندیریب هاوالاندیریرلار، سجادلا مهران بیر ده باشلایب اوینا ییرلار. اوزون لار اوینا ییرلار، اوینا یا-اوینا یا دا گلیب بی دن، ساغدیز-سولدوزدان شاباش آlanda، آزاراق گولمک سسی قوپور، اوردان-بوردان «جابیر! ساغول جابیر!» زاد دئمه سی ائشیدیلیر. عیبا الینی حیطه ساری توتور، اوینا یان لار جابیره باخسین دئییه اونلاری اوتوران لارا ساری دؤنده ریب باخدییر، سجادلا مهران حیطه ساری دؤنورلر، شاباش وئرمه یه گلیب گۆن باشلا جلالین یانیندا دوران، ائله اونلار کیمی ده الینده توتدوغو پولو اوینا یان لارا ساری اوزادان جابیری گۆرورلر، اوینا یا-اوینا یا، گوله-گوله اونلارا ساری گئدی رلر. سجادلا مهران اونلارا یاخینلاشیب ایکسی ده گۆن باشلا جلال دان

شبابشی آلیرلار، مهران جابیرین ده الیندن پولو آلماق ایسته‌ینده، سجاد تئز کئچیر قاباغا، جابیرین پولونو آلمادان بوینونو قوجاقلاییر، جاماعات های‌هارایلا ال چالیر. سجادلا مهران اویناماغی بیتیریرلر، ال‌لرینی ال‌چالان‌لارا قاوزاییب اونلارا اؤپوش آتیرلار، موسیقی سسی کسلییر، اوینایان‌لار صندل‌لره ساری قاییدیرلار. سجاد دار کئچه‌جه‌یین آغزینا بیراز قالمیش گون باش گیلله دوروب بونلاری گؤزله‌ین جابیرین چینینه الینی قویوب بئشی ده گوله-گوله اوتوردوق‌لاری یئره ساری گئندنه، بیری اوجادان دئییر: «جابیر باید برقصدا!» جابیر سس گلن یئره ساری باخیر، لاپ دالداکی سیرادا آیاق اوسته دوروب گئنه ده ایکی اوچ یول «جابیر باید برقصدا!» دئین فرزادی گؤرور. بعضی‌لری فرزادلا سس-سس وئریب «جابیر باید برقصدا!.. جابیر باید برقصدا!» دئییرلر، شادای دا آیاغا دوروب قیچ‌لاریندان یاپیشدیغی خوروزو «جابیر باید برقصدا!» دئییه-دئییه قالخیزیب ائندیریر. بیردن بلندگودان عیبانین دا «جابیر باید برقصدا!» دئمه‌سی اوجالیر، جاماعات گولور، جابیر دؤنوب اوینانیلان یئره ساری باخیر، عیبا گئنه ده «جابیر باید برقصدا! جابیر باید برقصدا» دئییه الیله جابیری اویناماغا چاغیریر. جاماعات ال چالیر، بعضی‌لری فیشلاییرلار، اوردان-بوردان دا «جابیر! جابیر!.. های جابیر!» دئییه سس‌لر قالخیر. جابیر تئز قول‌لارینی آچیب بدنینی اوینادیر، چالقیچی‌لار دا جابیرین ال‌دبرتمه‌سینه، بدن اویناتماسینا

«گۆرىشىدىم يارىملا بىلاغ باشىندا...» نى اويغون گۆروب چاليرلار. جابير اوينايير، چالقىچى لار دا چالير. چارتلاق دووارين يانيندا اوتوران لارين آخيرا ياخين سىرالارينداكى لارينين اوچ-دۆردو «گۆرىشىدىم يارىملا بىلاغ باشىندا» نى اوخوپورلار، بىرى ده يئرinden قالخير اوينايا-اوينايا دار كئچە جيه چىخير. ماشى چىغىريب «ددووه ايرحمت آراغ چكن!» دئىير، گولوب قاققىلداما سسى گۆيه قالخىب هاى هاراي چوخالير، سس ياتاندان سونرا بىرى چىغىريب دئىير:

«ماشى عمى هله دده سى اؤلمئب ها!»

گئنه ده هامى اوجادان گولور، ماشى يلا بؤيروندهكى لر اوتايكى صندل لرده اوتوران لارا سارى باخىرلار، سارماشىقلى دووارا سارىكى سىرالارين اورتالاريندا بىرى الينى قاوزايىب ماشى گيله سارى ترپىد ب دئىير: «بيداها باخ! ماشى عمى بيداه! باخ گور هئچ دده سى اؤله نه اوخشىير؟» ماشى قالخىب اورا سارى باخىب دئىير:

«آده قابىن نئچيه وئرىسن؟»

دووار دىينين آلا قارانلىغىندا بىرىنن «ماشى عمى سنه موهده!» دئمه سى قوپجاغىن جاماعات گولور، گولمك هاى ياتاندان سونرا، جابير اوجادان «بىلسىدىم ماشى دا تويدا پوخ بىيردىم ددمنن تويا گلردىم» دئىير، گئنه گولمك هاى قاوزاناندا، آجىقلا گئدىب چالقىچى لارين يانينداكى بوش صندلده اوتورور. عىبا تئز قاقچىب

گئدير، الينى جابيرين چينينه قويوب اوزوندىن اۇپور، اليندىن ياپيشيب قاوزاماق ايستهيير، جابير الينى چكيپ عيبانين اليندىن چيخارديب گئنه يئرینده اوتورور، عيبا دؤنوب اوروفا ساری باخيب، الينى سينه سينه قوياراق دئير:

«باشووا دؤنيم آقاي شيرى! سن جابيره دئنن گلسين اويناسين!»
 اوروف آياغا قالخيب جابيره «آده به دو دايينا!» دئير، جابير دورماييب يئرینده برکييير، اوروف يئين-يئين جابيره ساری يئريرهرك الينى قاوزاييب دئير: «آده دويى!» جابير تئز آياغا قالخيب «اوريف عمى دورديم! دورديم!» دئير، جاماعات گولور، بعضى لرى ده ال چالير. عيبا جابيرين اليندىن ياپيشيب گوله-گوله اوينانيلان يئر ساری گتيرير، بى آل چاليب «ساغول جابير!» دئير، عيبا دؤنوب بيه باخيب گؤز ووراراق جابيره دئير:

«ائله بياغكى هاوئنان اوينئسان؟»

جابير دئير: «يوخ!» اوجادان دئير: «لبِ كارون.»
 جاماعاتين گولمه سسى قاوزانير، چالقيجى لار باشلاييب لبِ كارون هاواسينى چاليرلار، جابير ال-قولونو، باشينى، چييينينى اوينادير، اسراييل اوجادان دئير:

«آيه جابير به اؤؤن دئدون دای فارسی اوينامياچيام آخى!»
 جاماعات گوله گوله ال چالير، جابير اسراييل جاواب وئرمه دن قارا ساقلال قارمانچى نين باشينى ترپه ده ترپه ده قارماندان چيخاردیغى

"دا لالاي" ايلا يىنى بدننى اوينادير، داليندان اينجه بير سس
چىخىر:
«جابىرا!»

جابر ھاى ھاى اولدوغونا گۆره ائشيتمه ييب اويناماسين
داواملانديرير، خانيمين بير ايكى يول دا "جابر" دئمه سى قاوزاناندا
عيبا ميكروفونو گۆتوروب اوجادان سسله يير: «جابر!»
جابر اوينايا-اوينايا دؤنوب باخىر، عيبا الييله پنجره نى
گۆرسه ده رك دئير: «آده به بياغداندى خانيم سنندى آخى!»
جابر چىراق لارى سؤنموش اوتاغين پنجره سینه سارى باخىر،
پنجره دن ائشيه چىخيمش بونا سارى پول توتان الى گۆروب
ياواش-ياواش اويناماقدان دورور، دينيب دانىشمادان، يئرىندىن
دبرمه دن، برلميش گۆز ليله او آغ اله، آغ قولا باخىر فقط. خانيمين
ال-قولو سيلكه له نرك گئنه نئجه يول جابر سسله مه سى رۇلانميش
دوداق لارينين آراسيندان چىخىب كيشى لرين قولاق لارينا چاتىب
جان لارينا هوپور، بيرينين اوجادان «جابر يئرى داينا!»، ايرجين
ده آياغا قالخىب جابيره سارى يىنى اوزاداراق «جابر به نيه
دوروبسان آده؟» دئمه سى قالخىر، ماشى ياواش جاسينا «مچيدىن
قاپيسى آچىغ اولاندا، كۆپه يين گۆزى باغلانارا!» دئير، يانينداكى لار
گولور. عيبا جابيره سارى گليب الييله پنجره نى گۆرسه ده رك «آده
خانيم نريمانى سنندى آخى!» دئيب چالقيچى لارا سارى قاقير،

اونلارا نه دئییرسه، چالقچی لار بیر هاوانی باشلایب چالیب اوخوماق یئرینه چاتاندا، پنجره دن «فیکریندن گئجه لر یاتا بیلیمیرم» ماهنیسی سسلرینی خپ کسمیش کیشی لرین قولاق لارینا دولوب جان لارینا یئرییر. جابیر یاواش-یاواش پنجره یه ساری گئدیر، پنجره یه یاخینلاشاندا، عیبا قاجیب گلیب جابیری سوووشور، میکروفونو خانیمین پنجره دن چیخیب «آیریلیق» هاواسی اوستونده دبرن الینه وئیر، دؤنوب گلیب خانیمین الیندن آلدیغی پولو دا جابیره ساری توتوب وئرمک ایسته ینده، بلندگودان دا «نتینه ییم کی سنه چاتا بیلیمیرم...» قولاق لارا دینده، عیبا اؤزونو هلک ائتسه ده، یاواشجاسینا «جابیر آلماسون خانیم ناراحت اولار!» دئسه ده، جابیر پولو آلماییب قایدیب گئدیر، قولاق لاریلا گؤزلی ماهنییا زیلله نلرین آراسیندان سوووشور، ریضا «جابیر به هارا؟» سونرا دا اوجادان «آده به ایشمیسن؟» دئییر، چؤپ بویون باشینی دؤندرمه دن الینی قاوازیب ریضانین سسینی کسمه سینه گؤره آجیقلا دبردیر، جابیر پیلله لردن قالخیب کوچه یه چیخیر.

جابیر کوچه نین قیراغینداکی ساخلانیلان ماشین لارین یانیلا گئدیب توی ائویندن اوزاقلاشیب، بلندگودان دا «آیریلیغ! آیریلیغ! آمان آیریلیغ! هر بیر درددن اولور یامان آیریلیغ!» سسی کوچه یه یاییلندا، کوچه نین اورتالاریندا ساخلانیلان ماشین لارین ایکسی نین آراسیندا دووارا دایانیب اوتوران لار، آرالارینا دا

يارىم لىترلىك سوقايلا بىكى خىردا استكان قويان لارىن اوزون ساچلىسى، قارايلا چالان مېملە بنزر كوتلوسو جابىرى گۇرچك دئىير:

«ياللا جابىر!»

فىرئىمى گۇرسىمەين گۇزلوك تاخان اينجە بوغلو، قارانلىقدا رنگى ياخى بىلىنمەين كوتونو قارنىيلا دىزلرىننن آراسىنا قويان توى ائوينە سارىكىسى دا دئىير: «جابىر بويور!» جابىر قولاق آسمادان بىكى-اوچ آدېم اوزاقلاندا دا دئىير: «بە نە تئز گئدىسن؟» بىراز سونرا دا استكانى قاوازيىب «جابىر سونون سالىغووا» دئىيب باشىنا چكىر.

جابىر خياوانا سارى گئدىر، حىطدن ال چالما سسى، فىشلاما سسى كوچەنى باشىنا گۇتورنە، خانىمىن دا نازلانا-نازلانا «چوخ مەننن!» مرسى! «دئەسى كوچەيە يايىلاندا، ماشى اوجادان «آدە جابىر!» دئىيب چاغىرىر، جابىر دۇنوب باخاندا دا «آدە باجون گۇتەينە قويىم ھارا؟» دئىندە، پىنجرەدن كرېمىن گولە-گولە «ماشى اوندا مەن دە وارام!» دئەسى ائشىدىلىر. جابىر دوروب آجىقلا كرېمە سارى باخىر، ماشى نىن يانىنداكى دۇرد-بئش آدمىن بىر بىكىسى فىش چالىب، سونرا دا ھامىسى آغىز-آغىزا وئرىب «جابىر! جابىر! ھى جابىر!» دئە-دئە اونا سارى گلېرلر، ماشى الينى قاوازيىب چىغىرىب «آدە بە گە داينا!» دئىيب، كرېم «آدە ھئە نىيە

باخيسان؟» دئيه رك جابيره سارى بير شئى آتماق ايسته ينده، جابير ماشى گيله سارى قاچير. جابيرين داليجا گلن لر ال چاليرلار، ماشى دا «آده قوريمساغ آدام دا كوسر؟» دئييب، جابير يئتيشجه يين بوينونو قوجا قلايب اوزوندن اوپور. بلندگودان عيبانين «به جابير هارا گئدى؟» دئمه سى ائشيديلنده، جابيرين داليجا گلن لر چيغيريب «بيردادى! بيردادى! بيردادى!» دئيه جابيرله بيرليكه توى ائوينه سارى قاچيرلار. ائله باياقكى آغ چادرالى قوجا آرواد دمير قاپيدان باشيني كوچه يه چيخارديب توى ائوينه سارى باخاندا، كوچه نين باشيندان بير موتورسيكلت سسى قوپور. قوجا سسه سارى دؤنور، بير ديمديكلى بؤرك موتورسيكلتچى گليب قاباغيندان سوووشاندا، گولومسه يرك دئيير: «عظيم!»

ماتورچو، قوجانين سسينى ائشيمه ييب، يا دا اؤزونو ائشيمزلييه ووروب كئچيب گئدير توى ائوينين قاپيسيندا ساخلاير. تويداكي لار هاى هاراي ساليب فيش چاليرلار، بعضيسى «جابير! جابير! هاى جابير!» دئييب چيغيريرلار، سس ياتاندا سونرا چالقيچى لار «لب كارون» هاواسيني باشلايب چاليرلار، جابير اويناماغا باشلاياندا ماتورچو قاپيدان ايچرى كئچير، پيلله لرين باشيندا دوروب اوجادان چيغيريب دئيير: «سعيد؟»

حيطده كى لر قاپپيا سارى دۇنورلر، جابير ده تزه سومويونه دوشن موسيقى، قول-قيچىنى تىترتمه يه سالان موسيقى ياواشلاشيب لاپ سوساندا، اويناماقدان دايانير، آجىقلا، بۇركونو باشيندان گۇتورن كيشى يه، قورباغا گۇلونه داش آتان كيشى يه باخير. عىبا يئىين- يئىين دار كئچه جكدن پىلله لره سارى گلير، موتورچو دا پىلله لردن ائىب عىبا يا ياخىنلاشيب گئنه چىغىرير:

«عىبا او اوشاغ هار دادى؟»

«هاردا اولاجاغ خال اوغلى، باشووا دۇنيم؟»

آغ سارى كۇينكى يئنى يئتمه «عظيم عمى قوى چاغىريم گلسين!» دئىب تله سىك زئرزىميه سارى قاچير، عظيم چىغىرير «هارا گئدىب به؟»، يانينى يئره قويوب «آلا! بئله ده طولوم اولار آخى؟» دئىب، آلننى اوسته قالخىزميش دىزلرينه قويوب سىزىلدايير.

بىين آتاسى گليب الينى چىينينه قويوب يانيندا چۇمبه لىب «به اوستا عظيم اۇزو نيه ناراحت ائلسن؟ نولوب قارداش؟»، عىبا دا گليب دىزلرينى قاتلايىب يانيندا اوتوروب دئير: «به نولىب خال اوغلى؟»

عظيم باشىنى قالخىزير، «قورخىرام گليب بيردا دا پوخلانا» دئير، گئنه ده باشىنى دىزلرينىن اوستونه قويور. قارمانين سسى ياواش- ياواش قالخاندا، آشيق ممى نين قوالى نين دىنغ دادا دىنغى دا

قارمانا قوشولاندا، آغ ساری کۆینکلی یئنی یئتمه زئرزمیدن چیخیب گلیر، دالیجا دا سعید گلیر؛ رنگی آغاریب بوزارارکن، الینی دووارا وئررکن. جابیر اونلارا ساری یوروویور، آجیقلا رنگی بوزارمیش سعیده «به قودیغ اوردا نه پوخ یئردون؟» دئییر، سعیدین الیندن توتوب چکیب گتیریر، بی گیلین یانیندان سوووشاندا، ساغدیز تئز دوروب ایکی-اوچ آددیم جابیره ساری گلیب یاواشجاسینا دئییر:

«جابیر! او عظیم دلیدی ها، اوشاغدان گۆزده!»

جابیر دؤنوب ساغدیزا باخیر، جاواب وئرمه دن سعیدی عظیم اوتوردوغو یئره ساری گتیریر، جاماعات های سالیر، بعضیسی «ساغول جابیر!» زاد دئییر، آروادلارین ایچیندن ده بیرى ناریندن چیغیریب دئییر: «جابیر اماندی ها!» عظیم یئریندن قالخیب «آده به سنون آبرون حایون یوخدی؟» دئییه اوشاغا یومولور، عیبایلا بیین آتاسی «خال اوغلی! باشووا دؤنیم ایشون اولماسین!»، «اوستا عظیم باغیشدا!» دئییب عظیمی توتماق ایسته ییرلر، جابیر ده «آقاسی بی دهنی منه گۆره باغیشدا! پوخ یئب منن!» دئییر، گئنه جاماعات گولنده، محی نین ده قاپنینن آغزیندان، پیلله لرین باشیندان «ائح ائح ائی» ائتمه سی قالخاندا، سعید الینی چکیب جابیرین الیندن چیخاردیر، دیزلرینی یئره قویوب اوؤو ائله ییب قوسور. عظیم اوغلونا جومور، باشی آشاغیدا آتاسینی گۆرمه یین اوشاغین تپه سینه قاپاز سالیر، عیبایلا بیین آتاسی تئز سیچیراییب عظیمی توتوب

اوغلوندان اوزاقلادىرلار، ماشى دا گۆز قىرپىمىندا قالخىر، «أده به سنون رحمون يوخدى كىشى؟» دئيه اؤزونو تئز اونلارا يئتيرير، عظيمين بوينوندان ياپيشيب دئير:

«أده به اوشاغى نيبه اولديريسن؟»

عيبا قاش-گۆز ائله مه سيله ماشى نين قييناغىنى عظيمين بوينوندان قوپار تديرير، ياواش جاسينا «به هئله نيبه ائلسن؟ بى پوخرى هاميميز ايچىروى دايانا» دئيب عظيمين قولوندان ياپيشاراق صندل لريندن دوران لارين، ديل آلتى ميرتلا نيب «كۆپئى اوغلى اوتامميرى!»، «هيكلووه اوستيريم!» دان زاددان دئين لرین آراسيندان سوووشدورور، ماشى يلا، بير ده بئين آتاسيلا بيرليكده پيلله لردن چىخاردير، عظيم موتورونا ميننده ده دئير: «خال اوغلى! بى آزدان اؤزيم گتيررم، سن گئد آرخئن يات!»

عظيم موتورونا هنديل ووروب يانديرير، قيزىلتىيلا توى قايسىندان اوزاqlاشير.

سولدوز دستماللا سعيدىن آغزىنى تميزله يير، سونرا دا بارماغييلا اونون بوينونو اوغور، بى ده «ساغول پرويز!» دئير. باياق آراز تويا گلنده حيط قايسىندا آرازا ائشيمه لى سؤز دئمك ايسته ين، باياقكى آچىق قهوه رنگده كوتو ايندى اينينده اولمايان، آيىليب سعيدىن قوساغىنى تميزله سين دئيه هئى تئى يئره چكىب سونرا دا ائوين قاباغىنا، سارماشيقلى دووارىن ديبينه سارى قاجيرديب

شیرین آلتیندا یویاندا، بیر اوزون قارا ساچ لاری پارپار پاریلدایان، قیرمیزی گول یاپیشقان دونلو یئیین-یئیین ائوین پیلله لریندن ائنیر، دیک دابان باشماغی تاق تاق تاققیلدا یارق سعیدین دؤوره سینی آن لارا ساری گلنده، جامعات سعیدی، باشینا ییغیلان لاری، کرم رنگده کؤینه یی نین قولتوق لاری تردن ایسلانان آغ دسته لی تئی چکه نی بوشلاییب اینجه سسله «نولوب؟ سعیده نولوب؟» دئیهنه، الینی سعیدین چینینه قویان قارا قاش-گؤز، اوجا بوی قیزا باخیرلار. ماشی دا عیبا گیلله پیلله لردن ائنده دایانیر، گؤیه باخیر، بالا جا دا آجدیغی ال لرینی گؤیه قالدیزاراق «کرمووه چوخ شوکورا! خاخ لارین دا خالاسی وار بیزیم ده» دئییر، عیبا هیرهاهیر هیریلداییب الینی آغزینا باسیر، بیین آتاسی دا گولومسه ییر.

جاوان لار باشلاییب «منی آتدین آی قیز، آی قیز، آتشه...» نی اوخویورلار، چالقچی لار دا اؤزلرینی اونلارا قوشورلار، فرزادلا ممد، هم ده اونلار کیمی نچه جاوان حیطین اورا-بوراسیندان اؤز یئرلریندن قالخیب اوجادان «...بسله مکدیر عشقیوی داییم پئشم...» دئیهرک ماهنی نین دالینی توتورلار. ماشی دالییا دؤنوب اوجادان «فرزادا!» دئییب شاققیلداییب کئچیر، فرزاد اوخوماسینین آراسیندا اوجادان دئییر:

«ماشی عمی ایشمیسن؟»

ماشى يىنى فرزاد گىلە سارى قاوازيب تىپەدەرك جاواب وئىرىپ
 «يوخ!» دىندە، جاماعات دا ماھنى نىن دالىنى توتوب «...آتاچاغدىن
 مى سئودىن سۇيىلە بس نىچىن...» دىندە فرزاد چىغىرىپ دىيىر:
 «آرازىندى ھا!»

چۇپ بويونلا نادىر دۇنوب دالى باخىب ال لىلە «آدە نە ھاى ھاىرى
 سالىبسان؟» كىمى بىر سۇزو فرزادا قاندىرىرلار. سولدوز قىرمىزى
 دون گىنىن قىزا باخىب گولومسەرىك «اصلن نىگران زاد اولمىن!
 من اۇزىم ھىچ اولماسا اللى دىلە بىللە اولمىشام» دىيىر، يانىنداكى لار
 گولوشور. ساغدىز «ئىلە اۇزوو گورا دا بى دوختىر قىرىغى
 اولىبسان!» دىيىر، گىنە اورداكى لار گولوشور. سولدوز يىنى
 سىدىن كورەيىنە قويور، او بىرى يىلە دە يىندن ياپىشىب
 قالخىزىر، خالاسى، سىدى قوجاقلایىب اوزوندن اۇپور. جاماعاتىن
 بعضىسى نىن «باخدەر باشووا!»، «ھىلە خالانىن من جانىن
 يىيەرم!» پىچىلتى لارى قويور. اىرچ دە يىرىندىن قالخماق، بىر سۇز
 دىمك اىستەيىر، آما قالخا بىلمەيىب گىنە اتورور. قىرمىزى دون
 خالا، سىدىن يىندن توتوب «چوخ ساغولاسوز... مرسى!» دىيىر،
 گلىدى يىرە سارى يولا دوشوب پىللەردىن قالخىب ائو گىرىرلر،
 كىشى لىرىن «يالوارىرام گل، مىنى آتما، ترك ائتمە...» دىمەلرى
 يىرى-گۇيو باشىنا گۇتورور.



دوز خیاوانین اورتاسیندا ساخلادیغی ماشینین شوشه‌لرینی، قاپی‌لارینی زادینی گیزیلده‌دیب تیره‌دن موسیقی‌نین گومب‌گومبوندن نمّنه دئدییی ائشیدیلسین دئییه، باشینی ریضایا یاخینلاشدیریر، چوخ اوجادان «آیه گئده‌ین او خلیل قوریمساغین قاپیسینا ایشییه‌یونئ!» دئیر، باشینی دالییا دؤنده‌ریر، الینی بونا باخیب گولومسه‌ین آرازین، نم‌هارانین دا یانیب-سؤن چیراغی قاپییا ساریکی قولاغینی قیزاردیب بوزاردان آرازین دیزینه قویور، اوندان دا «هه؟» دئییه سوروشور، آراز گوله‌رک «ایشییه‌یون؟» دئینده هایلا بونلارا «گلوز! گلوز!» دئییب ماشیندان ائیر، ماشینین

قاپسىنى باغلامادان خىۋانين او تايىنداكى پيادا يولونا قاقچير،
 اوردان دا بير دار كوچه يه گيرير. رىضايلا آراز دا موسيقى نين
 خودونو آلمادان، دوشندن سونرا دا هئچ آجدىق لارى قاپى لارى
 باغلامادان، گوله-گوله قاقچىب اسرايىل كئچن كوچه يه كئچىرلر،
 كوچه نين دؤنوموندن، بير برق آغاجى نين يانىندان دؤنورلر، باياق
 حىطده سارى كؤينه يى ايندى برق آغاجى نداكى چىراغىن
 چتىنلىكله گلىب كوچه نين دىبىنه يئتىشەن آزاراق ايشىغىندا كرم
 رنگىنه چالان اسرايىلا سارى قاقچىب گوله-گوله اؤزلىرىنى اونا
 يئتىرىلر. بونلار يئتىشە يىن، اسرايىل شالوارى نين زىپىنى چكىب
 نەنە سىنى چىخاردىر، گولوب-گولوب، سونرا بونلاردا باشىيلا هىم
 ائله يەرك ياۋاش جاسىنا «چىخاردون! چىخاردون!» دئىير. آراز گوله-
 گوله رىضايلا باخىب باشىنى يوخارى آتاراق «آده عايىب دىيى!»
 دئىيب، بير-يىكى آددىم دالىيا گئدىر. رىضا گوله-گوله زىپىنى
 آشاغى چكىر، بير اليله آشاغى دوشوب سودويه دىمە سىن دئيه
 كراواتىنى اوستە يىغىب ساخلايىر، او بىرى اليله دە شئىندەن
 ياپىشىب چىخاردىر، گوله-گوله اسرايىلا باخىر، اسرايىل چوخ
 ياستى، چوخ دا ياۋاش «اۋچ... يىكى» سايىب «بىر» ي دە دئجە يىن
 يىكىسى نين دە شومبول لارى نين باشىندان سودوك چىخىب قاپىيا
 دىير. آراز گوله-گوله بىراز دا دالىيا چكىلىر، رىضايلا اسرايىلدا
 چىخان سودوك قاپى نين كىلىد يئرئنه، دستە سىنە زادىنا دىب

اوردان دا آخیب قاپینین آیاغینا گلیب یئرده سوزور، اسراییل یاواشجاسینا دئییر: «کؤپئی اوغلی! دده سینین گورینا قابلا دیغیم قیزی منه وئرمه دی!» دئییر: «...تو!» دئییر: «تو ننؤن او قجه آغزینا قابلئیم!» ریضا ایشه یه-ایشه یه دؤنوب آرازا باخیر، ایکسی ده سس سیزجه سینه گولورلر، ماشیندان قاوزانیب، خیوانی سوووشوب کوچه نین بونلار ایشه دییی یئرینه گلینجه اورا-بورا داغیلیب، آزیب آزالان گوپ گوپو ده بلکه ائشیتمیرلر.

خیوانین قیراغیندا، اسراییل گیلین ماشینینا بیراز قالمیش، بیر ماشین ایریسینه دایانجاغین، خیوانا ساریکی دال قاپیسی آچیلیر، شادای دوشوب ماشینا ساری قاچیر، ائله همن تویداکی ساغدیز دا فرمانین دالیندان ائیر «آده اسراییلین ماشینیدی» دئیهرک بایا قکی سورمه رنگلی کوتو اینینده اولمادان، بوینونداکی ساریا چالان کراواتی بوللانراق شادایین دالیجا او یئددی-سککیز آددیمی قاچیب ماشینا یئتیشیر، تعجبله ماشینین ایچینه باخارکن «گؤره سن نولیب؟» دئیهر کئچیب گئدیر ماشینین قاباغینا. ساغدیزین ماشینین قابق قاپیسیلا، پادا یولوناک دال قاپیسی آچیلیر، بابک قابق قاپیدان دوشور، آنجاق ایره لی له مدن ائله اوردان باخیرسا دا، بابکین یانینداکی یکی جاون لار دالداکی قاپیدان دوشوب یئین یئریب گئدیرلر، یئتیشجه یین ده ماشینین اوتای-بوتایینا، دال-قاباغینا باخیرلار. ساغدیز ماشیندان قوپان

گۈپ گۈپدەن، يىرى-گۈيو باشىنا گۈتورن گۈپ گۈپدەن الينى دېرتمە سىلە، گۈزۈنو قىيىب آغىز-بورنۈنو قىرىشىدېر ماسىلا اينجىمە سىنى گۈرسە دەرك دئىير:

«گۈرەسن باشىنا بى ايش-مىش گلمئب؟»

ايكى جاوان ماشىنىن بۇيرونە، دالينا زادا باخىرلار، توك لرى قهوه رنگىنە چالان قارا پاپيونلو، شاداين يانينا گلەرك دئىير: «ماشىنا بى شى دىيب ائلە مئب.» باشى قىرخىق دا آيلىب دال سىپرە ياخىندان باخارق «يوخ! ھىش زادا! ھىش زادا اولمئب!» دئىندە، دوز داليندا دا يانان بىر ماشىنىن جيغىلتىيلا ترمز توتما سىندان دىكسىنەرك دۇنوب دالينا باخىر، الينى سىنە سىنە قويوب تۇۋوشە-تۇۋوشە يە دئىير: «نە خبرۈندى؟» ساغدىز تىز دېرىب او ماشىنا سارى يورويور، قهوه رنگلى توكلە، شاداي دا گلمك ايستە يندە، گولوشمك ھايى قاوزانىر، ماشىن بىراز خياوانىن اورتاسىنا سارى آلىنىب قاباغا گلير، شاگرد طرفىندەن بىر كىچى ساققاللى گۈي گۈز باشىنى ائشىيە چىخاردىب گولە-گولە دئىير:

«آدە بە ياخى قوما را قالمئبسان؟»

قىرخىق باش دئىير: «آدە اولدېم داينا! بئلە دە شوخلوغ اولار آخى؟» كىچى ساققال موسىقى سسى نىن اوجا اولماسىندان ائشىتمە يىب دئە گۈزۈنو قىيىب الينى دېردەرك دئىير: «نە دئدون؟» بنفش

کراواتلی قیرخیق باش، بیر-ایکی آددیم ماشینا ساری گئدیب
 اوجادان دئییر: «دئیرم بئله ده شوخلیق اولار آخی؟»
 کئچی ساققال گوله-گوله اوجادان دئییر: «قوخدون؟» سونرا
 سوروجویه ساری باخیب دئییر: «آده مملکتین سربازین نییه
 قورخیزدون آخی؟» سونرا ماشینین خیوانا یاییلان گوپ-گوپوندن
 دئیدی ائشیدیلسین دئییه، چوخ اوجا سسله باشی قیرخیقدان
 سوروشور: «قومار واریدی؟»
 «هه!»

«ناصر کی اوردا دیریدی؟» دئییب شادایا دا الینی قاوزاییب دئییر:
 «یاللا شادای!» شادای گولومسه ییب ال قاوزاییب، بنفش کراواتلی
 قیرخیق باش، اسراییلین ماشینین آچیق قاپیسیندان باشینی
 اوزادیب موسیقینین سسینی کسیر، قاپینی اؤرتور، هر یئره
 سس سیزلیک چؤکور، اؤز-اؤزونه «قولاغیمیز گئددییی!» دئییب
 سونرا کئچی ساققالدان سوروشور: «نه دئدون؟»
 «دئدیم ناصر یوخیدی؟»
 «نییه یوخیدی؟ اوردئدی!»

کئچی ساققال اوزونو یانینداکی سوروجویه توتوب دئییر:
 «گورینسن؟» سونرا بونلارا ساری باخیب دئییر: «به ناهاردا دئیردی
 مهدی نین تویندا یوخام آخی! دئیردی اؤیون گئجه نه ییم واریدی

اوتىزدىم، دئىردى ايندى دوز بى قىرانا گوللە آتيرام!» سونرا دۇنوب سوروجويه سارى دئىير:

«هله دئدى آجىمننان اۋلىرم، گئتدوى پىتى يئدوى!»

شاداي بىر-ايكى آددىم قاباغا گليب دئىير: «پىلى يوخىدى پىتى يىيه؟»

«دئىرم داي، پىتىنى ده منه آلدىردى!»

شاداي «آده يئرى قاش گئدى! ائله ايندى هاميدان چوخ او آنام وئردى...» دئىيب داليجا دا «...خورىزى آلدى منن!» دئىنده، خياوانىن او اليندن اوجادان «آيه شاداي!» دئيه قىيها چكن اسرايىل، داليجا دا «آيه شاداي! ..آيه شاداي!» دئيه اونو يانسىلايان رىضايلا آراز قاققىلدا يارق ماشين لار دوران يئره گليرلر. اسرايىل لهله يه-لهله يه، گوله-گوله بونلارا «آيه كئفوز؟»، سونرا الينى ساغديزا اۋلچهر ك «آيه او مھدييه قشى اۋرەدون آ! حيوان اوشاغ باشارماز بىردن، قىرمىزى صمد باباسى كىمى پوخلى يئره زادا سوخار» دئىير، هامى شاشاشاق گولور، كئچى ساققالا «آيه ساققالووا ايشئيم! تويدا يوخىدون؟»، الينى كئچى ساققالين يانيندا اوتوران سوروجويه سارى توتاراق دا «آيه او كىمدى؟»، سونرا دا بىراز ماشينين قاباغىنا سارى گئديب گولهرك «آيه امين ايمىش كى!» دئىير. ساغديزين ماشينىنا باخير، باياق ماشينين آچىلمىش قاباق قاپسى نىن داليندان دوروب باخان، ايندى ده كئچىب يئرينده

اوتوران بابکه الینی قاوزاییب، «آیه بابک سن نجه سن؟» دئییر، ماشینین قاپیسینی آچیب اوتورور. کئچی ساققال ال قاوزاییر، امین ایکی دؤنه سیگنال چالیب یولا دوشور. اسراییل باشینی پیادا یولوناک ی پنجره یه اوزاداراق اوجادان دئییر:

«آیه ریضا! آراز! اوتوروزی، اوتوروز!»

آراز دال صندلده، ریضا دا اسراییلین یانیندا اوتورور، اسراییل آینادان دالییا باخیر، بابکین قارا پاپیونلوپلا، بنفش کراواتلی باشی قیرخیق یانچی لارینین دال لاریجا گئدن شادایا گؤزو دوشجه یین، تئز دال بادالا ایکی-اوج سیگنال چالاراق ریضایا دئییر:

«آیه او شادایی چاغیری!»

ریضا باشینی پنجره دن چیخاردیب چاغیریر: «های شادای!»

شادای دؤنوب دئییر: «هه؟» دئییر: «نه دئنس؟»

ریضانین اوجادان «گه گور اسراییل نه دئیر؟» دئمه سینه ماشینین قاپیسینی آچماق ایسته یین ساغدیز دا دؤنوب دالییا باخیر، شادای ریضا گیله ساری گلیر، ماشینا یئتیشجه یین، اسراییل الینی شادایا ساری اوزاداراق سوروشور: «آیه خوریزی نئچییه وئردون؟»

«وئردیم دای!»

«نئچییه وئردون داینا؟»

شادای گولور.

«به گؤتوه ایمان قابلا سین دی داینا!»

شادای گئنه گولور.

اسراییل دئییر: «آنامی دا ناصیر وئردی دای؟»

«هه!»

اسراییل «موهده پیلدی دئین، نه خژدئر؟» دئییب دبرمک ایسته‌ینده، ریضا باشینی پنجره‌دن ائشییه چیخاردیب شادایا دئییر: «سن ده چوخ برکییسنی شادای، گری هر نه وئرسه لر آلیب قویاسان گؤزون اوستونه، دییه سن آلاه موبارک ائله‌سین!» اسراییل الینی ریضایا اولچه-اولچه «آیه دای مؤعظه ائله‌مه‌یی» دئییر، ایکی یول دال‌بادالا سیگنال چالیب یولا دوشور، اوجادان دا ریضایا دئییر: «آمدیغیمین اوغلی!» آراز گوله-گوله ایچینی چکیر، ریضا الینی آپاریر اسراییلین قیچی‌نین آراسیندان یاپیشیب سیخیر، اسراییل چیغیریب «آیه گؤت وئرن بوشدا! بوشدا!» دئییر، ریضا بوشلاییب دئییر: «آمدیغون دا وار؟»

اسراییل موسیقی‌نین خودونو وئیر، یاواش-یاواش بوم‌بوش خیواندا گئدیر، خیوانی آخیرا یئتیریب فلکه‌یه چاتاندا، آرازین موبایلی زنگ چالیر. آراز موبایلینا باخیب «دده وای مامامدی!» دئییب الیله ریضانین چینینه ووروب دئییر: «اونین بی آز خودین آل!» ریضا خودونو آلیر. اسراییل آینادان آرازا باخیب میرتلانیر، الینی ده آرازا ساری اوینادیب یاواشدان «مامامدی! مامامدی!» دئییر.

آراز «بلی!.. گلیرم... هه! یولدیام... بابام بیلدی؟! یاخجی! یاخجی! ایندی تئز گلیم» دئییب دانیشانان سونرا اسرایلا دئییر: «اسراییل تئز منی قوی قاپیمیزدا!» ریضا باشینی دؤنده ریب دئییر:

«آده به نه تئز؟»

آراز دئییر: «به ائشیتمه دون؟ مامام دئدی تئز گه داینا!» اسراییل آینادان باخیب الینی آراز اولچه-اولچه دئییر:

«آیه ماما کمر باریکه دییری!»

ریضا اوجادان هاهاهای ائدیر، اسراییل گوله-گوله «مامام دئدی، مامام دئدی» دئینده، آراز دئییر: «واللا اؤزینه دییه جییم.»

اسراییل آینادان باخیب دئییر: «کیمه؟ مامووا؟» دئییر: «ها دئن!»

بارماغینی آرازین آیناداکی شکیلینه یاخینلاشدیراراق دئییر:

«ایندی ائله سنون مامون گلیب منی هوپ ائلر!»

ریضا گولور، گوله-گوله ده الیله آرازی گؤرسه دیب دئییر: «آده به بینین ماماسیننان قوخمیسان؟ واللا من بینین ماماسین گؤرنده وئررم شالوارا!»

اسراییل دئییر: «آده دای آز دئن داینا!» سونرا دا لاغ لاغایلا دئییر:

«ماماسی! ماماسی!»

ریضا «چوخ دا قشیدی! چوخ! فقط بی آز کؤهدی!» دئییب دؤنوب آراز باخیب دئییر: «شوخلیغ ائله میرم آ! دوز دئیرم.» سونرا اسرایلا

«كاش ائله سن اۋزون حميده خالا كىمى بى ارواد تاپاسان» دئيب
 دۋنوب اسرايىلى آراز گۋسترەرك دئيب: «بىنا باخى؟»
 اسرايىل فلکە يە يئتیشيب دۋنوب گلدیى خیاوانا سارى قايیداندا،
 آراز دئيب: «اسرايىل بە بى دە نە قیتدون؟ بە من آخى گئدیرم
 ائیمیزه!»

«... بى ديقا! فقط بى ديقا صبر ائله!» دئيب سرعتلە گلیر، رىضا
 دۋنوب آراز باخیب «دیه سن بى تئزدیه ائوه گئتدی یوخدى!»
 دئيب گولور، اسرايىل گلیب خلیلین ائوى اولان کوچەنین آغزیندا
 ساخلايىب دئيب: «كئفلى لیمیز اوشماسئیدی گئدیپ او
 كۋپئى اوغلینین قاپیسینا بى دە ایشردوی!» رىضا گولومسەیرک
 اسرايىلا باخیب دئيب: «بە بى دفه ایشه دون اوره یون سویمادى؟»
 دۋنوب آراز باخیر، گۋز وورراق اونا دا دئيب: «هه آراز؟ دوز
 دئیمیرم؟»

اسرايىل ماشینی دۋندەریر، سرعتلە ایندی گلدیى یولو قايیدیر،
 یئتیشیر فلکە يە، سولا دۋنوب گئنه سرعتلە نیب گئندە، آراز
 باشینی قاباغا آپاریب دئيب: «أده بە هارا؟» اسرايىل بونلارا
 باخمايىب ائله او سرعتلە گئده-گئده دئيب: «أیه من سنى بئله
 بیلمزیم، نە قورخاغمیشسان؟» رىضا دۋنور آراز باخیب
 گولومسەیرک «ئئینه یى بى آز دۋز! ایندی گئدە روی!» دئيب، سونرا
 گوله-گوله اسرايىلا «أده بە هارا گئدیسن؟..» دئيب الیلە دە آرازى

گورسه ده رک دئير: «...به گورميسن اوشاغ تله سير؟» اسراييل سرعتي آزالديب بير كوچه نين آغزينا يئتيشيب كوچه يه دؤنده، ريزا گوله-گوله دئير: «آده ايندي عزيز ياتارا!» دئير: «عزيز گيله گنديسن داي؟»

«گؤتي اونا بي زي وير.»

ريضا «من؟ بئواخدييي» دئير. اسراييل ميرتلانا-ميرتلانا ريزايا باخير، سونرا اينادان آراز باخراق دئير: «گؤزو يئم آراز! اوندا سن زي وير!» آراز دئير: «من عزيزنن مشتري ديرم كي!»

اسراييل كوچه نين اورتالاريندان سوووشوب گندير، ريزا ائشيه بويلانيب سونرا دؤنوب دئير: «اسراييل بيرا دير؟» گنه دؤنوب ائشيه باخيب «آده بيرادييي!» دئيرسه ده، اسراييل ريزايا باخمدان ائله ماشيني كوچه نين ديينه ساري سورور. ماشين كوچه نين چالا-چوخورونا دوشوب تاققاتوققلا آشاغيا ساري گندير، ريزا سوروشور: «اسراييل به عزيزنن آلمياجاغسان؟» اسراييل ماشيني ساخلايب دئير: «به بيرا نه يه گل ميشوي؟» سونرا دؤنور، ييني كوچه يه ساري توتاراق دئير: «اورا چوخ ايشيغدييي!» ريزا گولور، ييني گتيريب اسراييلين اوزوندن بير قيرتما گؤتورمك ايسته ييب، «آده سن يامان آدامي ميشسان!» دئنده، اسراييل باشيني قاچيرديب الي نين داليني ريزايا ساري آتير، ريزا دا گوله-گوله باشيني او يانا چكير. اسراييل پخشين آلتينداكي تاققا

كىمى دن موبايلىنى گۇتورور، «عزيزا!.. عزيزا!» دئيه رك بارماغىنى صفحەسىنە سورتور، موبايلى قولاغىنا توتوب بونلارا دا «ولى گۇزىم سو ايشمير او كۇپئى اوغلى منيم زنگيمه جاواب وئره!» دئير، عزيزين جاواب وئرمەسىنى گۇزلەيركن بيراز سوسور، سونرا موبايلى قولاغىندان چكىب دئير:

«دئمه ديم!»

ريضا سوروشور: «به نييه؟ كوسوبسوز؟»

«بياغ آراغ آلاندا ننه سين زادين ييغديم بى يئره!»

ريضا گولومسەيرك دئير: «هلبت آيرى بى شئيه گۇرا كوسوب. يوخسا عزيز ننه يامانينان زاددان كوسن دئير!» اسراييل رىضايا باخيب «آخى ننه سينين عاييب يئرين يامانناديم!» دئيب هاهاهاى گولور. رىضا «بلكه پيلين زادين كسيبسن...» دئيب دۇنوب آرازا باخيب دئير: «هه آراز؟ هئله دئير؟» آراز گۇزلويونو كؤينه يىنين آتە ييله سيلەرك گولومسەيير، رىضا بير دە اسرايىلا باخيب دئير:

«هه؟ پيلينان كسدون؟»

اسراييل «قوريمساغين اوغلى يامان باهالاشديريى» دئجەيىن، رىضا يىنى يىنە ووروب هاى هارايلا گولور، آرازا دا دۇنوب باخيب، دئير: «دئمه ديم؟» اسراييل «آيه قحبه آرواددار كيمى گولمەيى!» ايندى قاپى-قونشى تۇكىليب گلر!» دئيب سونرا باشىنين

اوستونده کی آینایا باخاراق دئییر: «آیه بی کیمیدی؟» ریضا دؤنور دالییا، آراز دا گؤزلویونو تاخیب دؤنوب باخیر، بیردن دئییر: «آده سیروس!»

ریضا دئییر: «سیروس؟» اسراییل دئییر: «نه سیروس؟»
«بابامین همکاری داینا!»

ریضا گئنه دؤنور دالییا، برق تیرینین آلتیندان یئین-یئین سوووشوب گلن کیشییه باخاراق دئییر: «بابون همکاریدی؟» دئییر: «ئوی بیردا اولیر؟»
«یوخئ!»

«به بی وده بیردا نه قیریر؟»

اسراییل دئییر: «اولی کی صیقه سی زادی وار بیرالاردا!» ریضا گولور، اسراییل «آراز باشو چک آینه بی!» دئییر، بوز کؤینکلی گؤرونن یوغون کیشی نین آچار سالمادان، زنگی باسمادان بیر قاپیدان ایچری کئچمه سینه آینادان باخا-باخا «یاخجی شغل بینا دئمیشم باخ! ائوده ده دئییل لر بلکه بئناوا...» دئییب، «سحرین اؤزینه جن کئشییدی!» ده دئییه-دئییه، فرماندان یاپیشاراق اؤزونو قاباغا آپاریب دالییا گتیریر. ریضا گولور، گوله-گوله ده دالییا دؤنوب آرازا دئییر: «سنون بابو دئمیر آ!»

آراز دئییر: «آده منه یامان بئواخت اولدیئی، نولار منی آپارون
قویون ائیمیزه داین!» اسراییل ریضایا ساری باخیب الینی اولچهرک
دئییر: «آده تئز اول گوئی او عزیزه بی زئی ویر داین!»
«یاتاری.»

«آده ها یاسسین! تئز اولی!»

ریضا بارماغینی موبایلی نین صفحہ سینہ سورته رک اسراییل دان
سوروشور: «شوشه یا آچیغ؟»
«آیه آچیغی، دوز شوشه وار ایندی!»
ریضا سوروشور: «بی قاب؟»

«هه! بی قاب!» دئییب، سونرا ریضادان، باشینی دؤندریب آرازدان
دا سوروشور: «دئییرم ائله بی قاب بسدی داین، هه؟» ریضا، موبایل
قولاغیندا دئییر: «هئی!» دئییر: «دریادی!»

«عزیز یاتمیشدون هه؟.. باغیشدا! چوخ باغیشدا!.. بی آز اسگییمیز
واریدیئی... هاهاه... بی قاب گوئر... قاپوزدیام... یوخ! دوز قاپوزدا
یوخ! بی آز آشاغیدا... آخی اورا چوخ ایشیغدیئی... دونن
قوشیب لار؟.. سن ویریب تۆکیسن اولار گلیب قوشیل لار؟.. هاهاه...
دوغیردان؟ پیلی نئچئیلئر؟.. خوایش ائلئرم... یاخجی! یاخجی... بی
آز یئنسون آشاغی منی گوئر سن» دئییب دانیشماسینی قورتاریب،
گوله-گوله ده موبایلینی قولاغیندان چکه رک دئییر: «لامپی هئی
عزیز داشنان ویریب تۆکیر، اولار گلیب قوشیل لار!»

اسرائیل «دئدی نئچه؟» دئیه رک الینی جیبینه سالیر، ریضا ماشیندان ائنه-ائنه دئییر:
«من حسابلییا جیام.»

اسرائیل «ایه یوخا! گه، گالا آپارا!» دئسه ده، ریضا ماشینین قاپیسینی اؤرتمه دن اوزو یوخارییا یئرییر. آراز دؤنوب شوشه دن، اسرائیل دا آینادان ریضانین گئدیپ عزیز گیلین قاپیسینا چاتماسینا، بیر دقیقه کیمی اوردا دورماسینا، عزیزین قیسا شالوارلا قاپیدان چیخب الینده کی بیر قارا موشامبانی ریضا یا وئرمه سینه باخیرلار، ریضا الینی جیبینه سالیب پول چیخارداندا، اسرائیل دئییر:

«بیرنینا تاخدیغیم، گؤره سن ریضادان نئچه آلاجاغ؟»

ریضا الینده قارا موشامبا تله سیک گلیب ماشیندا اوتورور، قاپینی اؤرتجه بین اسرائیل سورور. کوچهنی اوزو آشاغیا گئدیپ خیوانا چیخیر. اوچو ده عزیزین آغوش قیسا شالواریندا کی یئکه-یئکه باتیق بله شییی ریضا یا گؤرستمه سینا، اسرائیل یوللادیغی یامانا اوجادان قاققیلدا ییب گولرکن اسرائیل فلکه دن دؤنور سولا، گئنه ده سرعتله گئدیر. بیراز گئندن سونرا، بیردن ترمز توتوب ماشین یی ساخلاییر. ریضا تعجبله اسرائیل باخیب آغزینی بیر سؤز دئمه یه آچینجا، اسرائیل دؤنوب آراز دئییر: «گؤزو یئم آراز! دوش مسلم دایون توکانین قاباغیندان بی-ایکی پمه دوردان خیاردان گؤتی گه!»

«مىسىلم دايمىم گىلىنن كوسمىشويى!»

اسرايىل «آيه توكان آچىغ دىير كى كوسه سوز يا كوسمىيه سوز!»
 دىيب اوزونو رىضيا توتوب دىير: «گىنه اۋزونى رىضا!» رىضا دىير:
 «ياخجى!» قاپىنى آچىب دۋنوب آرازا دا دىير: «به اوۋن مامو بىردا
 گۇردىم آخى!»

«ھاردا؟»

باشىيلا الينى توكان لارا سارى توتاراق دىير: «مىسىلم توكانىندا،
 دورمىشىدى دايونان دانىشىردى.»

«مامام اولمازدى، گۇره سن كىمى گۇرىبىسن.»

«دوزدى دالى منە سارىدى، ولى تانىدىم.»

«دئمه دىم مامام اولمازدى، اوزىن گۇرمئىبىسن كى!»

اسرايىل دۋنوب «آيه سنون ماموننان سورا بى شىھردە كىمىن او
 بويدا گۇتى وار آخى؟» دىيب ھاھاھى گولور، رىضا اوجادان
 قاققىلدا ياراق ماشىندان ائىر، قاپىنى باغلامادان يىين-يىين
 يىرىيب آرخدان كىچىب توكانا سارى گىدىر، آراز ھىچ بىر سۇز
 دىمىر، باشىنى بوللايب اسرايىلا باخىر.

رىضا يوخارىيا-آشاغىيا باخىر، مىوه لرىن اوستونە چكىلن چادىرىن
 اوجونو قاوزايرىر، مىوه لردن بىر نىچەسىنى گۇتورور، تىز قايىدىب
 قاقچىب گلير، مىنير ماشىنا، اسرايىل گولە-گولە «ساغول رىضا!
 دوغىردان ساغول!» دىير، رىضا مىوه لرى قوجاغىنا قويوب قاپىنى

چکیب باغلا بیر، ماشین یولا دوشور. ریضا باشینی دؤندر مه دن
 «آراز، حئیف آلچا اولمادی!» دئییب گولور، اسراییل آینادان آراز
 باخاراق سوروشور: «آراز سن آلچئینان ایچیسن؟» ریضا گوله-گوله
 دئییر: «آیه جفرین آلچاسین دئیرمی.»

«آیه! هانسی جفر؟»

«آده جفر داینا! به بیاغ گلیب بلندگونان دئمه دی؟»

«پوخ یئدی! یاخجی ائله بیز اوندا دوردوغ گئددوی زئرزمیه!»
 ریضا گوله-گوله «آده یامان جالییدیئی! من ده ائله ایندی اوردا
 ائشیددیم!» دئییب گئنه گوله-گوله، باشی نین توکلرینی
 تومارلایا-تومارلایا «حاجی سونا جفری...» دئجه یین اسراییل دئییر:
 «آیه جفری اؤتیرئی!» الیله داشبوردون جعبه سینی گؤرسه ده رک
 «اوردا استکان وار، گۆتی تۆک!» دئییب آینادان دا آراز باخیب
 دئییر:

«دئیسن آراز، اول تۆهسین سنه وئرسین، هه؟»

آراز دینمیر.

ریضا داشبوردون جعبه سینی آختارا-آختارا دئییر: «به نییه خوشون
 گلیمیر؟ جفر کی شیرین آدامدی!» اسراییل دئییر: «شیریندی؟»
 دئییر: «آیه ایت توریمیدیئی!»

ریضا گوله رک استکانین یاریسیناجان آراغ تۆکور، «ولی
 ائشیدمه سون جیبونن گئدر ها!» دئییب استکانی اسراییل ساری

توتور، اسراييل «زوردى؟ ايسته ميرم ائشىدم دايئا قارداش!»
 دئيه رك ريضانين بونا سارى استكان توتماسيني گؤروب دئير:
 «اؤل وئر آرازايى!»

«گالا هله سن ايچ! آراز دا وئر جييم.»

اسراييل فلكه دن ساغا دؤنور، ماشين اوزو يوخارى كيمييه قالخير،
 استكاني رياضدان آير، ريزا آراز سارى دؤنور، «دئسن سنه آچا
 تاپيم؟» دئيب گولور. اسراييل استكانا باخراق «قيمادون؟ بينى
 قشى دولديرئيدون دايئا!» دئير، سونرا اينادان آراز باخيب «آراز
 سنون ساليغووا!» دئيب استكاني باشينا چكير. ريزا تئز بير آلم
 اسرايلا وئرمك ايسته ينده، اسراييل «خيار يوخيدى؟» دئيه
 سوروشوب استكاني ريزايا وئير، ريزا «آده! هاي هايدا سنه خيار
 تاپاچاغديم؟» دئينده، گوله-گوله آلمانى آير. ريزا ياريم ليتر ليك
 بطريدن استكانا آراغ توكمك ايسته ينده، ال ساخلاييب سوروشور:
 «آراز پارا وئريم داي؟»

«ايشميرم!»

ريزا اسرايلا باخيب دئير: «آده بينى كوسدردون ها!»
 اسراييل دئير: «كوسدرديم؟» اينادان دا آراز باخيب دئير: «نه
 دئديم من باشووا دؤنيم؟» ريزا دئير: «هلبت او سؤزه گورا كوسيب
 دايئا!»

«نه سؤزه؟»

«ماماسینا گورا دئدون ها!»

اسراییل آینادان آراز باخیب دئییر: «اونا گورا کوسیسن؟» دئییر:
«پوخ یئدیم! آنامادیم! سن ده منه بی سؤز دئی، عوضی چیخسین!»
ریضا گولور.

اسراییل آینادان آراز باخیب دئییر: «باخ هر نه دئیسن دئی،
آزاسان.»
ریضا گئنه گولور.

اسراییل دئییر: «آیه نه گولیسن؟ ننه م جانی دوز دئرم.»
ریضا آراز ساری دؤنوب قولاغینا بیر سؤز دئییر، گوله-گوله گئنه
دؤنور قاباغا، اسراییل دئییر: «نه دئدون؟»
ریضا گولومسه یرک دئییر: «هئس زادا!» سونرا پخشین خودونو
وئریب، آراز ساری دؤنوب دئییر: «آراز استکانی دولدیریم؟»
«یوخ!»

«آده قوی بیرین وئریم داینا!»

«یوخ!»

«سنی مامون جانی بیرین ایچ!»

آراز باشینی بیر توولاییب گولومسه یرک دئییر: «نئینه ی بیرین
وئرا!»

ريضا بىراز دا پخشىن خودونو وئىر، چىينىنى اوينا داراق بطرىدن استكانا بوشالدىندا، آراز دئىير: «دېيىندە وئر! اىستەمىرم ائوہ آشا- آشا گئدم.»

ريضا آراغ بوشالتدىغى استكانى، اورا-بورا باخاندان سونرا دۇندە رىب آرازا وئىر، آراز آلىب «ساغولون!» دئىيب باشىنا چكىر، رىضا دۇنور، اليندە بىر هولو آرازا سارى توتور، آراز دئىير: «آلما وئر!» رىضا گولەرك «آدە! نە فرق ائلىير آخى؟» دئىيب داشبوردون جعبەسىندىن بىر آلما تاپىب آرازا وئرەرك دئىير: «گالا، بى دا آلما!» آراز آلمايا بىر دىش وورور، چئىنەيە-چئىنەيە دئىير: «قوخدىم هولى آخا، كۇينەيمى بلىيە!»

ماشىن بىر اوچ يولا چاتىر، سول الدە ائىلى بىر كوچەيە دۇنور، بۇيرونده خىردا پارك كىمى اولان كوچەيە، اسرايىل «بىرا يامان ساىخىندى، بىز ھەمەشە گلىروى بىرا» دئىەرك بىراز قاباغا گئدىر، ماشىن باشىنى پاركىن قىراغىنداكى يوغون قلمەلرە سارى وئىرې دايانىر. قلمەلر پاركىن دۇورەسىنى آلىبلار. گاهدان آرالارىندا سوپود دە گۇرسنىر، آما چوخو قلمەدى. يارپاق لارى دا چوخ ياواش بىر يئللە اسىرلر. قارقا يووالارى دا وار آج لاردا. قارقا لاردان خىر يوخدور آما. ياتىبلار ھلبت. ھامىسى ياتىبلار. اوياق اولسايدى بىرى، يووادان باخسايدى يئرە، اسرايىلېن ماشىنېنى گۇرردى. اىستەسەيدى ايچىندەكى لرى دە گۇرردى. گۇرردى

اسرائیل لا ریضانین دال بادل استکان قالدیریب خیرتدکلرینه تۆکمهلرینی، گۆرردی ده ایچندن سونرا هولودن، آلمادان دیش لرینه چکمه لرینی. بلکه ائشیدردی ده اسراییلین «آیه بیاغ دئدیم ایسته میرم ائشیدم داینا، جفرین بیرینا کئچیردیم سونا قاریشیق!» دئمه سیله، دالیجا اوجادان گولمه سینى. آما قارقالارین هامیسی یاتیبلار. هئچ ماشینین یاندیریلیب دبرمه سیله، نیرهانیرلا دال-قباق اولوب خیوانا چیخماسیلا دا دورمورلار هئچ بیرى.

سرعتله گئدیر اسراییل. ماشینین بلندگولاریندان موسیقی هایى قوپوب خیوانا یایلیر، او خیوانی سرعتله گئدیبلکه یه یئتیشیر، فلکه دن سوووشور، گئنه سرعتله گئدیبل ساخلاییر بایاق ساخلادیغی کوچه نین آغزیندا، خلیل گیلین کوچه سینین، آراز دئییر:

«بى آز قیراغدا ساخلا!»

اسراییل دؤنوب آرازا باخیر، گوله رک باشیلا الینی توولاییر، ریضایا «تئز اول! تئز اول دوش گه!» دئییب ائنیر. ریضا ائنمیر. اسراییل یئیین-یئیین ماشینین قاباغیندان سوووشوب ریضایا ساری گله-گله، اونون هله ده اوتورماسینا، ائنمه مه سینه آجیقلا نیب الینی اؤلچهرک دئییر: «به دوش داینا!»

ريضا گولە-گولە باشىنى يوخارى آتير، اسرايىل ماشىنىن قايسىنى
 آچىب دئىير: «آيه به گلميسن؟»

ريضا گولەرك دئىير: «بى دفة ايشەدوى بسدى داي!» اسرايىل
 «نئىنەى دوش گە! جانىم جەنم...» دئىيب گولە-گولە دە سۆزونون
 دالىنى توتوب دئىير: «...او جفر آغزىنا قابلايدىغىمىن دا جريانين
 دىيرسن!» رىضا الينى اؤلچە-اؤلچە «ايندى كى بئله اولدى، نىم
 جانى هئچ اۆلەسن دە دئمىيە جييم» دئەرك ماشىندان ائىير،
 اسرايىل لا پىادا يولونا گئىدىب اوردان دا كوچە يە گىرىر.

آراز دوشوب گلير قاباغا، كئچىر فرمان دالىنا، پخسى باغلايىر،
 ماشىنى خىاوانين قىراغىنا وئرىر، سۇندورور، دوشوب گلير گئە
 اوتورور يئرىندە. موبايلى زنگ چالىر. تلفونو گۇتورور «ماما... گلدىم!
 گلدىم!.. ائله بى دىقىيا يئتىشىرم ايندى!» دئىير، كوتونو گۇتوروب
 ماشىندان ائىير، كوتونو گئىە-گئىە ايندى ماشىنلا گلدىكلرى
 فلكە يە سارى قاچىر. قاچىب، قاچىب، بىر كوچە نىن آغزىنا
 يئتىشىندە دايانىر، تۇوشە يە-تۇوشە يە دۇنوب دالىيا باخىر. اسرايىل لا
 رىضا كوچە دن چىخىب ماشىنا سارى گليرلر، ماشىنىن اچىندە
 آرازى گۇرمە دىكلرى اوچون اورا-بورا باخىرلار، آراز كوچە نىن
 آغزىندان اونلارا سارى ال قاوازيىب بىر نئچە يول دېردىر، سونرا دا
 «رىضا! ھاي رىضا!» دئىيب سسلەيىر، اونلار ايكىسى دە سس گلن
 يئره سارى باخاندا، آراز گئە ال دېردىب گىرىر كوچە يە. اسرايىل

«آیه به دایاندون ماشینان آپارئیدیم داینا!» دئییب باشینی بوللا بیر، ماشینا مینه‌رک ریضایا دئییر: «گه اوتی گئدی!» ماشین آلیشیر. گئنه ده موسیقی سسی اوجالاراق سرعتله یئریندن دبریب فلک‌یه ساری گئدیر، فلکه‌دن ساغا دؤنور، گئنه سرعتله گئدیر آشاغییا، بیراز گئندن سونرا، بیر سرعت‌آلانی اوستوندن آتیلیب تیره‌یه‌رک سوووشور، بیراز قاباقدا، حیوانین قیراغیندا ساخلانیلیر. ریضا قاباغیندا ساخلادیق لاری قاپینی، قارانلیقدا قارامتیل گؤروکن بیر قاپینی گؤرسه‌ده‌رک اوجادان «آده ددم دورارئ ایندی» دئییب الینی پخسه اوزادیب خودونو آلماق ایسته‌ینده، اسراییل ریضانین ال‌نین اوستونه بیر شیلله سالیب اوجادان گوله-گوله «آلو چک آینه!» دئییب پخشین خودونو آلیر. موسیقی‌های کسلییر. ریضا قاپینی آچیب دوشور. دال قاپینی آچیب کوتونو گؤتورور، «سنه ده قیسمت!» دئییب قاپینی اؤرتور، دؤنوب پیدایا یولونا کئچمک ایسته‌ینده، اسراییل دئییر: «آیه به دئمه‌دون آخی!»

ریضا دؤنوب گلیب ماشینین پنجره‌سیندن باخیر، «دئدیم دای دئمییه جییم، ننه‌مین جانینا آند ایشدیم!» دئییر، گئنه قایدیب گئدیر.

اسراییل چیغیریب «ننؤن گؤتینه کئچیردیم!» دئییب تئز ماشینی دبردیب سرعتله یولا دوشور. ریضا تئز قاچیب گلیر حیوانا، چوخ

اوجادان چىغىرراق «شىمانىن گۆتىنە سوخىمى، گۆتىنە!» دئىب
 ئولرىنە سارى قايدىر. اسرايىل سرعتلە گئدن ماشىنى، ترمز
 جىغىلتىسى قاوزاناراق ساخلايىر، دوشوب رىضانىن دالىجا قاقچىر.
 رىضا اسرايىلدىن قاچا-قاچا گلەمەسىنى سئزجەيىن، تئز قاپى لارىنا
 سارى قاقچىر، قاقچارق دا جىيىندىن آچار چىخاردىر، يئتىشجەيىن
 قاپىنى آچىب ئوۋە تىپلىر. اسرايىل گورومپولىلە باغلانان قاپىيا
 يئتىشىر، قاپىيا ايكى-اوچ يوموروق ووراندىن سونرا، زىنگىنى چالىر،
 آيفوندىن بىر كىشى مضطرب سسلە «بلى؟» دئجەيىن، الينى زىنگىن
 چكىر، چوخ اوجادان، چوخ دا آجىقلا دئىير: «گۆت وئره نوۋە دىللن!»
 اسرايىل مېنىر ماشىنا، تىك آف چكەر ك دۆنور. سرعتلە گلىب
 باياقكى فلەكە يە چاتىر. فلەكە دن سولا دۆنور. بىراز قاباقدا، باياق
 كئچدىيى كۈچەنن ايندى آغزىندا دوروب آشاغى-يوخارى باخان
 آرازى گۆرجهيىن تئز ترمز توتور، ماشىنى خىاوانىن اورتاسىندا
 ساخلايىب باشىنى پنجرەدن چىخاردىب دئىير: «آيە بە گئدىردون
 ئوۋە؟»

آراز گولومسەير ك دئىير: «بابام دئدى ئالە هاردئدون قىت گئد
 اورا!»

اسرايىل دئىير: «اوندا گە اوتى! گە اوتى گئدى!»
 آراز ياواش-ياواش گلىب كئچىر اوتورور ماشىندا، اوتوروب قاپىنى
 اۋرتجەيىن دە سوروشور: «رىضا گئدى؟»

اسراييل «آيه ريضانين نكواريना قابلئمي!» دئيه رك يئرinden دبريب سرعتله يولا دوشور، چاتير فلكه يه، اوردان دا ساغا دؤنور، سرعتله اوزو يوخارى قالخير، خياوانى گئدير، سونونا يئتيرمه ميش توى ائوى اولان كوچه يه دؤنور. كوچه نين قيراغينداكى باياقكيندان سايى چوخ آزالان ماشين لارين يانيندان سوووشوب توى ائوينين قاپيسينا سارى گئندده، دووارين قيراغيندان دبريب كوچه نين چيخاغاينا سارى گلن بير ماشينين ايچيندن گلن هاى هارايى ائشيديرلر سه ده، چيراق لارينين ايشيغى گؤز لرينه دوشدويونه گؤره ماشين بؤيورلريندن كئچمه يينجه هاى هاراي ساليب آجيقلا اوجادان دانيشان آدام لارى، نه ده مينديكلرى ماشينى ياخجى گؤرمورلر. ماشين بؤيورلريندن كئچنده ماشينى، گؤز لرى ات ايچينده ايتميشى، بير ده بهنام لا بير آيريسينى گؤرورلر. اسراييل «خئير، ديهه سن بهنام ال چه ميه جى!» دئيه رك ماشينى دووارين قيراغيندا ساخلايير. آراز ائير، كوچه نين او اليه كئچيب توى قاپيسى نين ايكى-اوچ آدديمليغيندا اسراييلين گلمه سيني گؤزله ييب دا يانير. اسراييل قاپينى آچير، ماشينى دووارين چوخ ياخينيندا ساخلا ديغينا، ائنه بيلمه دييينه گؤره، آراز باخيب باشينى بوللا ياراق گئنه ماشينى يانديرير، دال-قاباق ائدير، راحت ائنه بيلمه سى قدر دوواردان آزالى ساخلاييب دوشور.

اسرايىل لا آراز يئىنجه سىنە پىللەردن حىطە ائىب دار كئچە جكدن كئچىب باياق چىراق لارى سۇندورولموش، ايندى ايشىغى قاباغىنداكى رىحان اكيلن كردييه ساچىلمىش اوتاغا سارى گئندە، سارماشىقلى دووارىن يانيندا دوران كىشى لىن بىرىنىن «آراز!» دئيه چاغىرماسىنا ايكىسى دە دۇنوب اونلارا سارى باخاندا، سۇزونون دالىنى توتوب «...خورىز شورباسىنا گۇرا قىتدون؟» دئىن جابىرلە، يانينداكى گولوشن كىشى لرى گۇرورلر. گولمك هاىى هاوالانىب ياتاندىن سونرا، آراز «جابىر! بە اولاردان يئر پىلى آلمىياخسان؟» دئيه باشىلا دا اوتاغى گۇرسە دىر. جابىر «بە بىردا نىه دورمىشام؟» دئجه يىن گئنه يانينداكى لار گولور، «فئىروز عمىم اوۋى دئدى دو بىردا اوتاناردان يئر پىلى آل» دئىندە دە، آراز گولومسە يەرك اسرايىل لا اوتاغىن قاباغىنا سارى گئدىرلر. جابىر اسرايىلى دالدىن «هاى ايسى؟» دئيه چاغىرىر، اسرايىل دۇنوب باخاندا، دئىير: «بىجور مىجورسانا!» اسرايىل جابىرە جاواب وئرمەدن آرازىن دالىجا اوتاغىن قاباغىنا سارى گئدىر، آرازىن يانيندا دورور، آراز كىمى دە پنجرەدن ايچرى باخىر. سىگار توستوسونە بورونموش او اون-اون بئش آدمى، بۇيورلرى اوستە بالىنچ لارا سۇيكەن لرى، كوتو بۇيرونده دىزلرى اوستە اوتوروب كۇينە يى نىن دە بىر قولونو دىرسكدن اوستە چىرمالايان، دقتلە اليندەكى كارت لارا باخىب باشىنى قاوامادان «وئىر!» دئىن ناصىرى، بۇركونو

یانینا قویوب، کوتو چیینینده اوزو اوینا ساری اولان اوروفو گورورلر. اسراییل بیردن الینی آغزینا باسیب، اؤؤو ائلهیه رک کردییه ساری قاچیر، باشینی کردییه آیب قوسور. آراز تئز گلیب الینی اسراییلین کوره یینه قویور، دئمک اولار چیینینی ده اوپور. اسراییل قوسوب، قورتاریب، باشینی قاوزاییر. آراز «دای راحتداشارسان!» دئیهرک «ساری گلین» هاواسینی زنگ سسی نین یئرینه دؤوره-بره یایان موبایلینی جیبیندن گؤتورور، صفحه سینه دقت سالیر، قولاغینا قویوب دئییر: «بلی؟» دئییر: «گئنه قیتدیم تو یا داینا... گلیم؟.. یاخجی! یاخجی!»

پادا یولونون قیراغینداکی برق دیرک لرینین چیراق لاریلا، گاهدان قاباقدان گلن ماشین لارین چیراق لارینین ایشیغی اسراییلین شوشه یه سؤیکه نن باشینا، یومولان گؤزلرینه دوشور، آراز یاواش-یاواش او خیوانین سونونداکی فلکه یه یئتیشیر، ساغا دؤنور، بیراز دا قاباغا گئندن سونرا، سولدا بیر ائلی کوچه یه کئچیر، اللی-آتمیش متر ایره لیله ییب، کوچه نین آلا قارانیغیندا زیل ماوی یه چالان قاپینین، بیر ماشین کئچه بیله جه یی قدر ائنی اولان قاپینین قاباغیندا ساخلاییر. ماشین سؤندوروب سوویچی چیخاردیر، دؤنوب اسراییل باخیر. کوچه نین گیره جه یینده کی برق دیره یی نین چیراغی نین گلیب اسراییلین اوزونه چاتینجا، سرب سپه لنن ایشیغیندا باشینین تویدا آش دنی کیمی گؤرسه نن آغ تئل لری

بوردا ھىچ گۆرونمور. اسرايىل گۆزلىرىنى آچىب آرازا باخىر، آراز گولومسە يىرك اسرايىلا دئىير: «دای گئدى ياتاغ!» ماشىندان ائىندن سونرا دا دئىير: «من گئددىم، گئجون خئير!» آراز خياوان اوزو آشاغى يئىين-يئىين گئدير. يئىين-يئىين، بئله تله سىك يئرىمكده، بلکه ده ھىچ فىكىر وئرمير يانىندان سوووشدوغو قلمه آغاچ لارىنا، كۆھرە آغاچ لارىنا، گاهدان دا گىله نار آغاچ لارىنا. بلکه ده شارھا-شارلا آرخدان آخان سويون سسىنى ده ھىچ ائشىتمير.

خياو

۹۶ نىن خرداد آيىندان

۹۸ ين آذر آيىنادك